

妙瀆蓮筆經

下

聖辛夏八月初日讀誦一遍

次日書者于觀廬

明定

妙法蓮華經卷第四

溫陵開元蓮寺比丘

戒環解

二下根領悟得記二

初無學衆領悟得記

五百弟子授記品第八

三周說法各隨機領悟而述成與記前化城品因緣說一周以被下根滿慈與五百羅漢等於此領悟佛為述成與記故曰五百授記品然此先記滿慈次記五百千二之衆而特取五百名品者滿慈乃大弟子內秘外現為衆標領雖先與記非是當機又千二居末不當名品故也十大弟子無非上根領悟得記本無先後但各專一德隨機揔衆耳滿慈說法第一而五百羅漢常說無上道故號為普明是當說法之機故以滿慈揔之如阿難羅云亦大弟子而揔學衆各有以也文五。

初滿慈領悟

亦時富樓那。弥多羅尼子。從佛聞是智慧方便。隨宜說法。又聞

授諸大弟子。阿耨多羅三藐三菩提。記復聞宿世因緣之事。復聞諸佛有自在神通之力。得未曾有。心淨踊躍。即從座起。到於佛前。頭面禮足。却住一面。瞻仰尊顏。目不暫捨。

聞智慧方便。隨宜說法。通領三周之說也。又聞大記。通領舍利弗等受記事也。復聞因緣。即別領大通王子之事。復聞神力。別領導師神化之事。罕聞故得未曾有。惑除故。心淨踊躍。於是避座。致恭而後。申歎發誓。

而作是念。世尊甚奇特。所為希有。隨順世間。若干種性。以方便知見。而為說法。拔出衆生。處處貪着。我等於佛功德言不能宣。唯佛世尊。能知我等深心本願。

前乃經家叙置。此正滿慈之辭。言奇特希有。至處處貪着。惣嘆三周說法也。我等於佛功德言不能宣。惣歎授記。乃至導師神化之德。不能備宣也。唯佛世尊。已下申本願而誓護持也。深心本願。謂精進護持。助宣佛法。乃至過去未來。助宣之

事非謂願求記也。

二如來述成

於時佛告諸比丘。汝等見是富樓那。彌多羅尼子。不。我常稱其於說法人中。最為第一。亦常歎其種種功德。精進護持。助宣我法。能於四衆。示教利喜。具足解釋。佛之正法。而大饒益。同梵行者。自捨如來。無能盡其言論之辯。

述成其深心本願也。問衆見不者。以衆等徒知滿慈之迹。而不知其深行。故開端以示之。說法第一。述其正行也。種種功德。述其衆行也。精進護持。述其本願也。言論之辨。述其才辨也。汝等勿謂富樓那。但能護持。助宣我法。亦於過去九十億諸佛。所護持。助宣佛之正法。於彼說法人中。亦最第一。又於諸佛所說空法。明了通達。得四無礙智。常能審諦清淨說法。無有疑惑。具足菩薩神通之力。隨其壽命。常修梵行。彼佛世人。咸皆謂之。實是聲聞。而富樓那。以斯方便。饒益無量。百千衆生。又化無量阿僧祇人。令立阿耨多羅三藐三菩提。為淨佛土。故常作佛事。

教化衆生

上德述此廣陳也。舉九十億佛所。即廣陳護宣遠因也。於佛空法明了通達者。非若二乘滯於斷空也。得四無礙清淨說法者。如所如說。不泥名相也。菩薩神通非二乘比也。隨其壽命。言盡形壽也。令立菩提者。令於正道有立也。為淨佛土。故化衆生者。藉利他行。成已行也。故淨名云。菩薩隨所化衆生。而取佛土。所謂淨佛土者。自淨其心。以致佛土之淨也。為淨佛土。而必須教化衆生者。要即塵勞而能淨非。若二乘厭塵勞。以求淨也。由是觀之。其本乃大權聖人。示現弘法耳。故偈以內秘外現頌之。

諸比丘富樓那。亦於七佛說法人中。而得第一。今於我所說法人中。亦為第一。於賢劫中。當來諸佛說法人中。亦復第一。而皆護持。助宣佛法。亦於未來。護持助宣。無量無邊諸佛之法。教化饒益無量衆生。今立阿耨多羅三藐三菩提。為淨佛土。故常勸

精進教化衆生漸漸具足菩薩之道

上陳遠因此舉三世皆明說法宣化之深行也。七佛即毗盧尸尸棄毗舍浮拘留孫拘那含迦葉釋迦是也。上三屈前劫下四屈今劫三劫三千佛始於妙光佛末法出家脩道聞五十三佛名深心仰慕復化他人滿三千衆深心敬禮。超劫劫生死之罪得證佛果。其初千人於莊嚴劫成佛。華光為首。至毗舍浮是也。其次千人於賢劫成佛。拘留孫為首。至樓至是也。其後千人於星宿劫成佛。日光為首。至須彌相是也。

三滿慈得記二

一正記

過無量阿僧祇劫。當於此土得阿耨多羅三藐三菩提。號曰法明。如來應供正徧。知明行足善逝。世間解無上士。調御丈夫。天人師佛世尊。

滿慈既於多佛植因之遠。而猶過僧祇劫。乃得菩提。號法明者。謂於無數劫量法門。一時明達。即成佛道。非如情見久遠。

劫也華嚴記發心菩薩過千不可說劫當得作佛號清淨論
謂明達如是劫量法門惣清淨故正此意也餘記劫數深意並同
其佛以恒河沙等三千大千世界為一佛土七寶為地地平為
掌無有山陵谿澗溝壑七寶臺觀充滿其中諸天宮殿近處虛
空人天交接兩得相見無諸惡道亦無女人一切衆生皆以化
生無有媾欲 此皆依報清淨之相由因中常脩梵行廣化
衆生令立正道故果地無邪穢之事而交接皆上善之人也
得大神通身出光明飛行自在志念堅固精進智慧普皆金色
三十二相而自莊嚴 既以化生離諸欲染故本來體相
淨妙若此如是妙體人固有之特為鹿濁欲惡染蔽而已故
阿難曰欲氣鹿濁腥臊交遘不能發生勝淨妙明紫金光聚
苟斷欲愛不受胎生則本來體相無復染蔽通光莊嚴自能
發現以世考之精華之氣或化列星吐納之人猶能輕舉則
滓濁既盡妙體精明飛行自在無足疑矣

信人李智清

其國衆生常以二食一者法喜食二者禪悅食
不由胎藏故不假段食唯食法喜禪悅而已
有無量阿僧祇千萬億那由他諸菩薩衆得大神通四無礙智
善能教化衆生之類其聲聞衆等數校計所不能知皆得具足
六通三明及八解脫 上明國土人民此明同德法侶滿

慈具足菩薩神通之力得四無礙智審諦說法教化衆生明
了通達故報緣法衆其德皆類

結前也

其佛國土有如是等無量功德莊嚴成就
劫名寶明國名善淨其佛壽命無量阿僧祇劫法住甚久佛滅
度後起七寶塔遍滿其國 劫有法寶真明故名寶明國
無女人惡道故名善淨由三世說法續佛壽命故佛壽無量
法住甚久滅後起塔遍滿其國又以餘德散沾也 二重頌
爾時世尊欲重宣此義而說偈言

文三

一頌述成二

初述權應

諸比丘諦聽 佛子所行道 善學方便故 不可得思議
知衆樂小法 而畏於大智 是故諸菩薩 作聲聞緣覺
以無數方便 化諸衆生類 自說是聲聞 去佛道甚遠
度脫無量衆 皆悉得成就 雖小欲懈怠 漸當令作佛
內秘菩薩行 外現是聲聞 少欲厭生死 實自淨佛土
示衆有三毒 又現邪見相 我弟子如是 方便度衆生
若我具足說 種種現化事 衆生聞是者 心則懷疑惑
此通舉諸大弟子權應之德述成滿慈內秘外現之行也自
善學方便至度無量衆悉得成就皆權應之德也小欲懈怠
漸令作佛言善化也少欲厭生死則外現之事實自淨佛土
則內秘之事示三毒現邪見等者諸大弟子權迹皆由示化
彼類如舍利弗與羅度爭勝即示瞋也難陀愛婦示貪也調
達害佛示癡也是謂三毒憍陳如三迦葉等昔為外道即現
邪見也其大權難測故聞者疑惑 一述護法

今此富樓那 於昔千億佛 勤脩所行道 宣護諸佛法
為求無上慧 而於諸佛所 現居弟子上 多聞有智慧
所說無所畏 能令衆歡喜 未曾有疲倦 而助佛事
已度大神通 具四無礙智 知諸根利鈍 常說清淨法
演暢如是義 教諸千億衆 令住大乘法 而自淨佛土
未來亦供養 無量無數佛 護助宣正法 亦自淨佛土
常以諸方便 說法無所畏 度不可計衆 成就一切智
供養諸如來 護持法寶藏

信女李芬蓮助

通頌三世宣護之行也現居弟子上者謂於諸佛所皆示現
為衆標領也度大神通言已超越小聖也 二頌正記
其後得成佛 號名曰法明 其國名善淨 七寶所合成
劫名為寶明 菩薩衆甚多 其數無量億 皆度大神通
威德力具足 充滿其國土 聲聞亦無數 三明八解脫
得四無礙智 以是等為僧 其國諸衆生 嬉欲皆已斷

純一變化生 具相莊嚴身 法喜禪悅食 更無餘食想
無有諸女人 亦無諸惡道

通頌劫國衆德文義同前以是等為僧者言其國僧衆皆三
明四智無凡流也 三結

富樓那比丘 功德悉成滿 當得斯淨土 賢聖衆甚多
如是無量事 我今但略說 四千二百記 初請記

尔時千二百阿羅漢心自在者作是念我等歡喜得未曾有若
世尊各見授記如餘大弟子者不亦快乎 二通許

佛知此等心之所念告摩訶迦葉是千二百阿羅漢我今當現
前次第與授阿耨多羅三藐三菩提記

迦葉為衆上首故告之 三別授二 初記憍陳

於此衆中我大弟子憍陳如比丘當供養六萬二千億佛然後
得成為佛号曰普明如來應供正遍知明行足善逝世間解無
上士調御丈夫天人師佛世尊 憍陳最初得度為衆首

故特記之號普明者偈云常放大光明一切之所敬又云常
說無上道故號曰普明謂以智慧明破諸癡暗普使衆生明

了法性即今住世應真之首也 二記五百

其五百阿羅漢優樓頻螺迦葉伽耶迦葉那提迦葉迦留陀夷
優陀夷阿菟樓駄離婆多劫賓那薄拘羅周陀莎伽陀等皆當

得阿耨多羅三藐三菩提盡同一號名曰普明

五百威德具足為千二之傑故又別記目連記末云我諸弟
子威德具足其數五百即此也餘七百衆 於前通許於頌

通記優樓頻螺等即序分所列羅漢上首詳略牙舉也同號
普明以德同故 四重頌

爾時世尊欲重宣此義而說偈言 文三 初頌記憍陳

憍陳如比丘 當見無量佛 過阿僧祇劫 乃成等正覺
常放大光明 具足諸神通 名聞遍十方 一切之所敬
常說無上道 故號為普明

頌正報也常放大法光明普照迷暗也

其國土清淨 菩薩皆勇猛 咸昇妙樓閣 遊諸十方國

以無上供具 奉獻於諸佛 作是供養已 心懷大歡喜

須臾還本國 有如是神力 頌依報也

佛壽六萬劫 正法住倍壽 像法復倍是

頌化緣也 二頌記五百

法滅天人憂 其五百比丘 次第當作佛 同號曰普明

前法既滅天人失望則後佛繼出安隱天人

轉次而授記 我滅度之後 某甲當作佛 其所化世間

亦如我今日 此詳記五百次第出興事止我滅度之後

等乃五百地 相授之辭以轉次不一不可六指故云某甲

非謂釋迦持 二百眾釋迦次補自當弥勒也

國土之嚴淨 及諸神通力 菩薩聲聞眾 正法及像法

壽命劫多少 皆如上所說

五百依正之果皆如憍陳 三通記餘眾

迦葉汝已知 五百自在者 餘諸聲聞眾 亦當復如是

引五百之事而例記七百之眾通為千二之記

其不在此會 汝當為宣說 令迦葉宣揚勝事以勉後進

五五百自慶四 初陳情

尔時五百阿羅漢於佛前得授記已歡喜踊躍即從座起到於

佛前頭面禮足悔過自責世尊我等常作是念自謂已得究竟

滅度今乃知之如無智者所以者何我等應得如來智慧而便

自以小智為足

悔責者悔昔之失慶今之得也如來智慧即一切種智我等

應得而悔不早悟 二設喻二 一喻昔因

世尊譬如有人至親友家醉酒而卧是時親友官事當行以無

價寶珠繫其衣裏與之而去其人醉卧都不覺知起已遊行到

於他國為衣食故勤力求索甚大艱難若少有所得便以為足

親友繫珠辟佛預十六菩薩時為說法華結大乘因也醉酒而卧辟我預千萬億衆時皆生疑惑昏昏如醉也官事當行即佛化將畢餘處利生么而不黨故辟官事起已遊行轉迷也到於他國弃本也為衣食等樂小也

於後親友會遇見之而作是言咄哉丈夫何為衣食乃至如是我昔欲令汝得安樂五欲自恣於某年日月以無價寶珠繫汝衣裏今故現在而汝不知勤苦憂惱以求自活甚為癡也汝今可以此寶貿易所須常可如意無所乏短

今復值佛咄叱警戒辟呵小進大言丈夫者指大乘種性而警進之也餘意如下合顯貿易所須辟即性發揮當得大利也時物遷貨曰貿以有易無曰易

佛亦如是為菩薩時教化我等令發一切智心而尋廢忘不知不覺既得阿羅漢道自謂滅度資生艱難得少為足一切智願猶在不失

漢而未離法縛是資生艱難也智願不失如衣珠現在

二合今緣

今者世尊覺悟我等作如是言諸比丘汝等所得非究竟滅我久令汝等種佛善根以方便故示涅槃相而汝謂為實得滅度合咄叱警戒也

世尊我今乃知實是菩薩得受阿耨多羅三藐三菩提記以是因緣甚大歡喜得未曾有

合貨寶如意也 四重頌

爾時阿若憍陳如等欲重宣此義而說偈言 文四 初頌陳情

我等聞無上 安隱受記聲 歡喜未曾有 禮無量智佛

今於世尊前 自悔諸過咎 於無量佛寶 得少涅槃分

如無智愚人 便自以為足 頌得記歡喜悔過自責也

二頌設喻二

一喻昔因 辭如貧窮人 往至親交家 其家甚大富 具設諸肴饌

以無價寶珠 繫着內衣裏 默與而捨去 時卧不覺知

是人既已起 遊行詣他國 求衣食自濟 資生甚艱難
得少便為足 更不願好者 不覺內衣裏 有無價寶珠

二喻今緣

與珠之親友 後見此貧人 苦切責之已 示以所繫珠
貧人見此珠 其心大歡喜 富有諸財物 五欲而自恣

三頌合顯二

我等亦如是 世尊於長夜 常愍見教化 令種無上願
我等無智故 不覺亦不知 得少涅槃分 自足不求餘

二合今緣

今佛覺悟我 言非實滅度 得佛無上慧 尔乃為真滅

四惣慶

我今從佛聞 受記莊嚴事 及轉次受決 身心遍歡喜

以記為決謂決定道果也

妙法蓮華經授學無學人記品第九

此記小聲聞眾也舊說裂此為二謂學與無學然無學即羅漢已在千二之記不當重列此即學於無學小聲聞而已研真斷惑名學真窮惑盡名無學此未得無學而亦預佛記者若有聞法者無一不成佛故也

文二

初請記二

初二師請記

尔時阿難羅睺羅而作是念我等每自思惟設得受記不亦快乎 阿難多聞護持法藏羅云密行皆大弟子而與學眾同

授記者示彼亦內秘外現密行之儔也觀學眾記云當供微塵數佛護持法藏即與阿難羅云同德故以二師惣之

即從座起到於佛前頭面禮足俱白佛言世尊我等於此亦應有分唯有如來我等所歸又我等為一切世間天人阿修羅所

見知識阿難常為侍者護持法藏羅睺羅是佛之子若佛見授阿耨多羅三藐三菩提記者我願既滿眾望亦足

阿難羅云親適於佛既為眾所見知若不得記則無塞眾望

也菩薩為通達佛道無所不現故淨名佛道品以法喜為妻
慈悲為女誠善為男而釋迦所以有耶輸羅云皆為示現非
同世俗妻子也

二學眾請記

尔時學無學聲聞弟子二千人皆從座起偏袒右肩到於佛前
一心合掌瞻仰世尊如阿難羅睺羅所願住立一面

二得記七

一阿難得記

爾時佛告阿難汝於來世當得作佛號山海慧自在通王如來
應供正遍知明行足善逝世間解無上士調御丈夫天人師佛
世尊當供養六十二億諸佛護持法藏然後得阿耨多羅三藐
三菩提

山海慧自在通王者高莫逾於山深莫浚於海阿難宿持法
藏多聞博達智慧等之於諸法中得大通達自在如王故得
果以因為号當供多佛護持法藏然後成佛蓋其本願也
教化二十千萬億恒河沙諸菩薩等令成阿耨多羅三藐三菩提

阿難當來作成如此其多者為宿持法藏化緣深故

國名常立勝幡其土清淨琉璃為地劫名妙音遍滿

幡表尊勝之德阿難多聞第一故國名常立勝幡宣傳法藏
故劫名妙音遍滿為由法音宣流也

其佛壽命無量千萬億阿僧祇劫若人於千萬億無量阿僧祇
劫中算數校計不能得知正法住世倍於壽命像法住世復倍
正法 佛壽無量劫而正像之法又復倍倍者由其宣傳法

藏因力絲遠也問壽劫之說悠然不窮何所據依視不覩睫
沉渺冥乎曰萬物死生而不已者存壽有終窮乎古今代謝
而曾無紀極劫有終窮乎聖人離死生至道無代謝則雖倍
倍之劫未足盡其靈長矣

阿難是山海慧自在通王佛為十方無量千萬億恒河沙等諸
佛如來所共讚歎稱其功德

為其護持法藏報得殊勝名聞十方故

也菩薩為通達佛道無所不現故淨名佛道品以法喜為妻
慈悲為女誠善為男而釋迦所以有耶輸羅云皆為示現非
同世俗妻子也

二學眾請記

爾時學無學聲聞弟子二千人皆從座起偏袒右肩到於佛前
一心合掌瞻仰世尊如阿難羅睺羅所願住立一面

二得記七

一阿難得記

爾時佛告阿難汝於來世當得作佛號山海慧自在通王如來
應供正遍知明行足善逝世間解無上士調御丈夫天人師佛
世尊當供養六十二億諸佛護持法藏然後得阿耨多羅三藐
三菩提

山海慧自在通王者高莫逾於山深莫浚於海阿難宿持法
藏多聞博達智慧等之於諸法中得大通達自在如王故得
果以因為号當供多佛護持法藏然後成佛蓋其本願也
教化二十千萬億恒河沙諸菩薩等令成阿耨多羅三藐三菩提

阿難當來作成如此其多者為宿持法藏化緣深故

國名常立勝幡其土清淨琉璃為地劫名妙音遍滿

幡表尊勝之德阿難多聞第一故國名常立勝幡宣傳法藏
故劫名妙音遍滿為由法音宣流也

其佛壽命無量千萬億阿僧祇劫若人於千萬億無量阿僧祇
劫中算數校計不能得知正法住世倍於壽命像法住世復倍
正法

佛壽無量劫而正像之法又復倍倍者由其宣傳法
藏因力絲遠也問壽劫之說悠然不窮何所據依視不覩睫
沉渺冥乎曰萬物死生而不已者存壽有終窮乎古今代謝
而曾無紀極劫有終窮乎聖人離死生至道無代謝則雖倍
倍之劫未足盡其靈長矣

阿難是山海慧自在通王佛為十方無量千萬億恒河沙等諸
佛如來所共讚歎稱其功德

為其護持法藏報得殊勝名聞十方故

爾時世尊欲重宣此義而說偈言

我今僧中說 阿難持法者 當供養諸佛 然後成正覺

號曰山海慧 自在通王佛 其國土清淨 名常立勝幢

教化諸菩薩 其數如恒沙 佛有大威德 名聞滿十方

壽命無有量 以愍衆生故 正法信壽命 像法復倍是

如恒河沙等 無數諸衆生 於此佛法中 種佛道因緣

頌文大意同前佛有大威德名聞滿十方頌諸佛共歎也壽

命無有量以愍衆生故非徒羨久生也衆生於法中種佛道

因緣者能持法藏故群類資焉 二初心生疑

尔時會中新發意菩薩八千人咸作是念我等尚不聞諸大菩

薩得如是記有何因緣而諸聲聞得如是决 三佛為决疑

阿難果號劫國教化作成等事特異衆記初心不知遠目故

疑其何緣而得 三佛為决疑 尔時世尊知諸菩薩心之所念而告之曰諸善男子我與阿難

等於空王佛所同時發阿耨多羅三藐三菩提心阿難常樂多

聞我常勤精進是故我已得成阿耨多羅三藐三菩提而阿難

護持我法亦護將來諸佛法藏教化成就諸菩薩衆其本願如

是故獲斯記 此告其遠因以同佛發心功深願廣宜得是記也校其遠因

則功已齊佛但彼願護持法藏故常樂多聞佛願成道利生

故常勤精進由是佛已成道而阿難尚須護法教化然後成

佛蓋其本願如是非由根智勝劣而有先後也俱舍論說空

王佛乃釋迦三僧祇劫中間所逢之佛 四阿難獲益

阿難面於佛前自聞授記及國土莊嚴所願具足心大歡喜得

未曾有即時憶念過去無量千萬億諸佛法藏通達無礙如今

所聞亦識本願 即時憶念等者因佛與記又叙往因於是得法性覺自在三

昧能憶過佛法藏又識本昔願持之因也

尔時阿難而說偈言

世尊甚希有 令我念過去 無量諸佛法 如今日所聞

我今無復疑 安住於佛道 方便為侍者 護持諸佛法

謝記自勵也 既識本願所以無疑而益勤方便

五羅云得記

尔時佛告羅睺羅汝於來世當得作佛躡七寶華如來應供
正遍知明行足善逝世間解無上士調御丈夫天人師佛世尊

蹈七寶花乃妙淨密行之應也

當供養十世界微塵等數諸佛如來常為諸佛而作長子猶如

今也 作長子者常以密行繼續佛道也如華嚴以普賢為

長子亦表大行能建佛家法也蓋弘道以德行為尚故儒門

四科亦先德行

是蹈七寶華佛國土莊嚴壽命劫數所化弟子正法像法亦如
山海慧自在通王如來無異亦為此佛而作長子過是已後當

得阿耨多羅三藐三菩提

多聞密行常相資故羅云國劫正像之果並同阿難而當來

亦為阿難長子

尔時世尊欲重宣此義而說偈言

我為太子時 羅睺為長子 我今成佛道 受法為法子

於未來世中 見無量億佛 皆為其長子 一心求佛道

記羅云繼續佛道絲絲不絕也

羅睺羅密行 唯我能知之 現為我長子 以示諸衆生

無量億千萬 功德不可數 安住於佛法 以求無上道

隱大權之跡而示現為佛子功德不可數唯佛能知之是謂

密行也 六二千得記

尔時世尊見學無學二千人其意柔軟寂然清淨一心觀佛佛

告阿難汝見是學無學二千人不唯然已見

此亦昔日所化故今與記其意柔軟謂根機已熟問其見不

默示昔因也而阿難多聞博達固已默知

阿難是諸人等當供養五十世界微塵數諸佛如來恭敬尊重
護持法藏末後同時於十方國各得成佛皆同一號名曰實相
如來應供正遍知明行足善逝世間解無上士調御丈夫天人
師佛世尊

二千果号皆同以因同也了學無學即證實相是謂寶相
壽命一劫國土莊嚴聲聞菩薩正法像法皆悉同等

言二千同時成佛依報法化皆同
尔時世尊欲重宣此義而說偈言

是二千聲聞 今於我前住 悉皆與授記 未來當成佛

所供養諸佛 如上說塵數 護持其法藏 後當成正覺

各於十方國 悉同一名號 俱時坐道場 以證無上慧

皆名為寶相 國土及弟子 正法與像法 悉等無有異

咸以諸神通 度十方衆生 名聞普周遍 漸入於涅槃

名聞周遍 漸入涅槃者出興功成則反一無迹佛佛然也

七學衆讚誦

尔時學無學二千人聞佛授記歡喜踊躍而說偈言

世尊慧燈明 我聞授記音 心歡喜充滿 如甘露見灌

慧燈明讚也聞記歡喜謝也 二廣記圓該

妙法蓮華經法師品第十

能持正法足以師人謂之法師此授廣記以圓該前記而号

法師品者所以廣記持經之人而推尊之故也經舉現前八

部四衆等類及佛滅後聞經隨喜皆與授記是謂廣記前雖

對三周法授三根記而收機未盡故此圓該乃圓教之統其

也既為統要允屬正宗而舊科於此遂分流通亦隨所見文二

一廣記推尊五 一授廣記二 初現前廣記

尔時世尊因藥王菩薩告八萬大士藥王汝見是大衆中無量

諸天龍王夜叉乾闥婆阿修羅迦樓羅緊那羅摩睺羅伽人與

非人及比丘比丘尼優婆塞優婆夷求聲聞者求辟支佛者求佛道者如是等類咸於佛前聞妙法華經一偈一句乃至一念隨喜者我皆與授記當得阿耨多羅三藐三菩提

將授廣記而因藥王告大士者以廣記渺漠法利勝妙非深知宿契及六菩薩無能證知故也藥王即喜見菩薩久持此經燒身然燈可謂深知宿契矣八萬大士即經首八萬菩薩現前八部一衆皆與授記者所謂若有聞法者無一不成佛也

二後世廣記

佛告藥王又如來滅度之後若有人聞妙法華經乃至一偈一句一念隨喜我亦與授阿耨多羅三藐三菩提

言滅後有人則其機未兆亦懸記之則此品廣記無所不圓無所不該矣

二推尊其人

若復有人受持讀誦解說書寫妙法華經乃至一於此經卷敬視如佛種種供養華香瓔珞末香塗香燒香繒蓋幡衣服

伎樂乃至合掌恭敬藥王當知是諸人等已曾供養十萬億佛於諸佛所成就大願愍衆生故生此人間

自受持讀誦至合掌恭敬為六種法師一受持二讀三誦四解說五書寫六供養能備六種難故必由供佛宿福及大願也藥王若有人問何等衆生於未來世當得作佛應示是諸人等於未來世必得作佛

今藥王宣明勝因也

何以故若善男子善女人於法華經乃至一句受持讀誦解說書寫種種供養經卷華香瓔珞抹香塗香燒香繒蓋幢幡衣服伎樂合掌恭敬是人一切世間所應瞻奉應以如來供養而供養之當知此人大菩薩成就阿耨多羅三藐三菩提哀愍衆生願生此間廣演分別妙法華經何況盡能受持種種供養者釋上以顯緣勝人尊故當作佛但於一句能具六種法師之功猶足推尊瞻奉而當成菩提况於一經盡能受持則其緣愈勝其人愈尊其作佛必矣

藥王當知是人自捨清淨業報於我滅度後愍眾生故生於惡世廣演此經

自捨淨報者當是淨土果人示生惡世

若是善男子善女人我滅度後能竊為一人說法華經乃至一句當知是人則如來使如來所遣行如來事何況於大眾中廣為人說

使即將命之人遣有付托之義此令敬持經人視同將如來命為如來付托讚揚大事宜在尊尚也

三戒勿輕毀

藥王若有惡人以不善心於一劫中現於佛前常毀罵佛其罪尚輕若人以一惡言毀世在家出家讀誦法華經者其罪甚重

萬德慈尊不可毀也然毀之其罪尚輕者以無能損故毀持經之人其罪尤重者以斷佛種故

四勉人信向

藥王其有誦誦法華經者當知是人以佛莊嚴而自莊嚴則為如來有所荷擔其所至方應隨向禮一心合掌恭敬供養尊重讚歎華香塗抹香塗香燒香繒蓋幢幡衣服肴饌作諸伎樂

人中上供而供養之應持天寶而以散之天上寶聚應以奉獻

以佛莊嚴而自莊嚴者謂具佛眾德也則為如來有所荷擔

者謂佛所尊重也佛尚尊之則人者固當隨方欽向尊重之也

所以者何是人歡喜說法須臾聞之即得究竟阿耨多羅三藐

三菩提故 徵釋所應尊重之意也 五重頌

余時世尊欲重宣此義而說偈言 文五 一教師承人法

若欲住佛道 成就自然智 常當勤供養 受持法華者

自然智即本覺真智也欲住佛道成就此智必藉法師發明

故當勤供養持法華者

其有欲疾得 一切種智慧 當受持是經 并供養持者

一切種智即諸佛果智也欲求佛果疾得此智必依此經修

證故當持是經并供持者 二頌推尊其人

若有能受持 妙法華經者 當知佛所使 愍念諸眾生

頌於諸佛所成就大願愍眾生故生此人間

諸有能受持 妙法華經者 捨於清淨土 愍衆故生此

當知如是人 自在所欲生 能於此惡世 廣說無上法

應以天華香 及天寶衣服 天上妙寶聚 供養說法者

頌是人自捨 清淨業報等 自在所欲生 處隨願自在

吾滅後惡世 能持是經者 當合掌禮敬 如供養世尊

上饌衆甘美 及種種衣服 供養是佛子 莫得須臾聞

此令推尊以求 妙法 我遣在人中 行於如來事

若能於後世 受持是經者 三頌戒輕毀 獲無量重罪

非如來遣則 莫之能 作色而罵佛 其罪復過彼

若於一劫中 常懷不善心 須更加惡言 其罪復過彼

其有讀誦持 是法華經者 歎美持經者 以無數偈讚

如科 有人求佛道 而於一劫中 合掌在我前 其福復過彼

由是讚佛故 得無量功德 歎美持經者 其福復過彼

顯讚美之福也

四頌勉信向

於八十億劫 以最妙色聲 及與香味觸 供養持經者

如是供養已 若得須臾聞 則應自欣慶 我今獲大利

頌花香伎樂人中 上供等文於八十億劫 言不倦持久之志 以

冀須臾之聞 須臾聞之即得菩提 故為大利 五結告顯勝

藥王今告汝 我所說諸經 而於此經中 法華最第一

故宜信向也 二顯勝勸持十一 一深妙難解

今時佛復告藥王 菩薩摩訶薩 我所說經典 無量千萬億已說

今說當說而於其中 此法華經最為難信難解

已說即般若等 今說即法華當說即涅槃 而獨法華所詮皆

妙法所示 皆實相非衆生知見 所以難信是諸佛秘要所以

難解也 二非機勿授

藥王此經是諸佛秘要之藏 不可分布妄授與人 諸佛世尊之

所守護從昔已來 未曾顯說而此經者 如來現在猶多怨嫉况

滅度後 秘密法要妄授則上慢退席顯說則窮子怖父而
怨誹憎嫉生焉如來現在尚尔況滅後惡世可不擇機
三能持為勝

藥王當知如來滅後其能書持讀誦供養為他人說者如來即
為以衣覆之又為他方現在諸佛之所護念是人有大信力及
志願力諸善根力當知是人與如來共宿則為如來手摩其頭
是經難得聞信受者亦難故凡書持讀說非假如來覆護及
自有信願善根莫之能矣為如來衣覆謂得佛忍力也與如
來共宿謂栖心同佛也為如來摩頂謂蒙佛慰安也如此故
能於後惡世持說是法 四在處應敬

藥王在在處處若說若讀若誦若書若經卷所住之處皆應起
七寶塔極令高廣嚴飾不須復安舍利所以者何此中已有如
來全身 三周開示及餘助顯無非如來全身也
此塔應以一切華香瓔珞繒蓋幢幡伎樂歌頌供養恭敬尊重

讚歎若有人得見此塔禮拜供養當知是等皆近阿耨多羅三
藐三菩提 為其因正而緣勝故也 五為道津要

王多有人在家出家行菩薩道若不能得見聞讀誦書持供
養是法華經者當知是人未善行菩薩道若有得聞是經典者
乃能善行菩薩之道

行菩薩道而不聞是經如欲濟渴而不知須水也

其有衆生求佛道者若見若聞是法華經聞已信解受持者當
知是人得近阿耨多羅三藐三菩提

如人鑿井已近泉源 六設譬津要

藥王譬如有人渴乏須水於彼高原穿鑿求之猶見乾土知水
尚遠施功不已轉見濕土遂漸至泥其心決定知水必近
高原鑿水譬修菩薩道不得其要猶見乾土施功不已譬從
乾慧地由漸而進轉見濕土喻歷聞般若遂漸至泥喻初聞
法華然尚滯備習則於佛智水近之而已若夫脫然造其真

源則妙湛圓發不勞功用視前所為皆滓濁矣經不言此者
所謂引而不發使其自進益無功用處不容言諭也
七合顯所譬

菩薩亦覺是若未聞未解未能修習是法華經當知是人去阿
耨多羅三藐三菩提尚遠若得聞解思惟脩習必知得近阿耨
多羅三藐三菩提所以者何一切菩薩阿耨多羅三藐三菩提
皆屬此經 佛果菩提皆屬此經則未聞未解安可得道

此經開方便門示真實相是法華經藏深固幽遠無人能到今
佛教化成就菩薩而為開示 開方便門猶鑿井也示真實

相猶見水也法華經藏即衆生如來藏也於衆生則蘊在塵
勞於菩薩則蘊在萬行於寶所則過乎五百由旬可謂深固
幽遠也人無能到故唯菩薩可以開示 八辯明非機
藥王若有菩薩聞是法華經驚疑怖畏當知是為新發意菩薩
若聲聞人聞是經驚疑怖畏當知是為增上慢者

大根有新發意小根有增上慢皆非機也 九具體乃說

藥王若有善男子善女人如來滅後欲為四衆說是法華經者

云何應說 先標次釋

是善男子善女人入如來室着如來衣坐如來座亦乃應為四
衆廣說斯經如來室者一切衆生中大慈悲心是如來衣者柔
和忍辱心是如來座者一切法空是安住是中然後以不懈怠
心為諸菩薩及四衆廣說是法華經

夫說法教化之道必已有所處然後能安人己有所服然後
能伏人己有所據然後能達人如來以慈悲為室柔忍為衣
法空為座入慈悲室則已有所處也着柔忍衣則已有所服
也坐法空座則已有所據也如此則具佛之體乃可廣說斯
經苟未體此自無主正何以為人哉故曰安住是中然後以
不懈怠廣說是法今夫據寶花座而聖讀庸行者宜深鑒乎
此一切法空者非斷空也即一切法廓然了達之謂也

十佛化護助

藥王我於餘國遣化人為其集聽法眾亦遣化比丘比丘尼優婆塞優婆夷聽其說法是諸化人聞法信受隨順不逆若說法者在空閑處我時廣遣天龍鬼神乾闥婆阿修羅等聽其說法此佛力變化讚揚大事也餘國則他方世界我雖在異國時時令說法者得見我身若於此經忘失句逗我還為說令得具足

在異國而令見所謂隱顯化眾生

十一重頌

初頌顯勝勸持

信受者亦難

二頌辟津要

知去水尚遠

三頌合顯

去佛智甚遠

不聞法華經

如是諸人等

猶見乾燥土

決定知近水

穿鑿於高原

欲於正道易進而無懈者當依此為津要

應當聽此經

是經難得聞

欲捨諸懈怠

文六

初頌顯勝勸持

信受者亦難

二頌辟津要

知去水尚遠

三頌合顯

去佛智甚遠

若聞是深經

決了聲聞法

是諸經之王

聞已諦思惟

當知此人等

近於佛智慧

決了聲聞直入佛慧

四頌具體乃說

若人說此經

應入如來室

廣為分別說

著於如來衣

處眾無所畏

大慈悲為室

諸法空為座

若說此經時

加刀杖瓦石

有人惡口罵

念佛故應忍

以佛為念當忍諸惡所謂著如來衣

我千萬億土

現淨堅固身

於無量億劫

為眾主說法

若我滅度後

能說此經者

我遣化四眾

比丘比丘尼

及清信士女

供養於法師

引導諸眾生

集之令聽法

若人欲加惡

刀杖及瓦石

則遣變化人

為之作衛護

若說法之人

獨在空閑處

寂寞無人聲

讀誦此經典

我亦時為現

清淨光明身

若忘失章句

為說令通利

若人具是德 或為四眾說 空處讀誦經 皆得見我身

若人在空閑 我遣天龍王 夜叉鬼神等 為作聽法眾

是人樂說法 分別無罣礙 諸佛護念故 能令大眾喜

皆餘國遣化護助事也若人具是德謂具慈悲柔忍德也空

處讀經得見我身者令於法空座行柔忍德使心空境寂則

此中全身昭然可見是謂清淨光明身也若未具是德徒誦

此經而欲以色相見我是行邪道 六結勸師承

若親近法師 速得菩薩道 隨順是師學 得見恒沙佛

恒沙諸佛全身在此 三多寶圓證

妙法蓮華經見寶塔品第十一

自開會至此三周法備四眾記圓法身已全本願已足故感

過去多寶踊願塔現全身盡集十方說法分身諸佛圓會圓

證所以然者示十方三世過現諸佛說示修證之道圓備於

此 文二十二 初塔現佛前

尔時佛前有七寶塔高五百由旬縱廣二百五十由旬從地踊

出住在空中種種寶物而裝校之五千欄楯龕室千萬無數幢

幡以為嚴飾垂寶瓔珞寶鈴萬億而懸其上四面皆出多摩羅

跋栴檀之香充遍世界其諸幡蓋以金銀琉璃瑪瑙真珠

玫瑰七寶合成高至四天王宮

寶塔殊勝乃果行依報諸莊嚴具彰果行德用也種種莊校

即萬德之像五千欄楯即摠持之力龕室千萬應慈悲無量

也幢幡無數應摧邪表正也垂寶瓔珞即眾善下化寶鈴萬

億即法音廣振四面出香表神通四達如意周遍七寶幡蓋

高至天宮表眾德尊勝也 二諸天供塔

三十三天雨天曼陀羅華供養寶塔餘諸天龍夜叉乾闥婆阿

修羅迦樓羅緊那羅摩睺羅伽人非人等千萬億眾以一切華

香瓔珞幡蓋伎樂供養寶塔恭敬尊重讚歎

知有如來全身故 三印讚釋迦

尔時寶塔中出大音聲歎言善哉善哉釋迦牟尼世尊能以平等大慧教菩薩法佛所護念妙法華經為大衆說如是如是釋迦牟尼世尊如所說者皆是真實

平等大慧即一乘實智也

四四衆喜怪

尔時四衆見大寶塔住在空中又聞塔中所出音聲皆得法喜惟未曾有從座而起恭敬合掌却住一面

聞歎大慧真實之說故得法喜

五樂說問緣

尔時有菩薩摩訶薩名大樂說知一切世間天人阿修羅等心之所疑而白佛言世尊以何因緣有此寶塔從地踊出又於其中發是音聲

六釋迦明告

尔時佛告大樂說菩薩此寶塔中有如來全身乃往過去東方無量千萬億阿僧祇世界國名寶淨彼中有佛号曰多寶其佛行菩薩道時作大誓願若我成佛滅度之後於十方國土有說法華經處我之塔廟為聽是經故踊現其前為作證明讚言善哉

哉

多寶滅度全身不散如入禪定而能隨願在處證經此

示法身無滅無生自在之力使聞妙法者了無滅生頓悟實相故示現作證如此

彼佛成道已臨滅度時於天人大衆中告諸比丘我滅度後欲供養我全身者應起一大塔

叙塔緣起也

其佛以神通願力十方世界在在處處若有說法華經者彼之寶塔皆踊出其前全身在於塔中讚言善哉善哉不獨此處大樂說今多寶如來塔聞說法華經故從地踊出讚言善哉善哉

結示今緣也

七願見多寶

是時大樂說菩薩以如來神力故白佛言世尊我等願欲見此佛身欲表圓證當現全身此非小緣故假如來神力發起

八當集分身

佛告大樂說菩薩摩訶薩是多寶佛有深重願若我寶塔為聽法華經故出於諸佛前時其有欲以我身示四衆者彼佛分身

諸佛在於十方世界說法盡還集一處然後我身乃出現耳
必待十方說法諸佛畢集然後出現者表圓會圓證也分身
諸佛即千百億化水月應物者

大樂說我分身諸佛在於十方世界說法者今應當集
當副多寶之願也
九願見分身

大樂說白佛言世尊我等亦願欲見世尊分身諸佛禮拜供養
十釋迦光召

尔時佛放白毫一光即見東方五百萬億那由他恒河沙等國
土諸佛彼諸國土皆以頗梨為地寶樹寶衣以為莊嚴無數千
萬億菩薩充滿其中過張寶幔寶網羅上彼國諸佛以大妙音
而說諸法及見無量千萬億菩薩遍滿諸國為眾說法

此皆釋迦分身在十方說法者
南西北方四維上下白毫相光所照之處亦復如是
十一因召將至
遍照十方咸召使集

爾時十方諸佛各告眾菩薩言善男子我今應往娑婆世界釋
迦牟尼佛所并供養多寶如來寶塔
一二初變淨土

時娑婆世界即變清淨琉璃為地寶樹莊嚴黃金為繩以界八
道無諸聚落村營城邑大海江河山川林藪燒大寶香曼陀羅
華遍布其地以寶網幔羅覆其上懸諸寶鈴唯留此會眾移諸
天人置於他土

變土將容分身之眾也琉璃為地等者現佛國之淨相無諸
聚落等者滅眾生之染緣移天人置他土如淨名說菩薩斷
取大千擲沙界外其中眾生不覺不知
十三東方來集

是時諸佛各將一大菩薩以為侍者至娑婆世界各到寶樹下
一一寶樹高五百由旬枝葉花菓次第莊嚴諸寶樹下皆有師
子之座高五山旬亦以大寶而校飾之尔時諸佛各於此座結
加趺坐如是展轉遍滿三千大千世界而於釋迦牟尼佛一方
所分之身猶故未盡
一方即東方也釋迦分身辟如一

燈然百千燈真應無盡而器界有窮故雖大千不能容受
十四再變淨土

時釋迦牟尼佛欲容受所分身諸佛故八方各更變二百萬億
那由他國皆令清淨無有地獄餓鬼畜生及阿修羅又移諸天
人置於他土所化之國亦以琉璃為地寶樹莊嚴樹高五百由
旬枝葉華果次第嚴飾樹下皆有寶師子座高五由旬種種諸
寶以為裝校亦無大海江河及目真隣陀山摩訶目真隣陀山
鐵圍山大鐵圍山須彌山等諸山王通為一佛國土寶地平正
寶交露幔遍覆其上懸諸幡蓋燒大寶香諸天寶華遍布其地

目真隣陀此云石

十五復變淨土

釋迦牟尼佛為諸佛當來坐故復於八方各更變二百萬億那
由他國皆令清淨無有地獄餓鬼畜生及阿修羅又移諸天人
置於他土所化之國亦以琉璃為地寶樹莊嚴樹高五百由旬
枝葉華果次第莊嚴樹下皆有寶師子座高五由旬亦以大寶

而校飾之亦無大海江河尽目真隣陀山摩訶目真隣陀山鐵
圍山大鐵圍山須彌山等諸山王通為一佛國土寶地平正寶
交露幔遍覆其上懸諸幡蓋燒大寶香諸天寶華遍布其地
淨名丈室能廣容多座釋迦化土如自在天宮涌出之衆有
無量河沙各詣靈山未聞迫窄而此必三變淨土乃能容受
分身者特因事顯法耳蓋淨土妙境生佛本共法身化體物
我無虧唯衆生識心自染自局故聖人因分身之來特與開
示初於娑婆一變者滅衆生染緣也次於八方再變者遣識
心限礙也後於八方復變者廓法界真境也三變之後分身
畢集多寶全現者示染緣既滅礙心既遣真境既廓則法身
化體當處現前一多圓融隨念自在妙法大旨明此而已故
茲因事特與開示也淨名直示不思議境故即丈室而廣容
法華意在引權入實故自穢土而三變宗趣有異故建立不
同得旨歸根夫何異也

十六分身畢集

尔時東方釋迦牟尼所分之身百千萬億那由他恒河沙等國
土中諸佛各各說法來集於此如是次第十方諸佛皆悉來集
坐於八方尔時一方四百萬億那由他國土諸佛如來遍滿
其中
前初變土東方已集此復舉者言東方集後十方

次第而集

十七問訊咨請

是時諸佛各在寶樹下坐師子座皆遣侍者問訊釋迦牟尼佛
各賣寶華滿掬而告之言善男子汝往詣耆闍崛山釋迦牟尼
佛所如我諱曰少病少惱氣力安樂及菩薩聲聞眾悉安隱不
以此寶華散佛供養而作是言彼某甲佛與欲開此寶塔諸佛
遣使亦復如是

分身之來不躬觀佛者體同故也皆遣侍者致問開塔者願

同故也與音預同欲也

十八開塔見佛

尔時釋迦牟尼佛見兩分身佛悉已來集各各坐於師子之座
皆聞諸佛與欲同開寶塔却從座起住虛空中一切四眾起立

令掌一心觀佛於是釋迦牟尼佛以右指開七寶塔戶出大音
聲如却關鑰開大城門

右表順道開發也一指聊舉關鍵脫然如來全身於是可見

即時一切眾會皆見多寶如來於寶塔中坐師子座全身不散

如入禪定又聞其言善哉善哉釋迦牟尼佛快說是法華經我

為聽是經故而來至此

信知諸佛雖不實滅而言滅度
十九眾喜散花

尔時四眾等見過去無量千萬億劫滅度佛說如是言歎未曾

有以天寶華聚散多寶佛及釋迦牟尼佛上
二十多寶分座

尔時多寶佛於寶塔中分半座與釋迦牟尼佛而作是言釋迦

牟尼佛可就此座即時釋迦牟尼佛入其塔中坐其半座結加

趺坐
妙法實際一切圓融物我不分古今一致是以過

去多寶與現在釋迦於寶塔中共坐一座以示三界之相無

有生死若退若出亦無在世及滅度者非實非虛非如非異

斯妙法之極致也故作證如此 二十一衆獲親近

余時大衆見二如來在七寶塔中師子座上結加趺坐各作是念佛座高遠唯願如來以神通力令我等輩俱處虛空即時釋迦牟尼佛以神通力接諸大衆皆在虛空

二十二釋迦宣傳

以大音聲普告四衆誰能於此娑婆國土廣說妙法華經今正是時如來不久當入涅槃佛欲以此妙法華經付囑有在

說證事圓於是付囑言有在者傳布法利期在得人也日月燈明說是經已即於衆唱滅授記付托今佛至此亦云不久

涅槃付囑有在足知三周開示至此乃畢此後顯妙勸持別是一番故雖唱滅結經而復有後說至神力品涌出之衆方

請流通則神力品前猶屬正宗明矣此乃經之節目歷然可辯

爾時世尊欲重宣此義而說偈言

二十三重頌

文八

聖主世尊 雖久滅度 在寶塔中 初頌多寶作證 尚為法來 諸人云何

不勤為法 此佛滅度 無央數劫 處處聽法 以難遇故

因多寶勉衆也 彼佛本願 我滅度後 在在兩往 常為聽法

三頌分身來意 又我分身 無量諸佛 如恒沙等 來欲聽法

多寶如來 各捨妙土 及弟子衆 天人龍神 諸供養事

令法久住 故來至此 化佛為欲聽法及見多寶故捨妙土諸事而來作證令法久住

為坐諸佛 以神通力 移無量衆 四頌三變淨土 令國清淨

五頌分身畢集 諸佛各各 詣寶樹下 如清淨池 蓮華莊嚴 其實樹下

諸佛各各 詣寶樹下 如清淨池 蓮華莊嚴 其實樹下

諸佛各各 詣寶樹下 如清淨池 蓮華莊嚴 其實樹下

諸佛各各 詣寶樹下 如清淨池 蓮華莊嚴 其實樹下

諸佛各各 詣寶樹下 如清淨池 蓮華莊嚴 其實樹下

諸佛各各 詣寶樹下 如清淨池 蓮華莊嚴 其實樹下

諸師子座 佛坐其上 光明嚴飾 如夜暗中 然大炬火

身出妙香 遍十方國 衆生蒙薰 喜不自勝 此皆頌美化佛來

吹小樹枝 以是方便 令法久住 六頌釋迦宣傳

儀也如風吹枝言衆生喜心靡然向佛也 讀說斯經 今於佛前

告諸大衆 我滅度後 誰能護持 雖久滅度 以大誓願 而師子吼

自說誓言 其多寶佛 雖久滅度 當知此意

多寶如來 及與我身 所集化佛 當知此意

初四句詢求其人次下令發願持經則多寶釋迦及分身佛

當為作證 誰能護法 當發大願 令得久住

諸佛子等 誰能護法 當發大願 令得久住

再求其人也 此經法者 則為供養 我及多寶 此多寶佛

其有能護 常遊十方 為是經故 亦復供養 諸來化佛

慶於寶塔 莊嚴光飾 諸世界者 若說此經 則為見我 多寶如來

及諸化佛 此中已有如來全身故能護能說則為供我見

我及多寶化佛也嚴師世界指化佛來儀也

七顯難勸持二 各諦思惟 此為難事 宜發大願 諸餘經典

諸善男子 雖說此等 未足為難 諸餘經典教理行

數如恒沙 果未圓未頓故也 二引喻顯難六 一說難

若接須弥 擲置他方 無數佛土 亦未為難 若以足指

動大千界 遠擲他國 亦未為難 若立有頂 為衆演說

無量餘經 亦未為難 若佛滅後 於惡世中 能說此經

是則為難 接須弥動大千則神通等於菩薩立有

頂說餘經則大辯屨於諸天未若惡世說此之為難何以故

惡世心高不啻如須弥之難接無明堅厚不啻如大千之難

動慢心增上不啻如有頂之難屨故有頂天即色界頂也

二書難

二書難

二書難

二書難

假使有人 手把虛空 而以遊行 亦未為難 於我滅後

若自書持 若使人書 是則為難 言辭相察故 可書離言莫寫蓋由此經

若以大地 置足甲上 昇於梵天 亦未為難 佛滅度後 三讀難

於惡世中 暫讀此經 是則為難 以大地置足甲升梵天喻末世下根能舉重任以極高明之

道是誠不易也 假使劫燒 擔負軋草 入中不燒 亦未為難 我滅度後 四持難 信人沈順朱氏助

若持此經 為一人說 是則為難 末世暴惡過於劫燒於中持經易遭魔難故能持為難

五聽難 四千法藏 十二部經 為人演說 令諸聽者 若持八萬 雖能如是 亦未為難 於我滅後 聽受此經

問其義趣 是則為難 持八萬歲未如一乘之頓 得六神通 孰若證性之圓 六奉難 恒沙衆生 得阿羅漢

若人說法 令千萬億 無量無數 於我滅後 若能奉持 具六神通 雖有是益 亦未為難

如斯經典 是則為難 諸餘法化終滯權乘奉持斯經疾得佛道 八結勸 而於其中

我為佛道 於無量土 從始至今 廣說諸經 此經第一 若有能持 則持佛身 信葉玠助刊

結顯勸持也則持佛身者所謂此中已有如來全身 諸善男子 於我滅後 誰能受持 讀誦此經 今於佛前

自說誓言 前已詢求持人今自說誓此復諄諄者欲以 妙法付囑有在故也

此經難持 若暫持者 我則歡喜 諸佛亦然 如是之人 諸佛所歡 是則勇猛 是則精進 是名持戒 行頭陀者

諸佛所歡 是則勇猛 是則精進 是名持戒 行頭陀者

則為疾得 無上佛道

此及下文皆結顯勸持也古之所謂持經非手執口誦而已
要以為是道內自攝持由是得無畏力故是則勇猛超不退地
故是則精進內外自正故是各持戒塵勞自淨故是為頭陀
如此乃可疾得佛道所以暫持為難而諸佛喜歎也若雖書
持讀說而不能造此其猶蠹或食木野禽鳴春風氣宣使曾
無意謂又何貴於書持而稱難若此學者當明深旨以盡持
經之道

能於來世

讀持此經

是真佛子

住淳善地

佛滅度後

能解其義

是諸天人

世間之眼

化澆漓世必藉淳風開人天眼實資解義

於恐畏世

能須臾說

一切天人

皆應供養

所謂若見此法師生心如佛想此尊師重道勉進弘持也三
周開示文終於此惣而言之初於法說歎二智明十如全提

妙法開佛知見次喻說斥羊鹿示白牛明迷此則墮火宅悟
此則造佛地後因緣說顯所迷之通智示教導之遠因滅化
城指寶所皆所以開而示之使見自己本來佛性以見是性
則無不成佛故領悟之後各示佛記而卒於圓該圓證之事
是為三周開示之終也 二顯妙勸持九品
顯法妙利勸進弘持令深證妙法也文七 一顯法妙利
妙法蓮華經提婆達多品第十二

文二

初釋尊獲因

提婆達多亦曰調達此云天授為斛飯王子禱天而生也昔
為仙人授佛妙法如來因之遂致成佛今欲明其所授而顯
法妙利故以各品文七 一叙昔求法

尔時佛告諸菩薩及天人四眾吾於過去無量劫中求法華經
無有懈倦於多劫中常作國王發願求於無上菩提心不退轉
欲以正道優於天下

為欲滿足六波羅蜜勤行布施心無悵惜象馬七珍國城妻子
奴婢僕從頭目髓腦身肉手足不惜軀命

欲以正行率彼貪迷

時世人民壽命無量為於法故捐捨國位委政太子

由道之優俗故君遂無為

擊鼓宣令四方求法誰能為我說大乘者吾當終身供給走使

兼忘天下惟道是從

二仙人應求

時有仙人來白王言我有大乘名妙法華經若不違我當為宣

說

三屈已尊道

王聞仙言歡喜踊躍即隨仙人供給所須採菓汲水拾薪設食

乃至以身而為牀座身心無倦于時奉事經於千歲為於法故

精勤給侍令無所乏

此終身供給也以身為床座示忘身

為法無疲廢也

四重頌

今時世尊欲重宣此義而說偈言

我念過去劫

為求大法故

雖作世國王

不貪五欲樂

惟鍾告四方

誰有大法者

若為我解說

身當為奴僕

屈已如此使天下知有至貴者不在國爵也

時有阿私仙

來白於大王

我有微妙法

世間所希有

若能脩行者

吾當為汝說

時王聞仙言

心生大喜悅

即便請仙人

供給於所須

採薪及菓蔬

隨時恭敬與

情存妙法

身心無懈倦

阿私此云無比其飛與法皆無比也樹生曰菓藤生曰蔬

吾為諸眾生

勤求於大法

亦不為己身

及以五欲樂

故為大國王

勤求獲此法

遂致得成佛

今故為汝說

皆頌往昔求法也

五結成回行

佛告諸比丘今時王者則我身是時仙人者今提婆達多是由

提婆達多善知識故令我具足六波羅蜜慈悲喜捨三十二相

八十種好紫磨金色十力四無所畏四攝法十八不共神通道

力成等正覺廣度衆生皆因提婆達多善知識故

六轉記提婆

告諸四衆提婆達多却後過無量劫當得成佛号曰天王如來
應供正遍知明行足善逝世間解無上士調御丈夫天人師佛
世尊世界名天道

号天王者釋迦資之以成道是為天中天之法王也

時天王佛住世二十中劫廣為衆生說於妙法恒河沙衆生得
阿羅漢果無量衆生發緣覺心恒河沙衆生發無上道心得無
生忍至不退轉

記其當來住世利被三乘

時天王佛般涅槃後正法住世二十中劫全身舍利起七寶塔
高六十由旬縱廣四十由旬諸天人民悉以雜華抹香燒香塗
香衣服瓔珞幢幡寶蓋伎樂歌頌禮拜供養七寶妙塔無量衆
生得阿羅漢果無量衆生悟辟支佛不可思議衆生發菩提心
至不退轉

滅後正法亦被三乘

七開品獲益

佛告諸比丘夫來世中若有善男子善女人聞妙法華經提婆
達多品淨心信敬不生疑惑者不墮地獄餓鬼畜生生十方佛
前所生之處常聞此經若生人天中受勝妙樂若在佛前蓮華
化生

此品明釋迦因行求法以致成佛故聞者淨信不

疑斯可遠惡道生佛家也

二龍女獲果

前明釋尊資成佛因此明龍女資成佛果皆顯一乘妙利也

文十七

一智積發起

於時下方多寶世尊所從菩薩名曰智積白多寶佛當還本土

作證事畢於是告還發起後緣

二釋迦開端

釋迦牟尼佛告智積曰善男子且待須臾此有菩薩各文殊師
利可與相見論說妙法可還本土

三文殊來儀

尔時文殊師利坐千葉蓮華大如車輪俱來菩薩亦坐寶蓮華
從於大海娑竭羅龍宮自然涌出住虛空中詣靈鷲山從蓮華
下至於佛所頭面敬禮二世尊足脩敬已畢往智積所共相慰

問却坐一面

序衆之初文殊預會今又從海涌出者

智體周遍十方對現如響應聲無去來相但隨機顯法耳今顯龍宮所化之事故示從海出也

四智積問化
智積菩薩問文殊師利仁往龍宮所化衆生其數幾何文殊師利言其數無量不可稱計非口所宣非心所測且待須臾自當

證知
五海衆涌出

所言未竟無數菩薩坐寶蓮華從海涌出詣靈鷲山住在虛空此諸菩薩皆是文殊師利之所化度具菩薩行皆共論說六波羅蜜本聲聞人在虛空中說聲聞行今皆修行大乘空義

此文殊於龍宮所化之衆也龍宮非人所居則所化衆生皆龍類而一聞妙法遂成菩薩足知一切衆生莫不具佛知見只欠開悟耳言本聲聞人等者明所化之機亦具三乘而由權入實也
六文殊拈答

文殊師利謂智積曰於海教化其事如是

心智積偈讚

尔時智積菩薩以偈讚曰

大智德勇健 化度無量衆 今此諸大會 及我皆已見

謂已見智德健化之事此領自當證知之語

演暢實相義 開闡一乘法 廣導諸衆生 令速成菩提

上讚所化此讚能化 八文殊再答

文殊師利言我於海中唯常宣說妙法華經

此答前偈也前舍問意而譯文不顯正法華則顯矣彼前偈云至仁慧無量化海衆寶數惟為露聖自分別說其意普首

答曰在海中唯演正法華經 九智積重問

智積問文殊師利言此經甚深微妙諸經中寶世所希有頗有

衆生勤加精進修行此經速得佛不 十文殊顯示

文殊師利言有娑竭羅龍王女年始八歲智慧利根善知衆生

諸根行業得陀羅尼諸佛所說甚深祕藏悉能受持深入禪定

了達諸法於刹那頃發菩提心得不退轉辯才無礙慈念眾生猶如赤子功德具足心念口演微妙廣大慈悲仁讓志意和雅能至菩提

即脩行此經速得佛之證也龍宮無數菩薩皆是文殊化度而獨舉八歲龍女成佛者明佛性不問男女不在老成不擇異類但根智之利所造之深刹那迴光則菩提可至亦乃破三乘遠繫而進其濡滯也

十一束教疑難

智積菩薩言我見釋迦如來於無量劫難行苦行積功累德求菩提道未曾止息觀三千大千世界乃至無有如芥子許非是菩薩捨身命處為眾生故然後乃得成菩提道不信此女於頃更頃便成正覺

此執別教之迹疑圓頓之理

十二龍女讚顯

言論未訖時龍王女忽現於前頭面禮敬却住一面以偈讚曰深達罪福相遍照於十方微妙淨法身具相三十二

以八十種好

用莊嚴法身

天人所戴仰

龍神咸恭敬

一切眾生類

無不宗奉者

因智積滯相故讀文殊深達也唯其滯相則以畜類佛身罪福有異故不信此女頃更成佛唯其深達則大智遍照十方廓然生佛等同罪福不二則微妙淨體觸處皆嚴不擇龍女矣又聞成菩提唯佛當證知

言文殊許之成道其事超絕非小智所測

我闡大乘教度脫苦眾生

因其許可指度群生

十三小乘對辯

時舍利弗語龍女言汝謂不久得無上道是事難信所以者何女身垢穢非是法器云何能得無上菩提佛道懸曠經無量劫勤苦積行具備諸度然後乃成又女人身猶有五障一者不得作梵天王二者帝釋三者魔王四者轉輪聖王五者佛身云何女身速得成佛

鴛鴦子依小乘教迹辯難示為小智釋

疑故也言佛道懸曠女身多障皆小乘教迹也梵王淨行帝
釋少欲魔王堅固輪王大仁佛具萬德而女人多染多欲懦弱
妬害具足煩惱皆反於上故致五障 十四龍女現變

尔時龍女有一寶珠價直三千大千世界持以上佛佛即受之
龍女謂智積菩薩尊者舍利弗言我獻寶珠世尊納受是事疾
不荅言甚疾女言以汝神力觀我成佛復速於此當時眾會皆
見龍女忽然之間變成男子具菩薩行即往南无垢世界坐
寶蓮華成等正覺三十二相八十種好普為十方一切眾生演
說妙法 珠表妙圓真心持以上佛表捨法愛也法愛不

存則妙心無垢成佛之要無速於此故即往南方無垢世界
成等正覺也經云法性如大海不說有是非凡夫賢聖人平
等無高下唯在心垢滅取證如反掌所以龍女脫捨法愛遂
速成佛也 丁五四眾具瞻

尔時娑婆世界菩薩聲聞天龍八部人與非人皆遙見彼龍女

成佛普為時會人天說法心大歡喜悉遙敬禮

十六彼此蒙益

無量眾生聞法解悟得不退轉無量眾生得受道記無垢世界
六反震動 彼眾蒙益彼土瑞應也道記者印證其得道也

娑婆世界三千眾生住不退地三千眾生發菩提心而得受記
此眾蒙益亦得道記也 十七結顯勸信

智積菩薩及舍利弗一切眾會默然信受

智積鴛鴦子聞龍女事初皆驚疑而終皆嘿信蓋妙法功利顯
然神速孰當不信哉 二聖眾願持

妙法蓮華經持品第十三

因前宣付又因上顯勸故眾願持說以廣道化故名持品於
文初樂王等願此方持次聲聞眾願他方持後大菩薩願十
方持者此方堪忍難化非樂王洪願不能他方為善國土故
聲聞能之十方廣莫故須八十萬億大菩薩也

文三

初誓此方持

尔時藥王菩薩摩訶薩及大樂說菩薩摩訶薩與二萬菩薩眷屬俱皆於佛前作是誓言唯願世尊不以為慮我等於佛滅後當奉持讀誦說此經典

此白寶塔品未顯難勸持故

藥王等發大願力不憚其難而頭佛無慮後惡世衆生善根轉少多增上慢貪利供養增不善根遠離解脫雖難可教化我等當起大忍力讀誦此經持說書寫種種供養不惜身命

此頌入劫燒接須彌喻難之意而發誓也雖末世惡累有如劫燒上慢心高有如須彌難可教化而誓無所避故云當起

大忍不惜身命

二誓他方持二

一聲聞僧衆

尔時衆中五百阿羅漢得受記者白佛言世尊我等亦自誓願於異國土廣說此經復有學無學八千人得受記者從座而起合掌向佛作是誓言世尊我等亦當於他國土廣說此經所以

者何是娑婆國中人多弊惡懷增上慢功德淺薄瞋濁諂曲心不實故

此頌立有頂舉大地

喻難之意而聲聞自量其

力誓化他方善國土也

二聲聞居衆

尔時佛姨母摩訶波闍波提比丘尼與學無學比丘尼六千人俱從座而起一心合掌瞻仰尊顏目不暫捨

翹

摩訶波提此云大愛道欲誓持經未奉親記故翹竚瞻仰

於時世尊告憍曇弥何故憂色而視如未汝心將無謂我不說汝名授阿耨多羅三藐三菩提記耶憍曇弥我先捻說一切聲聞皆已授記今汝欲知記者將來之世當於六萬八千億諸佛法中為大法師及六千學無學比丘尼俱為法師

憍曇弥此云居衆主女人出家自愛道始故号居主

汝如是漸漸具菩薩道當得作佛号一切衆生喜見如來應供正遍知明行足善逝世間解無上士調御丈夫天人師佛世尊憍曇弥是一切衆生喜見佛及六千菩薩轉次授記得阿耨多

羅三藐三菩提

朱号喜見者因為法師以法喜悅人故

尔時羅睺羅母耶輸陀羅比丘尼作是念世尊於授記中獨不說我名佛告耶輸陀羅汝於來世百千萬億諸佛法中脩菩薩行為大法師漸具佛道於善國中當得作佛号具足千萬光相如來應供正遍知明行足善逝世間解無上士調御丈夫天人師佛世尊佛壽無量阿僧祇劫

耶輸示迹蓋表大悲法喜稱適大智智悲雙運然後萬德具足千相光嚴故其果号具足千萬光相

尔時摩訶波闍波提比丘尼及耶輸陀羅比丘尼并其眷屬皆大歡喜得未曾有即於佛前而說偈言

世尊導師 安隱天人 我等聞記 心安具足

謝記也 下擔持

諸比丘尼說是偈已白佛言世尊我等亦能於他方國土廣宣此經亦量力故怯於娑婆

三十方擔持三

一願願付託

尔時世尊視八十萬億那由他諸菩薩摩訶薩

此方他方不該不遍故青蓮迴眄意被十方也八十萬億即十方來集之眾

二利智嘿從

是諸菩薩皆是阿鞞跋致轉不退法輪得諸陀羅尼即從座起至於佛前一心合掌而作是念若世尊告勅我等持說此經者當如佛教廣宣斯法復作是念佛今默然不見告勅我當云何時諸菩薩敬順佛意并欲自滿本願便於佛前作師子吼而發誓言世尊我等於如來滅後周旋往反十方世界能令眾生書寫此經受持讀誦解說其義如法脩行正憶念皆是佛之威力唯願世尊在於他方遙見守護

彼一娑婆尚怯弊惡

則十方誠難故歸功佛力復求加護

三同聲說偈

即時諸菩薩俱同發聲而說偈言 此亦挾前顯難勸持之意說偈故其辭皆叙末世諸難文四

初勇教發誓

唯願不為慮 於佛滅度後 恐怖惡世中 我等當廣說

二廣陳忍力四 一誓忍無智

有諸無智人 惡口罵詈等 及加刀杖者 我等皆當忍

無智昏惑故邪正相寇 二誓忍邪慢

惡世中比丘 邪智心諂曲 未得謂為得 我慢心充滿

此大林之荆棘大田之稂莠也 自謂行真道 輕賤人間者

或有阿練若 納衣在空閑 為世所恭敬 如六通羅漢

貪著利養故 與白衣說法 此寄法借勢矯言偽行以竊名苟利濫膺恭敬者也阿練若

此云寂靜處 常念世俗事 假名阿練若 好出我等過

是人懷惡心 而作如是言 此諸比丘等 為貪利養故

自作此經典 誑惑世間人 為求名聞故 分別於是經

以愚嫉賢以偽謗真正末世之情耳

常在大象中 欲毀我等故 向國王大臣 婆羅門居士

及餘比丘衆 誹謗說我惡 謂是邪見人 說外道論義

我等敬佛故 恚忍是諸惡 為斯所輕言 汝等皆是佛

如此輕慢言 皆當忍受之

此皆溢惡之言所謂好出我等過也謗謂自作此經故刺言

汝皆是佛皆輕慢之言 三誓忍怖惡

濁劫惡世中 多有諸恐怖 惡鬼入其身 罵詈毀辱我

惡鬼入身如楞嚴說惡魔能飛精附人訐露人事罵者操法

禁之近於羈罟者肆言罔之異於罰 為說是經故 忍此諸難事

我等敬信佛 當著忍辱鎧 我等於來世 護持佛所屬

我不愛身命 但惜無上道 我等於來世 護持佛所屬

四誓忍擯逐

世尊自當知 濁世惡比丘 不知佛方便 隨宜所說法

惡口而嘔噀 數數見擯出 遠離於塔寺 如是等衆惡

惡口而嘔噀 數數見擯出 遠離於塔寺 如是等衆惡

念佛告勅故

皆當忍是事

隨宜說法意趣難解故濁

流昧之惡口而謗鬻感而嫌乃至擯逐而不容以念前勸持
之勅故皆當忍之

諸聚落城邑

其有求法者

我皆到其所

說佛所囑法

我是世尊使

處眾無所畏

我當善說法

願佛安隱住

世尊使者言假佛威力故能無畏而善說願佛安隱不以為

慮也

我於世尊前

諸來十方佛

發如是誓言

佛自知我心

諸來十方即多寶及分身也

妙法蓮華經卷第四

妙法蓮華經卷第五

溫陵開元蓮寺比丘

戒環解

三持經妙行

安樂行品第十四

萬行依於三業本於智悲智以處已悲以應物皆欲不失其
正正則安而樂不正則危而憂故此特依文殊正智示正身
正語正意大悲四法名安樂行品由前持品菩薩敬順佛意
願於惡世護持此經誓忍諸難而大聖以謂能忍諸難未若
必使之無難故為說四安樂行四行既正則一性安恬靜與
道合動與神會其完不為物挫雖臨危難不知其為危難也
其固不為物傾雖對欲惡不知其為欲惡也夫躬行是行則
涉惡世而持經入紛華以應物無所往而不安且樂矣是謂
必使之無難也

文二

初文殊讚請二

一讚前

尔時文殊師利法王子菩薩摩訶薩白佛言世尊是諸菩薩甚

為難有敬順佛故發大誓願於後惡世護持讀說是法華經。

讚持品事也

二請後

世尊菩薩摩訶薩於後惡世云何能說是經。

請問云何所行乃能說是經得無諸難此發起安樂行法也。以文殊請者示依正智發起正行。二佛示四法。

佛告文殊師利若菩薩摩訶薩於後惡世欲說是經當安住四法。即四安樂行也。一正身行。二正語行。三正意行。四大悲

行。繼三業以大悲者。三業既正則正智真淨逮得已利須起大慈廣行利他。智悲相濟乃能於惡世演說是經得無諸難。文四。初正身行三。一惣標二處。

一者安住菩薩行處。親近處。能為衆生演說是經。趣操之謂行。狎習之謂近。二者不違於道是謂菩薩行處。近處。此身行之要也。二別釋二處。一釋行處。二處各有事行。非事無以涉俗。非理無以契真。理事兼

通真俗不礙然後利生弘法觸處安樂矣。

初事行

文殊師利云何名菩薩摩訶薩行處若菩薩摩訶薩住忍辱地柔和善順而不卒暴心亦不驚。

行處必住忍辱者。六度適時為用而涉難莫尚於忍。蓋趨事而動則悔吝生焉。故須忍以御之。惟能忍故於剛能柔而物不能挫於逆能順而物不能害於事。能審而所施不暴於微能察而所遇不驚。由是克成安樂行也。次理行。

又復於法無所行。

法指一切行法也。雖行是法而不住相名無所行。

蓋有所則有能。能所角立物我成敵則患難生。而安樂喪矣。而觀諸法如實相亦不行不分別。是名菩薩摩訶薩行處。

自所行之法而觀諸法也。如實相即無所觀亦不行言亦無所行也。不分別即情識都忘是非雙泯。菩薩趣操如是而已。

二釋近處

云何名菩薩摩訶薩近處

近處文二

初事行以戒定為體又二 一戒八 初戒近權勢

菩薩摩訶薩不親近國王王子大臣官長

雖外護可尊恐挾勢妨道苟志於此則身處山林心懸魏闕能暫安樂乎 二戒近外道

不親近諸外道梵志尼犍子等及造世俗文筆讚詠外書及路伽耶陀逆路伽耶陀者 梵志即出家外道尼犍在家外道

路伽耶此云惡論議逆路伽此云惡問難不親外道息異見也。不造俗文絕異端也。遠惡議難離曲辯也。 三戒近兇戲

亦不親近諸有兇戲相撲及那羅等種種變現之戲遺教云若種種戲論其心則亂戲論尚亂况親近乎相撲搗

擒也相撲抵角也。那羅延神勇捍多力。今指騰躍凶伎變現戲即諸幻術也 四戒近惡律

又不親近旃陀羅及畜猪羊雞狗豕獵漁捕諸惡律儀。遠惡緣也。旃陀羅此云嚴懺謂以嚴厲自懺如文身惡服之

類毗尼藏有善律儀惡律儀

如是人等或時來者則為說法無所希望

如是人等通指權勢已下雖不親狎或為法來即清淨為說五戒近小乘

又不親近求聲聞比丘比丘尼優婆塞優婆夷亦不問訊若於房中若經行處若在講堂中不共住止或時來者隨宜說法無

所希求 小乘於法未融多起諍論妨安樂行故不親近亦不問訊非慢之也慎媒狎耳 六戒近婦女

文殊師利又菩薩摩訶薩不應於女人身取能生欲想相而為說法亦不樂見若入他家不與小女處女寡女等共語

說法當忘情想接語當避嫌疑小女處女非賓主之敵乃譏毀之端 七戒近不男

亦復不近五種不男七人以為親厚 既非法器又近於染故不應親五種猥媾不須辯祈 八潔正身心

不獨入他家若有因緣須獨入時但一心念佛

不獨入欲潔身也但念佛欲正心也

若為女人說法不露齒笑不現膏臆乃至為法猶不親厚况復

餘事 容止不攝則致疑生染

不樂畜年少弟子沙弥小兒亦不樂與同師

易致擾惱妨安樂行

常好坐禪在於閑處修攝其心文殊師利是名初親近處

次理行

即第二近處也初親近處以戒定為體第二近

處以觀智為體所以融前戒定使圓契實相乃成妙行也文

復次菩薩摩訶薩觀一切法空如實相不顛倒不動不退不轉

一切諸法當體真淨不受一塵曰空無動無壞離諸幻妄曰

實相菩薩觀一切法空如其實相無所加損故見不顛倒而

心無動轉也見不顛倒即頌所謂亦不分別諸法有無是也

等也心無動轉即頌所謂攝心不動如須弥山也蓋心法本

寂相待成搖由見顛倒則以法為有生有起故於心有動有

轉若雲駛故月運也能如實觀則於心不動不退而了法不

生不起若風止則波澄也然則心法一也以倒心觀之則安

境紛拏以實相觀之則真機自寂是故修安樂行貴如實觀

次喻明

如虛空無所有性一切語言道斷不生不出不起無名無相實

無所有無量無邊無礙無障但以因緣有從顛倒生故說

無所有性者生出起滅名相等性皆無也名相皆無則詮示

不及故語言道斷無量無邊言如空之不可窮極也無礙無

障言如空之不可分辯也實相如是何言說之能及耶則凡

可說者但是從緣而有顛倒之法當知不從緣有不從倒生

者竟不可說也

常樂觀如是法相是名菩薩摩訶薩第二親近處

常如是觀乃能融前事行以成妙行

文四 三重頌

爾時世尊欲重宣此義而說偈言
初通頌二處事行

若有菩薩 於後惡世 無怖畏心 欲說是經 應入行處
及親近處 初標次釋

常離國王 及國王子 大臣官長 兇險戲者 及旃陀羅
外道梵志 亦不親近 增上慢人 貪著小乘 三歲學者

此戒離權勢外道兇戲等三歲學即愚法小教 好戲笑者 深著五欲
破戒比丘 名字羅漢 及比丘尼

求現滅度 諸優婆夷 皆勿親近
破戒言無行名字言無實只戲笑言多僻着欲言多染求現滅

度謂不脩梵行妄希道果皆非正人故勿親近
若是人等 以好心來 到菩薩所 為聞佛道 菩薩則以

無所畏心 不懷希望 而為說法

頌清淨說法也能無所着故無所畏

寡女處女 及諸不男 皆勿親近 以為親厚 亦莫親近

屠兒魁膾 畋獵漁捕 為利殺害 販肉自活 街賣女色

如是之人 皆勿親近 戒離婦女不男惡律也

兇險相撲 種種嬉戲 諸婬女等 盡勿親近

牒結前文也

莫獨屏處 為女說法 若說法時 無得戲笑 入里乞食

將一比丘 若無比丘 一心念佛 正身之至也屏僻處

里塵中也乞食之法自伏貢高發他仁善

是則名為 行處近處 以此二處 能安樂說

雙結也

各違事行而舉偈文各離事行而頌文義可辯 二處理行長行 初行處

又復不行 上中下法 有為無為 實不實法 亦不分別

是男是女 不得諸法 不知不見 是則名為 菩薩行處

頌又復於法不行至不分別等不行上中下法謂於三乘法無所行也 次近處二 初頌正觀

一切諸法 空無所有 無有常住 亦無起滅 是名智者

所親近處 顛倒分 諸法有無 是實非實 是生非生

在於閑處 脩攝其心 安住不動 如須彌山

頌觀一切法空如實 不顛倒不動轉等也真空實相擬心

即妄若復分別有無是皆顛倒也 次頌喻明

觀一切法 皆無所有 猶如虛空 無有堅固 不生不出

不動不退 常住一相 是名近處

頌如虛空無所有性至無礙無障等常住一相謂無生出動

退等異也 三結頌二處

若有比丘 於我滅後 入是行處 及親近處 說斯經時

無有怯弱 深造於理 故無怯弱 謂無怖畏 心能安樂 說也

菩薩有時 入於靜室 以正憶念 隨義觀法 從禪定起

為諸國王 王子臣民 婆羅門等 開化演暢 說斯經典

其心安隱 無有怯弱 頌常樂觀 如是法相 而釋無怯弱

之所以 四結正身行 能於後世 說法華經

文殊師利 是名菩薩 安住初法 能於後世 說法華經

初法即正身行也 二正語行二 初長行

又文殊師利如來滅後於末法中欲說是經應住安樂行若口

宣說 應住等者要心住口說也 心口相應則語行正矣

若讀經時不樂說人及經典過亦不輕慢諸餘法師不說他人

好惡長短 經有大小乘人有大小機以乘對機隨宜難解

故讀經之時易求其過是以戒之不慢餘師者不依大輕小不

以圓慢偏也不說長短者內以息業外以息諍此語行之要也

於聲聞人亦不稱名說其過惡亦不稱名讚歎其美又亦不生

怨嫌之心善備如是安樂心故諸有聽者不逆其意有所難問

不以小乘法答但以大乘而為解說令得一切種智

說其過則令失小讚其美則令退大亦不怨其妨道嫌其鄙
劣非唯不出諸口又亦不生於心可謂善備安樂心也由其
善備安樂之心無所讚毀怨嫌故能順其機而導達之
二重頌

尔時世尊欲重宣此義而說偈言 文二 一頌行相

菩薩常樂 安隱說法 常樂說法無復俗論則語行自正

於清淨地 而施床座 以油塗身 澡浴塵穢 著新淨衣

內外俱淨 安處法座 隨問為說 淨身淨衣非好為雅

潔欲稱其心淨與說法淨耳故曰內外俱淨安處隨問者虛

已應物如鐘待扣也西方以香油為淨飾

若有比丘 及比丘尼 諸優婆塞 及優婆夷 國王王子

群臣士民 以微妙義 和顏為說 若有難問 隨義而答

因緣譬喻 敷演分別 以是方便 皆使發心 漸漸增益

入於佛道 此依正語順機導達也

除懶惰意 及懈怠想 離諸憂惱 慈心說法 晝夜常說

無上道教 以諸因緣 無量譬喻 開示衆生 咸令歡喜

懶惰妨於勇猛懈怠妨於精進憂惱妨於安樂菩薩欲依語

行說法利物故除懶惰意離諸憂惱晝夜常說者弘法之心

無間斷也

衣服卧具 飲食醫藥 而於其中 無所希望 但一心念

說法因緣 願成佛道 令衆亦爾 是則大利 安樂供養

所志在法不在物故不希衣服四事供養但念說法安樂供

養蓋四事供養特為小利說法供養乃為大利

我滅度後 若有比丘 能演說斯 妙法華經 心無嫉恚

諸惱障礙 亦無憂愁 及罵詈者 又無怖畏 加刀杖等

亦無擯出 安住忍故

明語行當宗於忍也說斯經者內之恚惱憂愁外之罵怖杖

擯諸難自無為能安住忍故則忍不可不宗也諸難自無所

謂必使之無難

二結顯益

智者如是

善修其心

能住安樂

如我上說

其人功德

千萬億劫

笑數辟喻

說不能盡

如是善備者如上正語之行以修也善備其心所謂備已能住安樂所謂安安備已安安聖人之徒也為聖人之徒行聖人之道則功與道洪德隨物廣何可勝窮哉

三正意行四

一息業

又文殊師利菩薩摩訶薩於後末世法欲滅時受持讀誦斯經典者無懷嫉妬諂誑之心亦勿輕罵學佛道者求其長短

嫉妬諂誑下至戲論諸法皆意地微細邪行故須正之也法欲滅時世道交喪邪暴交作人多嫉妬則學佛者易見輕罵而求其長短故戒持經者無懷嫉妬等事乃因時制行所以息業也

若比丘比丘尼優婆塞優婆夷求聲聞者求辟支佛者求菩薩

道者無得惱之令其疑悔語其人言汝等去道甚遠終不能得

一切種智所以者何汝是故逸之人於道懈怠故

四眾有求三乘者當隨機與進輒勿惱之令失善利從語其

人言下皆惱之之事

又亦不應戲論諸法有所諍競

顛倒分別諸法有無名戲

論諍競皆為意業故應息之

二起行

當於一切眾生起大悲想於諸如來起慈父想於諸菩薩起大

師想

悲想則愍其迷淪而思濟也父想則依其法化而求

估也師想則景其道行而思齊也

於十方諸大菩薩常應深心恭敬禮拜

為其愍衆行道深心利物故應深心敬之

於一切眾生平等說法以順法故不多不少乃至深愛法者亦

不為多說

平等言不黨順法言稱理雖彼深愛當量所堪

貴不失人亦不失言

三顯益

文殊師利是菩薩摩訶薩於後末世法欲滅時有成就第三
安樂行者說是法時無能惱亂 此必使無難之效也
得好同學共讀誦是經亦得大眾而來聽受

行是行故樂而得朋寬而得眾
聽已能持持已能誦誦已能說說已能書若使人書供養經卷
恭敬尊重讚歎 因使法利展轉浸廣則法雖欲滅而未滅

故應成就是第三行 四重頌
爾時世尊欲重宣此義而說偈言 文三 一頌息業
若欲說是經 當捨嫉恚慢 諂誑邪偽心 常備質直行

此意行之要也
不輕蔑於人 亦不戲論法 不令他疑悔 云汝不得佛
頌不惱四眾等蔑忽也 二頌起行
是佛子說法 常柔和能忍 慈悲於一切 不生懈怠心

十方大菩薩 愍眾故行道 應生恭敬心 是則我大師
於諸佛世尊 生無上父想 破於憍慢心 說法無障礙
忍為四行之宗故每言之自慈悲於一切已 下頌當於一切

起大悲想等 三頌顯益
第三法如是 智者應守護 一心安樂行 無量眾所敬
質直柔忍慈下恭上安行是道孰不受敬

四大悲行文六 一起悲
又文殊師利菩薩摩訶薩於後末世法欲滅時有持是法華經
者於在家出家人中生大慈心於非菩薩人中生大悲心

大乘修行初皆以智正行終皆以悲成智故四安樂行先依
正智正業而後起大悲利生也然或生大慈或生大悲者慈
能與樂悲能愍濟四眾信解佛法名在家菩薩出家菩薩闡

提不信名非菩薩以能信解故生大慈而與之法樂以闡提
故生大悲而愍其迷失也 二愍濟

應作是念如是之人則為大失如來方便隨宜說法不聞不知

不覺不問不信不解其人雖不問不信不解是經我得阿耨多
羅三藐三菩提時隨在何地以神通力智慧力引之令得住是
法中 此皆愍其迷失也隨宜說法即開三顯一之法也不
聞不知不覺言昏迷自障也不問不信不解言顯蒙自墮也
然彼雖不問不解而菩薩大悲誓終濟度 三離過
文殊師利是菩薩摩訶薩於如來滅後有成就此第四法者說
是法時無有過失

第四行法回智運悲愍備前行故無過失 四獲益

常為比丘比丘尼優婆塞優婆夷國王王子大臣人民婆羅門
居士等供養恭敬尊重讚歎虛空諸天為聽法故亦常隨侍
慈與悲大故七眾悅服行與法勝故諸天歸向
若在聚落城邑空閑林中有人來欲難問者諸天晝夜常為法
故而衛護之能令聽者皆得歡喜所以者何此經是一切過去
未來現在諸佛神力所護故

難問必有折挫得其衛護則正念不失以諸佛所護故諸天
不得不護 五歎法四 一歎難遇

文殊師利是法華經於無量國中乃至名字不可得聞何況得
見受持讀誦 難遇如此所以愍其不信不解為大失

二喻難得二 一喻

文殊師利譬如強力轉輪聖王欲以威勢降伏諸國而諸小王
不順其命時轉輪王起種種兵而往討伐

此喻意明是經所以難聞難見者為陰魔熾盛多怨難信不
妄說故輪王譬化身佛諸國譬五陰境小王譬五陰等魔不
順其命譬無明煩惱未調伏也以威不行而起兵討伐譬但
以如來知見力無畏法不能攝伏諸微細惑故設三乘斷治
之法是謂起種種兵

王見兵眾戰有功者即大歡喜隨功賞賜或與田宅聚落城邑
或與衣服嚴身之具或與種種珍寶金銀琉璃砗磲瑪瑙珊瑚

琥珀象馬車乘奴婢人民

此辟三乘之眾能伏陰魔隨功

淺深獲諸法利唯未與說一乘法也

唯髻中明珠不以與之所以者何獨王頂上有此一珠若以與之王諸眷屬必大驚怪

輪王髻珠用鎮寶位妄與則王屬

二合

驚怪法華上乘佛佛授手妄說則眾心驚疑

文殊師利如來亦復如是以禪定智慧力得法國土王於三界而諸魔王不肯順伏如來賢聖諸將與之共戰

如輪王振威小王不順遂起種種兵法國土即法界真境賢

聖將指三乘眾也

其有功者心亦歡喜於四眾中為說諸經令其心悅賜以禪定解脫無漏根力諸法之財又復賜與涅槃之城言得滅度引導其心令皆歡喜而不為說是法華經

如隨功賞賜而不與

髻珠也無漏根力即五根五力諸法之財通指道品利用之法涅槃城即中道止息之權果

三喻今得二一牒喻

文殊師利如轉輪王見諸兵眾有大功者心甚歡喜以此難信

之珠又在髻中不妄與人而今與之

言難信珠者賜非其宜則大驚怪

二牒合

如來亦復如是於三界中為大法王以法教化一切眾生見賢

聖軍與五陰魔煩惱魔死魔共戰有大功勳滅三毒出三界破

魔網爾時如來亦大歡喜此法華經能令眾生至一切智一切

世間多怨難信先所未說而今說之

魔羅此云殺者謂能與苦難殺人慧命也煩惱魔為生死因

陰魔死魔為生死果故滅之破之即出三界也多怨為眾魔

未伏難信為群機未淳

四顯最勝二

一再牒

文殊師利此法華經是諸如來第一之說於諸說中最為甚深

末後賜與如彼強力之王久護明珠今乃與之

第一之說如頂上一珠末後賜與如久待大功

二結顯

文殊師利此法華經諸佛如來祕密之藏於諸經中最在其上

長夜守護不妄宣說始於今日乃與汝等而敷演之

祕密如藏髻中最上如在王頂四十餘年於生死長夜守此待機故云長夜守護

六重頌 文六 一頌行本

尔時世尊欲重宣此義而說偈言 佛所讚經

二頌起悲

常行忍辱 哀愍一切 乃能演說 及非菩薩 應生慈悲

後末世時 持此經者 於家出家

斯等不聞 不信是經 則為大失 我得佛道 以諸方便

為說此法 轉輪之王 兵戰有功 賞賜諸物 喻難得

嚴身之具 及諸田宅 聚落城邑 或與衣服 種種珍寶

奴婢財物 歡喜賜與 如有勇健 能為難事 王解髻中

明珠賜之 諸皆喜賜 獨難髻珠 以待大功 二頌法合

如來亦爾 為諸法王 忍辱大力 智慧寶藏 以大慈悲

如法化世 見一切人 受諸苦惱 欲求解脫 與諸魔戰

為是衆生 說種種法 以大方便 說此諸經 既知衆生

得其力已 未後乃為 說是法華 如王解髻 明珠與之

三頌最勝

此經為尊 衆經中上 我常守護 不妄開示 今正是時

為汝等說 五結答

我滅度後 求佛道者 欲得安隱 演說斯經 應當親近

如是四法 結答云何能說是經之問也 六由行得果

能行四行 故讀持是經 易克勝果 文三 一轉障樂果

讀是經者 常無憂惱 又無病痛 顏色鮮勻 不生貧窮

卑賤醜陋 衆生樂見 如慕賢聖 天諸童子 以為給使

刀杖不加 毒不能害 若人惡罵 以則閉塞 遊行無畏

如師子王 智慧光明 如日之照

常無憂惱顏色鮮白者轉報障滅順現衰惱也不生貧窮卑
賤醜陋轉業障滅順生惡業也衆生樂慕刀毒不加轉煩惱
障滅順後鹿報也智慧光明如日之照轉無明障滅三際癡
暗也樂慕給使言常享妙樂口則閉塞言無由發惡如師子
王言障怖未離優遊自在 二先見妙果

若於夢中 但見妙事 持經之人 四行功成當克妙果已

定於未飛之分故先於夢中見之以行純障淨故無復雜想

但見妙事下舉妙事四 一見佛說法 二見龍神

見諸如來 坐師子座 諸比丘衆 圍繞說法 又見龍神

阿修羅等 數如恒沙 恭敬合掌 自見其身 而為說法

又見諸佛 身相金色 放無量光 照於一切 以梵音聲

演說諸法 行純心淨無雜想故於自他境不離法行故見

佛說法見已亦然 二蒙佛授記 合掌讚佛 聞法歡喜

佛為四衆 說無上法 見身處中 合掌讚佛 聞法歡喜

而為供養 得陀羅尼 證不退智 佛知其心 深入佛道

即為授記 成最正覺 汝善男子 當於來世 得無量智

佛之大道 國土嚴淨 廣大無比 亦有四衆 合掌聽法

三脩證實相 脩習善法 證諸實相 深入禪定

又見自身 在山林中 脩習善法 證諸實相 深入禪定

見十方佛 諸佛身金名 百福相莊嚴 聞法為人說 常有是好夢

重諷見十方佛之事以結前起後也 四圓成佛道

又夢作國王 捨宮殿眷屬 及上妙五欲 行詣於道場

在菩提樹下 而處師子座 求道過七日 得諸佛之智

成無上道已 起而轉法輪 為四衆說法 經千萬億劫

說無漏妙法 度無量衆生 後當入涅槃 如煙盡燈滅

此歷見修進成佛始終之行也諸皆由行得果之先見是相

現前當克是果矣然皆依夢說者欲令行人觀一切法空無

所有但以因緣從顛倒生自雖見佛聞法乃至圓成佛道皆為夢事了不可得無有常住亦無起滅常觀是相然後於一切處得真安樂行也

若後惡世中 說是第一法 是人得大利 如上諸功德

四顯迹勸持

妙法蓮華經從地涌出品第十五

此顯妙法智力所化之迹也娑婆下界有六萬恒沙菩薩從無數劫修佛智慧悉是釋尊所化常樂靜處勤行精進故不依人天而住下方空中以示常樂深智無有障礙也今為顯此妙迹示作遺模兼將發起壽量祕說故從地涌出因以名

品文三

一叙發起二

初他方請持

爾時他方國土諸來菩薩摩訶薩過八恒河沙數於大眾中起合掌作禮而白佛言世尊若聽我等於佛滅後在此娑婆世界勤加精進護持讀誦書寫供養是經典者當於此土而廣說之

此法集之眾欲從他方來此持經 二如來不許

爾時佛告諸菩薩摩訶薩眾止善男子不須汝等護持此經所以者何我娑婆世界自有六萬恒河沙等菩薩摩訶薩一一菩薩各有六萬恒河沙眷屬是諸人等能於我滅後護持讀誦廣說此經 佛止之者非有違拒為將顯迹顯法故也顯迹者

顯佛所化示彼來儀顯法者此固圓足無待於外

二正顯迹六

一來儀顯妙二

一來儀

佛說是時娑婆世界三千大千國土地皆震裂而於其中有無量千萬億菩薩摩訶薩同時涌出 深智現前大千不礙是諸菩薩身皆金色三十二相無量光明先盡在此娑婆世界之下此界虛空中住

在此娑婆界下方空中住以示常樂深智無有障礙也

是諸菩薩聞釋迦牟尼佛所說音聲從下發來 此以真說彼以心聞文殊所謂心聞洞十方

二顯妙三

初一多牙陳

一 一菩薩皆是大眾唱導之首各將六萬恒河沙眷屬况將五萬四萬三萬二萬一萬恒河沙等眷屬者况復乃至一恒河沙半恒河沙四分之一乃至千萬億那由他分之一

此指沙數自多反少

况復千萬億那由他眷屬况復億萬眷屬况復千萬百萬乃至一萬况復一千一百乃至一十况復將五四三二一弟子者

此指該數自多反少

况復單已樂遠離行如是等比無量無邊算數譬喻所不能知

此指單數自少反多偈云單已無眷屬其數轉過上乍而觀

之六萬河沙多於單已詳而觀之單已之數轉過河沙然則

一已非寡沙衆非多法本體離諸數量多寡之限特人情

妄立耳此衆來儀所以遣情顯妙也 二延促平現

諸菩薩從地出已各詣虛空七寶妙塔多寶如來釋迦牟尼

佛所到已向二世尊頭面禮足及至諸寶樹下師子座上佛所

亦皆作禮右遶三匝合掌恭敬以諸菩薩種種讚法而以讚歎

住在一面欣樂瞻仰於二世尊是諸菩薩摩訶薩從初踊出以

諸菩薩種種讚法而讚於佛如是時間經五十小劫是時釋迦

牟尼佛嘿然而坐及諸四衆亦皆默然五十小劫佛神力故令

諸大眾謂如半日 聖人神智方便法門能延一日以為一

劫能促一劫以為一日蓋道無遷變情有頃久猶如夢人不

移一時而夢歷多歲則頃久之情初無定也故聖人對機示

現延促而本無延促所言菩薩讚佛經劫則於促示延耳又

令大眾謂如半日則於延現促耳所以然者將欲顯發宣示

諸佛智慧自在神通之力使忘延促之情而深證實相故也

華嚴云一念普觀無量劫無去無來亦無住如是了知三世

事超諸方便成十力夫能一念普觀無去來住則了斯延促

皆方便耳 三通礙乎用

爾時四眾亦以佛神力故見諸菩薩遍滿無量百千萬億國土
虛空 四眾肉眼礙而非通而能見無量國土者假佛通力
故也夫於眾一多乎陳於時延促乎現於見通礙于用者以
明物量無窮時無止分無常而警發常情使去其倒心眼意
依無礙智圓融妙達繇是進契壽量祕說而得入佛慧成就
佛身故也是故此品事法雖為顯迹勸持又為壽量引發也

二眾首問訊

是菩薩眾中有四導師一名上行二名無邊行三名淨行四名安
立行是四菩薩於其眾中最高首唱導之師在大眾前各共
合掌觀釋迦牟尼佛而問訊言世尊少病少惱安樂行不所應
度者受移易不令世尊生疲勞耶亦時四大菩薩而說偈言
世尊安樂 少病少惱 教化眾生 得無疲倦 又諸眾生
受化易不 不令世尊 生疲勞耶

問居堪忍與民同患之事也

二釋尊叙告

爾時世尊於菩薩大眾中而作是言如是如是諸善男子如來
安樂少病少惱諸眾生等易可化度無有疲勞所以者何是諸
眾生世世已來常受我化亦於過去諸佛供養尊重種諸善根
此諸眾生始見我身聞我所說即皆信受入如來慧除先修習
學小乘者如是之人我今亦令得聞是經入於佛慧
言世世受化正顯壽量本門所化言亦於過去種善則兼明
智勝會中所化以化緣深故始見始聞即皆信受
四聞風隨喜

爾時諸大菩薩而說偈言

善哉善哉 大雄世尊 諸眾生等 易可化度 能問諸佛

甚深智慧 聞已信行 我等隨喜

於時世尊讚歎上首諸大菩薩善哉善哉善男子汝等能於如
來發隨喜心 五時眾疑問二 一此眾疑問三 一示疑
亦時彌勒菩薩及八千恒河沙諸菩薩眾皆作是念我等從昔

已來不見不聞如是大菩薩摩訶薩衆從地踊出住世尊前合掌供養問訊如來

欲利當來之機耳故後偈去願佛為未來演說令開解

二請問一 惣問

時彌勒菩薩摩訶薩知八千恒河沙諸菩薩等心之所念并欲

自決所疑合掌向佛以偈問曰

無量千萬億 大眾諸菩薩 昔所未曾見 願兩足尊說

是從何所來 以何因緣集

惣問何來何集 二詳問二 一問何來

巨身大神通 智慧巨思議 具志念堅固 有大忍辱力

衆生所樂見 為從何所來

容儀挺特智力異常故聳動衆問 下問來儀

一一諸菩薩 所將諸眷屬 其數無有量 如恒河沙等

或有大菩薩 將六萬恒沙 如是諸大眾 一心求佛道

是諸大師等 六萬恒河沙 俱來供養佛 及護持是經

將五萬恒河 其數過於是 四萬及三萬 二萬至一萬

一千一百等 乃至一恒沙 半及三四分 億萬分之一

此頌沙數自多反少 此頌沙數自多反少

千萬那由他 萬億諸弟子 乃至於半億 其數復過上

百萬至一萬 一千及一百 五十與一十 乃至三二一

此頌該數自多反少 此頌該數自多反少

單已無眷屬 樂於獨處者 俱來至佛所 其數轉過上

如是諸大眾 若人行籌數 過於恒沙劫 猶不能盡知

是諸大威德 精進菩薩衆 誰為其說法 教化而成就

從誰初發心 稱揚何佛法 受持行誰經 脩習何佛道

見其頗多疑 非一世一佛所化故詳問之

如是諸菩薩 神通大智力 四方地震裂 皆從中踊出

世尊我昔來 未曾見是事 願說其所從 國土之名号

結問何來也

二問何集

我常遊諸國 未曾見是衆 我於此衆中 乃不識一人

忽然從地出

願說其因緣

三請决

今此之大會 無量百千億 是諸菩薩等 皆欲知此事

是諸菩薩衆 本末之因緣 無量德世尊 唯願决衆疑

二他衆疑問

爾時釋迦牟尼分身諸佛從無量千萬億他方國土來者在於
八方諸寶樹下師子座上結加趺坐其佛侍者各各見是菩薩
大衆於三千大千世界四方從地踊出住於虛空各白其佛言
世尊此諸無量無邊阿僧祇菩薩大衆從何所來尔時諸佛各
告侍者諸善男子且待須更有菩薩摩訶薩名曰弥勒釋迦牟尼
佛之所授記次後作佛已問斯事佛今答之汝等自當因是
得聞 各白其佛曰分身也 六釋尊顯答三 初開許

爾時釋迦牟尼佛告弥勒菩薩善哉善哉阿逸多乃能問佛如

是大事汝等當共一心被精進鎧發堅固意如來今欲顯發宣

示諸佛智慧諸佛自在神通之力諸佛師子奮迅之力諸佛威

猛大勢之力 弥勒姓也号阿逸多此云無能勝大事者智

慧神通奮迅威猛所化多衆之事也將欲宣示先令被精進

鎧等者戒使勇銳諦聽無以趣深而生疑退也下云我於娑

婆得菩提已教化成就如是多衆即惣宣示廣在後文也宣

示諸佛智慧即壽量偈云我智力如是慧光照無量是也諸

佛自在神通即方便現涅槃而實不滅度是也師子奮迅之

力即常說法教化無數億衆生是也威猛大勢之力即令顛

倒衆生雖近而不見是也此宣釋迦化跡而言諸佛者佛佛

道同故

尔時世尊欲重宣此義而說偈言

當精進一心 我欲說此事 勿得有疑悔 佛智叵思議

汝今出信力 住於忍善中 昔所未聞法 今皆當得聞

我今安慰汝 勿得懷疑懼 佛無不實語 智慧不可量

所得第一法 甚深叵分別 如是今當說 汝等一心聽

出信力者勉今發信住忍善者戒令勿退即令被進鎧發堅

固意也 二正答

爾時世尊說此偈已告弥勒菩薩我今於此大眾宣告汝等阿
逸多是諸大菩薩摩訶薩無量無數阿僧祇從地踊出汝等昔
所未見者我於是娑婆世界得阿耨多羅三藐三菩提已教化
示導是諸菩薩調伏其心令發道意

答誰說法教化從誰初發心

此諸菩薩皆於是娑婆世界之下此界虛空中住

答願說所從國土名号

於諸經典讀誦通利思惟分別正憶念 稱其德也於諸經典能讀以取其理誦以通其義思惟以精

之正念以持之則其德足稱矣

阿逸多是諸善男子等不樂在眾多有所說常樂靜處勤行精
進未曾休息亦不依止人天而住常樂深智無有障礙亦常樂
於諸佛之法一心精進求無上慧

釋所以住下方空中之意 三頌答

爾時世尊欲重宣此義而說偈言 從無數劫來 脩習佛智慧

阿逸汝當知 是諸大菩薩 令發大道心 頌答誰為教化從誰發心

悉是我所化 依止是世界 常行頭陀事 志樂於靜處

此等是我子 捨大眾憤鬧 不樂多所說 如是諸子等 學習我道法

頌答受持誰經修習何道 在娑婆世界 下方空中住

晝夜常精進 為求佛道故 頌答願說所從國土名号

志念力堅固 常勤求智慧 說種種妙法 其心無所畏

頌德也

我於伽耶城 菩提樹下坐 得成最正覺 轉無上法輪

爾乃教化之 令初發道心 今皆住不退 悉當得成佛

答本未因緣也意若近跡實指遠因摩竭阇國西南度尼連

河至伽耶城又數里至菩提山有畢鉢羅樹佛坐其下成道

我今說實語 汝等一心信 我從久遠來 教化是等衆

結答也 三執迹生疑五 一叙疑

尔時弥勒菩薩摩訶薩及無數諸菩薩等心生疑惑怪未曾有

而作是念云何世尊於少時間教化如是無量無邊阿僧祇諸

大菩薩令住阿耨多羅三藐三菩提 迷壽量遠因故有此疑

即白佛言世尊如來為太子時出於釋宮去伽耶城不遠坐於

道場得成阿耨多羅三藐三菩提從是已來始過四十餘年世

尊云何於此少時大作佛事以佛勢力以佛功德教化如是無

量無邊諸佛所植諸善根成就菩薩道常脩梵行世尊如此之

使有人於千萬億劫數不能盡不得其邊斯等久遠已來於無

事世所難信 執伽耶迹故有此難 二設喻

辟如有人色美髮黑年二十五指百歲人言是我子其百歲人

亦指年少言是我父生育我等是事難信

父少辟釋尊闡化之近子若辟涌出成德之久化近力久理

不相當必言二十五及百歲者取其少猶未壯老已過耄益

見相違也 三合顯

佛亦如是得道已來其實未久而此大衆諸菩薩等已於無量

千萬億劫為佛道故勤行精進善入出住無量百千萬億三昧

得大神通久脩梵行善能次第習諸善法巧於問答人中之寶

一切世間甚為希有今日世尊方云得佛道時初令發心教化

示導令尚阿耨多羅三藐三菩提世尊得佛未久乃能作此大

功德事 得佛未久合父少也而此大衆至甚為希有合子

老也今日世尊至能作大事合相違也善入出住者於無量
三昧或入或出或住妙用自在

我等雖復信佛隨宜所說佛所出言未嘗虛妄佛所知者皆悉
涌達然諸新發意菩薩於佛滅後若聞是語或不信受而起破
法罪業因緣唯然世尊願為解說除我等疑及未來世諸善男
子聞此事已亦不生疑

五重頌

文四 一頌疑

爾時彌勒菩薩欲重宣此義而說偈言 坐於菩提樹 爾來尚未久

佛昔從釋種 出家近伽耶 久已行佛道 住於神通力

此諸佛子等 其數不可量 如蓮華在水 從地而踊出

善學菩薩道 不染世間法 是事難思議 云何而可信

皆起恭敬心 住於世尊前 願為除眾疑 如實分別說

佛得道甚近 所成就甚多 示人百歲子 髮白而面皴

執近迹疑遠 緣而致問也 二頌喻

是等我所生子亦說是父 父少而子老 舉世所不信

所謂寂場少父寂光老兒 三合顯

世尊亦如是 得道來甚近 是諸菩薩等 志固無怯弱

從無量劫來 而行菩薩道 巧於難問答 其心無所畏

忍辱心決定 端正有威德 十方佛所讚 善能令別說

不樂在人眾 常好在禪定 為求佛道故 於下空中住

從志固無怯 已下皆頌老成之德 四請決

我等從佛聞 於此事無疑 願佛為未來 演說令開解

若有於此經 生疑不信者 即當墮惡道 願今為解說

是無量菩薩 云何於少時 教化令發心 而住不退地

五顯本勸持

妙法蓮華經如來壽量品第十六

前品顯迹而滯者迷本故情疑久近見起生滅欲契如實本
際難矣故此顯本釋其疑滯使知如來本無生滅伽耶之化

特為機所受之命稱性無量故曰如來壽量品文云如來如實知見三界之相無有生死退出亦無在世滅度後云其有菩薩聞說壽量即能信受願於未來長壽度生至坐道場說壽亦爾意明本迹一如世相常住稱性之壽人皆有之苟能正信順受不以生滅心行而自天關則三界之相可如實知遂能現壽量以存存示生滅而化化智力神用與如來等矣故曰顯本勸持 文二 一叙發起二 初告眾發信

爾時佛告諸菩薩及一切大眾諸善男子汝等當信解如來誠諦之語復告大眾汝等當信解如來誠諦之語又復告諸大眾汝等當信解如來誠諦之語 以壽量之本趣深難信故再

三發之心實曰誠言當曰諦 二深信勤請

是時菩薩大眾彌勒為首合掌白佛言世尊唯願說之我等當信受佛語如是三白已復言唯願說之我等當信受佛語

二正顯本三 一正說壽量三 正說

爾時世尊知諸菩薩三請不止而告之言汝等諦聽如來祕密神通之力 應量非量現滅不滅天人莫測是謂祕密神力一切世間天人及阿脩羅皆謂今釋迦牟尼佛出擇氏宮去加耶城不遠坐於道場得阿耨多羅三藐三菩提 但見其迹 然善男子我實成佛已來無量無邊百千萬億那由他劫

本實無量

二喻明

譬如五百千萬億那由他阿僧祇三千大千世界假使有人抹為微塵過於東方五百千萬億那由他阿僧祇國乃下一塵如是東行盡是微塵諸善男子於意云何是諸世界可得思惟校計知其數不 並如智勝塵墨之喻

彌勒菩薩等俱白佛言世尊是諸世界無量無邊非筭數所知亦非心力所及一切聲聞辟支佛以無漏智不能思惟知其限數我等往阿鞞跋致地於是事中亦所不達世尊如是諸世界無量無邊

爾時佛告大菩薩衆諸善男子今當分明言語汝等是諸世界若着微塵及不着者盡以為塵一塵一劫我成佛已來復過於此百千萬億那由他阿僧祇劫

正明佛壽無量也諸佛壽量悉皆無量衆生壽量亦復如是但迷真智故妄逐生死如一墮地獄至無數劫豈非無量壽耶苟不迷墮則與佛無別矣

三顯常

自從是來我常在此娑婆世界說法教化亦於餘處百千萬億那由他阿僧祇國導利衆生

自從是來謂從塵劫成佛已來言常在此又在餘處則不唯身相常住亦顯國土常住也是知娑婆及萬億國無非淨土同一法界未嘗壞滅其有壞滅皆別業身耳

二釋疑顯本三

一徵古釋疑二

一徵受記入滅

諸善男子於是中間我說然燈佛等又復言其入於涅槃如是皆以方便分別既曰成佛之久常在利生而中間自說於

然燈佛所得法受記等事疑若近迹又復現言當入涅槃疑非常在此皆隨機方便之說耳

二徵隨應異迹

諸善男子若有衆生來至我所我以佛眼觀其信等諸根利鈍隨所應度處處自說名字不同年紀大小亦復現言當入涅槃又以種種方便說微妙法能令衆生發歡喜心

信等諸根謂信根智根等也觀利根即現長年說大法觀鈍根即現劣應示涅槃所以名字有不同年紀有大小說法有種種皆為隨機利道發其善心耳

二徵今釋疑二

一徵本迹

諸善男子如來見諸衆生樂於小法德薄垢重者為是人說我少出家得阿耨多羅三藐三菩提然我實成佛已來久遠若斯但以方便教化衆生令入佛道作如是說

迹少出家本久成佛

二徵教說

諸善男子如來所演經典皆為度脫衆生或說己身或說他身

或示已身亦示他身或示已事或示他事諸所言說皆實不虛
所演經典說雖異同理無不實也已謂釋迦他謂諸佛說見
於言示見於行

所以者何如來如實知見三界之相無有生死若退若出亦無
在世及滅度者非實非虛非如非異不如三界見於三界如斯
之事如來明見無有錯謬以諸眾生有種種性種種欲種種行
種種憶想分別故欲令生諸善根以若干因緣譬喻言詞種種
說法所作佛事未曾暫廢

擇上理無不實而說有異同也

三界萬法不容樹心以眾生妄見則種種紛紜以如來實見
則一切真寂無有生死乃至滅度者不以生滅相見也不如
三界見於三界者不以往來相見也既明見無滯則宜無異
說特以眾生性欲行想之心種種不同故說示教化之迹亦
種種不同也所作佛事指說示不同之事

三結顯

如是我成佛已來甚大久遠壽命無量阿僧祇劫常住不滅

三明權顯本四

一唱滅善權

諸善男子我本行菩薩道所成壽命今猶未盡復倍上數然今
非實滅度而便唱言當取滅度如來以是方便教化眾生

叙唱滅意也

所以者何若佛久住於世薄德之人不種善根貧窮下賤貪著
五欲入於憶想妄見網中若見如來常在不滅便起憍恣而懷
厭怠不能生難遭之想恭敬之心是故如來以方便說
釋唱滅意也貧窮下賤言乏功德財憶想妄見為生死網即
見惑思惑也

二深慈警策

比丘當知諸佛出世難可值遇所以者何諸薄德人過無量百
千萬億劫或有見佛或不見者以此事故我作是言諸比丘如
來難可得見斯眾生等聞如是語必當生於難遭之想心懷慈
恭渴仰於佛便種善根是故如來雖不實滅而言滅度
言難值遇乃警之令渴仰種善也

又善男子諸佛如來法皆如是為度衆生皆實不虛

明諸佛利生善權皆如是也 三喻明權意八 一立譬本

譬如良醫智慧聰達明鍊方藥善治衆病

佛如鑿師教如鑿方理如妙藥種種性欲行想分別是謂衆病佛能以若干緣喻隨其所宜發藥而調除之是謂良醫善治也

其人多諸子息若二十乃至百數

火宅之子對三乘言故數止三十良醫之子對衆生言故兼至百數

二喻背覺合塵

以有事緣遠至餘國諸子於後飲他毒藥藥發悶亂宛轉于地鑿師遠適而諸子飲毒猶宅主近出而其家失火也飲他毒藥喻隨順邪法宛轉于地喻輪墮諸趣 三喻佛慈垂化是時其父還來歸家諸子飲毒或失本心或不失者遙見其人皆大歡喜拜跪問訊善安隱歸我等愚痴誤服毒藥願見救濟

與賜壽命父見子等言如是依諸經方求好藥草色香美味

皆悉具足擣篩和合與子令服而作是言此大良藥色香美味

皆悉具足汝等可服速除苦惱無復衆患

三界之家佛所舊化故云來歸彼中邪毒深者失其良心者雖或未失亦為惡習所障未能親造覺體故云遙見願賜壽命即冀不天闕於橫邪也發藥除苦即令其斷惑而證直也依諸佛經濟之方求聖賢斷治之藥顯性空之真色示戒定之五香品乳酪之五味無不具足也擣者折剛為柔篩者化麤入細和合令服則無矯拂之失色味香美則無瞋眩之毒聖人病人之病憂人之憂調御之德蓋見於此

四喻化有易難

其諸子中不失心者見此良藥色香俱好即便服之病盡除愈餘失心者見其父來雖亦歡喜問訊求索治病然與其藥而不肯服所以者何毒氣深入失本心故於此好色香藥而謂不美

五喻權巧示滅

父作是念此子可愍為毒所中心皆顛倒雖見我喜求索救療
如是好藥而不肯服我今當設方便令服此藥即作是言汝等
當知我今衰老死時已至是好良藥今留在此汝可取服勿憂
不差作是教已復至他國遣使還告汝父已死

雷藥喻遺教去國喻示滅

六喻感悟從化

是時諸子聞父背喪心大憂惱而作是念若父在者慈愍我等
能見救護今者捨我遠喪他國自惟孤露無復恃怙常懷悲感
心遂醒悟乃知此藥色味香美即取服之毒病皆愈
人情常忽於所賴常感於去思
七喻障盡見佛

其父聞子悉已得差尋便來歸咸使見之

水澄月現亦何去來

八覆審誕信

諸善男子於意云何頗有人能說此良鑒虛妄罪不不也世尊

四合顯

佛言我亦如是成佛已來無量無邊百千萬億那由他阿僧祇
劫為衆生故以方便力言當滅度亦無有能如法說我虛妄過
者導迷貴權於法無過三重頌

爾時世尊欲重宣此義而說偈言

文二

一頌正說顯本二

初頌壽量無量

自我得佛來 所經諸劫數

無量百千萬

億載阿僧祇

二頌真化常住

常說法教化 無數億衆生

令入於佛道

爾來無量劫

二頌明權顯本五

為度衆生故 方便現涅槃

一頌唱滅善權

而實不滅度 常住此說法

此惣舉善權下詳述權意

我常住於此

以諸神通力

令顛倒衆生

雖近而不見

衆見我滅度

廣供養舍利

咸皆懷戀慕

而生渴仰心

衆生既信伏

質直意柔軟

一心欲見佛

不自惜身命

時我及衆僧 俱出靈鷲山

我時語衆生 常在此不滅 以方便力故 現有滅不滅

雖近不見所以伏憍恣也 令生渴仰所以發厭怠也

餘國有衆生 恭敬信樂者 我復於彼中 為說無上法

汝等不聞此 但謂我滅度

敬信之心如聲說法之慈如響聲有彼此響無生滅但應於

彼如此不聞故謂之滅耳蓋聖人雖有權應之迹實無權應

之心如響音而已 二頌隱顯常化五 一隱顯之意

我見諸衆生 沒在於苦惱 故不為現身 令其生渴仰

因其心戀慕 乃出為說法

飢然後甘食渴然後甘飲 二所依淨土

神通力如是 於阿僧祇劫 常在靈鷲山 及餘諸住處

三即壞而存 我此土安隱 天人常充滿

衆生見劫盡 大火所燒時

園林諸堂閣

種種寶莊嚴

寶樹多花果

衆生所遊樂

諸天擊天鼓

常作衆伎樂

雨曼陀羅華

散佛及太衆

大火所燒此土安隱其何上耶即實報淨土亦曰性土也言

常在靈山則不離娑婆化土而能不壞者報化一土亦依妄

業所現故有成與壞依實報所現故無成與壞成壞之相楞

嚴所謂別業妄見譬如目眚妄見燈影彼非眚人雖同不見

所以衆生見燒而我常安隱也自我求之所謂性土不離自

性所謂靈山不離已靈非形非器故劫火莫燒亘古亘今故

常在不滅達斯妙旨則壽量淨土等事皆備於我而不疑於

佛矣 四隨緣感變

我淨土不毀 而衆見燒盡 憂怖諸苦惱 如是悉充滿

所謂別業妄見

是諸罪衆生 以惡業因緣 過阿僧祇劫 不聞三寶名

諸有脩功德 柔和質直者 則皆見我身 在此而說法

或時為此衆 說佛壽無量 久乃見佛者 為說佛難值

以罪業背佛即惡緣同感者以脩德見我則善業同感者由其或背或見故佛或說壽量或說難值但應彼緣曾無定迹

五結上勸信

我智力如是 慧光照無量 壽命無數劫 久脩業所得

汝等有智者 勿於此生疑 當斷令永盡 佛語實不虛

智照無量壽命無數乃久脩淨業之實報非虛說示也

三頌喻明

如鑿善方便 為治狂子故 實在而言死 無能說虛妄

四頌合顯

我亦為世父 救諸苦患者 為凡夫顛倒 實在而言滅

以常見我故 而生憍恣心 放逸著五欲 墮於惡道中

苦患即妄纏 惡業顛倒即妄見生死 隨所應可度 為說種種法

我常知衆生

頌是故如來以方便說

每自作是意 以何令衆生 得入無上慧 速成就佛身

每思方便利導群機故或說壽量以發其慧或現涅槃以感

其情皆欲速成故也

妙法蓮華經分別功德品第十七

時會欽聞壽量秘說而造道證性淺深不同佛為隨根稱揚

之故曰分別功德文五

爾時大會聞佛說壽命劫數長遠如是無量無邊阿僧祇衆生

得大饒益 得大饒益如下所說

二如來分別三

於時世尊告弥勒菩薩摩訶薩阿逸多我說是如來壽命長遠

時六百八十萬億那由他恒河沙衆生得無生法忍

因聞壽量了無生滅以無生法忍可成行而無了無忍名為

法忍忍著行之成名

一入道功德

五物結

六聞法獲益

復有千倍菩薩摩訶薩得聞持陀羅尼門

一聞下悟得大物持諸餘物持自此而出故謂之門如圓覺陀羅尼門流出一切

復有一世界微塵數菩薩摩訶薩得樂說無礙辯才

造道自得左右逢原故能樂說無礙即四無礙辯之物也四辯一法二義三詞四樂說

復有一世界微塵數菩薩摩訶薩得百千萬億無量旋陀羅尼於一切法反本還源方便利生逆順自在各百千萬億無量

旋陀羅尼

復有三千大千世界微塵數菩薩摩訶薩能轉不退法輪

入正位說正法迥超二乘無復退轉

復有二千中國土微塵數菩薩摩訶薩能轉清淨法輪

即言辭相寂一乘妙法也從聞持陀羅尼至此皆地上菩薩之德十地論云得陀羅尼菩薩在五地二得果功德

復有小千國土微塵數菩薩摩訶薩入生當得阿耨多羅三藐

三菩提復有四天下微塵數菩薩摩訶薩四生當得阿耨多

羅三藐三菩提復有三天下微塵數菩薩摩訶薩三生當得

阿耨多羅三藐三菩提復有二天下微塵數菩薩摩訶薩二

生當得阿耨多羅三藐三菩提復有一天下微塵數菩薩摩訶

薩一生當得阿耨多羅三藐三菩提

此約隨根得果遠近也八生等者以超入聖位如初生佛家

之生非出沒生死之生也初言八生謂超入四地取妙覺之

位有八故曰餘各八生在當得成佛道次言四生謂超入八

地取妙覺之位有四三生二生謂九地十地一生即超入等

覺取妙覺一間耳故曰餘有一生在當成一切智也如來壽

量即本覺不壞之實相悟是實相則無不了達故會眾聞說

隨根各證 三發心功德

復有八世界微塵數眾生皆發阿耨多羅三藐三菩提心

聞實報理發正因心也先舉入道得果之菩薩後舉隨喜發心之衆生乃事之序而舊以此文合在初列又廣配十信十住等位文理不違今不必配問壽量之法一也古今之性同也昔者衆生一聞遂得法忍菩薩深達遂成佛道而數比沙塵今幾何也曰今之聞者以大千計之真若沙塵果亦深達則得忍成佛不讓在昔唯其不能深信深達耳

三妙瑞助顯

佛說是諸菩薩摩訶薩得大法利時於虛空中雨曼陀羅華摩訶曼陀羅華以散無量百千萬億寶樹下師子座上諸佛并散七寶塔中師子座上釋迦牟尼佛及久滅度多寶如來亦散一切諸大菩薩及四部衆又雨細抹旃檀沉水香等於虛空中天鼓自鳴妙聲深遠又雨千種天衣垂諸瓔珞真珠瓔珞摩尼珠瓔珞如意珠瓔珞遍於九方衆寶香爐燒無價香自然周至供養大會一一佛上有諸菩薩執持幡蓋次第而上至于梵天是

諸菩薩以妙音聲歌無量頌讚歎諸佛

諸瑞皆從空雨遍於九方乃助顯壽量法利如空無邊不可得而思議也故弥勒讚曰世尊說壽量不可思議法多有所饒益如虛空無邊言九方者除下方非法會所菩薩執幡上至梵天言其滿空供養讚歎也

四弥勒偈讚

爾時弥勒菩薩從座而起偏袒右肩合掌向佛而說偈言

文四

初叙讚法利

佛說希有法 昔所未曾聞 世尊有大力 壽命不可量
無數諸佛子 聞世尊分別 說得法利者 歡喜充遍身

二頌別功德三

一頌入道

或住不退地 或得陀羅尼 或無礙樂說 萬億旋物持
或有大千界 微塵數菩薩 各各皆能轉 不退之法輪
復有中千界 微塵數菩薩 各各皆能轉 清淨之法輪

二頌得果

復有小千界 微塵數菩薩 餘各八生在 當得成佛道
復有四三二 如此四天下 微塵諸菩薩 隨數生成佛
或一四天下 微塵數菩薩 餘有一生在 當成一切智

隨數謂隨四三二數也

如是等眾生 聞佛壽長遠 得無量無漏 清淨之果報

稱實報法故無漏清淨 三頌發心

復有八世界 微塵數眾生 聞佛說壽命 皆發無上心

三頌妙瑞助顯

世尊說無量 不可思議法 多有所饒益 如虛空無邊

雨天曼陀羅 摩訶曼陀羅 釋梵如恒沙 無數佛土來

雨旃檀沉水 續紛而亂墜 如鳥飛空下 供散於諸佛

天鼓虛空中 自然出妙聲 天衣千萬種 旋轉而來下

眾寶妙香爐 燒無價之香 自然悉周遍 供養諸世尊

其大菩薩眾 執七寶幡蓋 高妙萬億種 次第至梵天

一一諸佛前 寶幢懸勝幡 亦以千萬偈 歌詠諸如來

由其法利如空無邊故感瑞亦爾 四結讚所顯

如是種種事 昔所未曾有 聞佛壽無量 一切皆歡喜

佛名聞十方 廣饒益眾生 一切具善根 以助無上心

結讚妙瑞所顯之意由十方諸天聞佛壽量廣獲饒益故各

具善根兩諸妙瑞以自表助無上道心也

五校量後益五 初生信益二 一宣揚信福

爾時佛告彌勒菩薩摩訶薩阿逸多其有眾生聞佛壽命長遠 如是乃至能生一念信解所得功德無有限量

解壽量說即得不壞體證真常用故功無限量

若有善男子善女人為阿耨多羅三藐三菩提故於八十萬億 那由他劫行五波羅蜜檀波羅蜜尸羅波羅蜜羼提波羅蜜毗 梨耶波羅蜜禪波羅蜜除般若波羅蜜以是功德比前功德百 分千分百千萬億分不及其一乃至算數譬喻所不能知

如來壽量乃智力慧光久脩所得能一念信則為已具般若智回故五度深功莫比

若善男子善女人有如是功德於阿耨多羅三藐三菩提退者無有是處 已具正因故有進無退 二重頌信福

爾時世尊欲重宣此義而說偈言 文五 初標頌五度 若人求佛慧 於八十萬億 那由他劫數 行五波羅密

二別頌五度六 一施 於是諸劫中 布施供養佛 及緣覺弟子 并諸菩薩眾

珍異之飲食 上服與卧具 旃檀立精舍 以園林莊嚴 如是等布施 種種皆微妙 盡此諸劫數 以回向佛道

二戒 若復持禁戒 清淨無缺漏 求於無上道 諸佛之所歎

三忍 若復行忍辱 住於調柔地 設眾惡來加 其心不傾動

諸有得法者 懷於增上慢 為此所輕惱 如是悉能忍

四進 若復勤精進 志念常堅固 於無量億劫 一心不懈息

五禪 又於無數劫 住於空閑處 若坐若經行 除睡常攝心

以是因緣故 能生諸禪定 八十億萬劫 安住心不亂

持此一心福 願求無上道 我得一切智 盡諸禪定際

一心福即禪波羅密也一切智即心之極造禪定際即道之極造 六結

是人於百千 萬億劫數中 行此諸功德 如上之所說 三頌校信福

有善男女等 聞我說壽命 乃至一念信 其福過於彼 若人悉無有 一切諸疑悔 深心須臾信 其福為如此 一念之信福過五度然當悉無疑悔福乃如此正法華云當

棄捐猶豫諸著思想事信樂大法義其福為若斯

四上士必信

其有諸菩薩

無量劫行道

聞我說壽命

是則能信受

如是諸人等

頂受此經典

願我於未來

長壽度眾

如今日世尊

諸釋中之王

道場師子吼

說法無所畏

我等未來世

一切所尊敬

坐於道場時

說壽亦如是

菩薩行道經

無量劫則智力慧光已發實報故聞斯信之而

於未來願得是報至坐道場願說是道蓋深悟稱性壽量人

皆

皆有之故願不天闕而跋及如來也

五通結

隨義解佛語

若有深心者

清淨而質直

多聞能惣持

如是之人等

於此無有疑

深心則志固清淨則智明質直則無偽多聞則博識惣持則

貫通隨義則不滯有是全才盡智可於壽量無疑也

二解趣益

天阿逸多若有聞佛壽命長遠解其言趣是人所得功德無有

限量能起如來無上之慧

壽量之說趣在斷生滅

尤顯真常體苟能明解則起無上慧

等同如來故功無限量

三廣持益

何況廣聞是經若教人聞若自持若教人持若自書若教人書

若以華香瓔珞幢幡繒蓋香油蘇燈供養經卷是人功德無量

無邊能生一切種智

聞佛壽命則斷生滅見顯真常體能起上慧而已廣聞是經

則具四知見盡一乘道故能生種智也然世之聞持不計而

果能起上慧生種智者誰耶是亦遇王儲而不浚得衣珠而

醉卧耳惜哉

四深信解相

阿逸多若善男子善女人聞我說壽命長遠深心信解則為見

佛常在耆闍崛山共大菩薩諸聲聞眾圍遶說法

生滅見盡則真常之相觸目宛然

又見此娑婆世界其地琉璃坦然平正閻浮檀金以界八道寶

樹行列諸臺樓觀皆悉寶成其菩薩衆咸處其中

穢淨情忘則勝妙之境舉步皆是

若有能如是觀者當知是為深信解相

身土實相本自一如生滅穢淨皆出情見故見盡情忘則真

常之相勝妙之境觸處現前非深信解壽量祕說莫預於此

五廣顯妙功五 一如親戴佛

又復如來滅後若聞是經而不毀此起隨喜心當知已為深信

解相何況讀誦受持之者斯人則為頂戴如來

上明一品之利此明一經之利故但能隨喜而功已侔上故

曰已為深信解相若正心讀持功又過上故曰則為頂戴如

來云頂戴者謂得此中全身而無以上之也 二為供佛僧

阿逸多是善男子善女人不須為我復起塔寺及作僧坊以四

事供養衆僧所以者何是善男子善女人受持讀誦是經典者

為已起塔造立僧坊供養衆僧則為以佛舍利起七寶塔高廣

漸小至于梵天懸諸幡蓋及衆寶鈴花香瓔珞抹香塗香燒香

衆鼓伎樂簫笛箏篥種種舞戲以妙音聲歌頌讚頌則為於無

量下萬億劫作是供養已

諸供養中法供養勝故也上顯隨喜功次顯書持功

阿逸多若我滅後聞是經典有能受持者自書若教人書則為

起立僧坊以赤旃檀作諸殿堂三十有二高八多羅樹高廣嚴

好百千比丘於其中止園林浴也經行禪窟衣服飲食床褥湯

藥一切樂具充滿其中如是僧坊堂閣若干百千萬億其數無

量以此現前供養於我及比丘僧

殿堂三十有二以安四方僧稱八正道也西天寶多羅樹其

高七仞諸皆縱舉過量之事以顯法供養勝 三牒結

是故我說如來滅後若有受持讀誦為他人說若自書若教人

書供養經卷不須復起塔寺及造僧坊供養衆僧

四理行相濟四

一兼行諸度

况復有人能持是經兼行布施持戒忍辱精進一心智慧其德最勝無量無邊辭如虛空東西南北四維上下無量無邊是人功德亦復如是無量無邊疾至一切種智

二復能供養

若人讀誦受持是經為他人說若自書若教人書復能起塔及造僧坊供養讚歎聲聞眾僧亦以百千萬億讚歎之法讚歎菩薩功德

三備具衆善

又為他人種種因緣隨義解說此法華經復能清淨持戒與衆和老而共同止忍辱無瞋志念堅固常貴坐禪得諾深定精進勇猛攝諸善法利根智慧善答問難

前言行五波羅蜜不及一念信解又云不須復起塔寺非廢於行也姑離事顯理使人深造不滯於迹而已若理既深造非行不備如舟無楫終何以濟故須理行相濟然後其德為最勝也世之空談名理便廢行實諸度不修一善無取安為

癡兀化為闍底者宜三復于斯

四結顯

阿逸多若我滅後諸善男子善女人受持讀誦是經典者復有如是諸善功德當知是人已趣道場近阿耨多羅三藐三菩提坐道樹下阿逸多是善男子善女人若坐若立若行處此中便應起塔一切天人皆應供養如佛之塔

已趣道場言已得真趣登證有期近坐道樹言已幾於道成佛不遠故所在之處當尊重之

五重頌

爾時世尊欲重宣此義而說偈言 文四 初物頌勝福 若我滅度後 能奉持此經 斯人福無量 如上之所說

二頌為供佛僧

是則為具足 一切諸供養 以舍利起塔 七寶而莊嚴

表刹甚高廣 漸小至梵天 寶鈴千萬億 風動出妙音

又於無量劫 而供養此塔 華香諸瓔珞 天衣衆伎樂

然香油酥燈 周市常照明 惡世法末時 能持是經者

則為已如上 具足諸供養 上頌供佛次頌供僧

若能持此經 則如佛現在 以牛頭旃檀 起僧坊供養

堂有三十二 高八多羅樹 上饌妙衣服 床卧皆具足

百千眾住處 園林諸浴池 經行及禪窟 種種皆嚴好

三頌理行相濟三 初引持經之福 及供養經卷

若有信解心 受持讀誦書 若復教人書 薰油常然之

散花香抹香 以須曼瞻蔔 阿提目多伽 其福亦如是

如是供養者 得無量功德 如虛空無邊 二頌兼行諸度

况復持此經 須曼瞻蔔多伽 三花最香以此薰油 不嗔不惡口

三頌備具眾善 兼布施持戒 忍辱樂禪定 常思惟智慧

恭敬於塔廟 謙下諸比丘 遠離自高心 四頌結顯

有問難不瞋 隨順為解說 功德不可量 若見此法師 成就如是德

應以天花散 天衣覆其身 頭面接足禮 生心如佛想

又應作是念 不久詣道樹 得無漏無為 廣利諸人天

其所住止處 經行若坐卧 乃至說一偈 是中應起答

莊嚴令妙好 種種以供養 佛子住此地 則是佛受用

常在於其中 經行及坐卧 佛子住此即佛受用 等者所在之處 則為有佛之意也 夫敬

持經之人如佛者 所謂若有能持 則持佛身 又决有成佛之

期故也 此為分別功德品 故偏明持經勝德 或以此地其中

之語為指妙法 與域文勢不然

妙法蓮華經卷第五

信人黃貢妻俞氏 信女沈氏男黃倫女閨寧 信女周氏孫男聖官祐
 信女張氏淨真女朱氏洲順 信人王道清室沈氏妙真 信人陳璉
 信人沈道真 信人馬瑤 信人呼拙
 信人周淳室富氏三娘 信人敖志堅 信女吳氏妙寧
 信人黃宗顯 信人姚輜 信人薄道昌
 信人汝普雲 信人沈普明 信人王鑑室唐氏妙員
 信人顧惟廣 信人楊謙 信人揚秀
 信人陳鑑 信人楊美 信人劉氏玄虛
 信人秦叔文室陳氏洲員 信人秦琪 信女劉氏善慶
 信女趙氏素英 信女楊氏 信人鞠奎
 信文劉氏 信人徐仲元 信女張氏淨真
 信女嚴氏 信女黃氏妙秀 信女陸氏妙善
 信女朱氏洲順 信女王氏淨果 信女嚴氏妙淨
 信人王宗善 信童許劉保 信人王道真 長德真
 信人顧廣泰 諸氏壽清 信人王縉 陳氏素清 章氏外
 包氏二女 府氏三外 信黃德華

妙法蓮華經卷第六

溫陵開元蓮寺比丘

戒環 解

七廣顯持功三

隨喜功德品第十八

前品分別聞說壽量功德自此至法師不輕三品廣顯聞持
 正宗功德隨功淺深有暫持圓持精持之序次第廣顯自暫
 持始也言隨喜者謂未能一心聽讀如說脩行但隨其所聞
 喜為人說隨其所教喜須臾聞亦獲勝福故為暫持功德之三
 初彌勒請問

爾時彌勒菩薩摩訶薩白佛言世尊若有善男子善女人聞是

法華經隨喜者得幾所福而說偈言 世尊滅度後 其有聞是經 若能隨喜者 為得幾所福

二釋尊乘答三 一明隨喜福四 一自聞喜說

爾時佛告彌勒菩薩摩訶薩阿逸多如來滅後若比丘比丘尼

優婆塞優婆夷及餘智者若長若幼聞是經隨喜已從法會出
至於餘處若在僧坊若空閑地若城邑巷陌聚落田里如其所
聞為父母宗親善友知識隨力演說 二展轉聞教
是諸人等聞已隨喜復行轉教餘人聞已亦隨喜轉教如是展
轉至第五十

法會初聞從師親授其福最勝隨喜轉教則去師漸遠至第
五十言又甚遠而福亦無量如下所校三校最後福五
一標叙

阿逸多其第五十善男子善女人隨喜功德我今說之汝當聽
二舉財施

若四百萬億阿僧祇世界六趣四生眾生如生胎生濕生化生
若有形無形有想無想非有想非無想無足二足四足多足如
是等在眾生數者有人求福隨其所欲娛樂之具皆給與之一
一眾生與滿閻浮提金銀琉璃碎磑碼瑙珊瑚琥珀諸妙珍寶

及象馬車乘七寶所成宮殿樓閣等

僧祇世界生類不窮而能以寶物等施其福多矣天人鬼畜
分為六趣胎卵濕化惣為四生而形想等類預焉自胎卵至
非無想通該三界十種異生 三舉法施

是大施主如是布施滿八十年已而作是念我已施眾生娛樂
之具隨意所欲然此眾生皆已衰老年過八十髮白面皺將死
不久我當以佛法而訓導之即集此眾生宣布法化示教利喜
一時皆得須陀洹道斯陀含道阿那含道阿羅漢道盡諸有漏
於深禪定皆得自在具八解脫

既以財施復以法施令得聖果則其福倍多 四徵明

於汝意云何是大施主所得功德寧為多不彌勒白佛言世尊
是人功德甚多無量無邊若是施主但施眾生一切樂具功德
無量何況令得阿羅漢果 五正校

佛告彌勒我今分明語汝是人以一切樂具施於四百萬億阿

僧祇世界六趣衆生又令得何羅漢果所得功德不如是第五
十人聞法華經一偈隨喜功德百分千分百萬億分不及其
一乃至算數譬喻所不能知

財施外物道果小乘故迥不可及 四校最初福

阿逸多如是第五十人展轉聞法華經隨喜功德尚無量無邊
阿僧祇何況最初於會中聞而隨喜者其福復勝無量無邊阿
僧祇不可得比

又阿逸多若人為是經故往詣僧坊若坐若立須臾聽受緣是
功德轉身所生得好上妙象馬車乘珍寶輦及乘天宮

轉身謂後身也上妙車輿即人中勝報及乘天宮即天中勝
報故偈云後生天人中 二分座報

若復有人於講法處坐更有人來勸令坐聽若分座令坐是人
功德轉身得帝釋坐處若梵王坐處若轉輪聖王所坐之處
分座勸人則為法心廣故報又勝前

三轉教報三 一生處報

阿逸多若復有人語餘人言有經名法華可共往聽即受其教
乃至須臾間聞是人功德轉身得與陀羅尼菩薩共生一處
語人轉教利倍廣故報倍勝也十地論說得陀羅尼菩薩居

五地 二六根報

利根智慧百千萬世終不瘖瘡口氣不臭舌常無病口亦無病
齒不垢黑不黃不踈亦不缺落不差不曲脣不下垂亦不褰縮
不龕澁不瘡疥亦不缺壞亦不尚斜不厚不大亦不穠黑無諸
可惡鼻不匾匾亦不曲戾面色不黑亦不狹長亦不空曲無有
一切不可喜相

瘖言不成音瘖則塞矣下垂上寒皆唇之惡相唇瘡曰疥口
戾曰尚鰲亦黑也黎水之黑墨火之黑匾匾謂平薄曲戾謂
不端空即陷而曲也一切者通言六根無惡

唇舌牙齒悉皆嚴好鼻脩高直面貌圓滿眉高而長額廣平正

人相具足

三生善報

世世所生見佛聞法信受教誨

由轉教善生生不窮

三以劣顯勝

阿逸多汝且觀是勸於一人今往聽法功德如此何況一心聽說讀誦而於大眾為人分別如說脩行

勸人往聽即隨喜之事一心修行即圓持之事隨喜之功既

爾圓持之功可知 三重頌

爾時世尊欲重宣此義而說偈言 文三

一頌隨喜福四 初頌自聞喜說

若人於法會 得聞是經典 乃至於一偈 隨喜為他說

二頌展轉聞教

如是展轉教 至于第五十 三頌最後福四 一標叙

最後人獲福 今當分別之 二頌財施 具滿八十歲

如有大施主 供給無量眾 具滿八十歲 隨意之所欲

三頌法施

見彼衰老相 髮白而面皺 齒疎形枯竭 念其死不久

我今應當教 今得於道果 即為方便說 涅槃真實法

世皆不牢固 如水沫泡焰 汝等咸應當 疾生厭離心

諸人聞是法 皆得阿羅漢 具足六神通 三明八解脫

四頌正校

最後第五十 聞一偈隨喜 是人福勝彼 不可為譬喻

四頌最初福

如是展轉聞 其福尚無量 何況於法會 初聞隨喜者

二頌隨喜報三

若有勸一人 將引聽法華 言此經深妙 千萬劫難遇

即受教往聽 乃至須臾聞 斯人之福報 今當分別說

世世無口患 齒不踈黃黑 唇不厚褰缺 無有可惡相

舌不乾黑短 鼻高脩且直 額廣而平正 面目悉端嚴

為人所喜見 口氣無臭穢 優鉢華之香 常從其口出
即六根善報也多說口報者以展轉教誘由口業起
二頌專聞報

若故詣僧坊 欲聽法華經 須臾聞歡喜 今當說其福
後生天人中 得妙象馬車 珍寶之輦輿 及乘天宮殿

故詣專於引聽 三頌分座報 是福因緣得 釋梵轉輪座
若於講法處 勸人坐聽經

三頌以劣顯勝 何况一心聽 解說其義趣 如說而修行 其福不可限
一心修行福見次品 二圓持功德

妙法蓮華經法師功德品第十九 前品隨喜暫持在五種法師方得其一未能一心聽讀如說
修行則功未圓也雖獲根智具足而未及六千之報則德未
圓也此品行入五種功備六千德圓堪為模範故命品謂之

法師而為圓持功德前法師品依持經人以彰圓記此法師
品依持經人以彰圓德名同義別故加功德字別焉文二
初惣標

爾時佛告常精進菩薩摩訶薩若善男子善女人受持是法華
經若讀若誦若解說若書寫是人當得八百眼功德千二百耳
功德八百鼻功德千二百舌功德八百身功德千二百意功德
以是功德莊嚴六根皆令清淨

持法華者開佛知見則見聞覺知無非真覺證諸實相則色
香味觸無非真法以真覺對真法則萬象徹照大千一視故
圓持功成即得六根清淨功德自非精心不雜進道不倦未
易能致故告常精進菩薩也數有千二八百者衆生世界依
器世界而立以織妄為界故有四方身相遷流故有三世惟
世與界二者相涉三世四方宛轉十二依十二數流變三疊
成千二百圓持功成每根各全其用故有千二功德然復於

中尅定優劣以眼見前傍而不及後鼻息出入關於中交身合能覺離不知觸皆三分闕一故唯八百功德此乃權依世論數量以顯妙用大畧而已使由常眼對色而開佛知見常耳聞聲而得其實相則眾塵不隔十方廓然萬象莫逃大千圓照則千二八百之功無足論矣如經云父母所生眼悉見三千界何復三分之闕八百之劣耶故知此体本絕數量也

二別釋六

一眼根二

初標叙

是善男子善女人父母所生清淨肉眼見於三十六大千世界內外所有山林河海下至阿鼻地獄上至有頂亦見其中一切眾生及業因緣果報生處悉見悉知

父母所生即人人本具者清淨肉眼即眾塵不隔者眾塵不隔則正智現前故大千內外一切色像悉見悉知所謂應眼時如千日萬象不能逃影質者此也問理則然矣事若之何曰六湛圓明本所功德現量如是但隨所證耳夫小羅漢見

小千大羅漢見大千辟支見百佛世界菩薩見百千佛界如采見微塵國土非獨果體也阿那律陀不離父母生身而能觀大千猶如掌內則其中一切鳥乎不見蓋塵猶覺淨真極則一夫何理然而事不然哉楞嚴曰通彼業流得循圓通與不圓根曰劫相倍即不可徇於業流以不圓根而疑經之說也誠知眼力如是則下之五根不俟詳論

二頌德

以無所畏心

文四

初勅聽

是人得八百

功德殊勝眼

以是莊嚴妙

其目甚清淨

三頌功

父母所生眼

悉見三千界

內外彌樓山

須彌及鐵圍

并諸餘山林

大海江河水

下至阿鼻獄

上至有頂處

其中諸眾生

一切皆悉見

彌樓此云光明即七金山之一也清淨肉眼有生皆具凡能開佛知見證諸實相則大千一切莫不歷然此其現量也以迹明之人人知見若離前塵本無限礙且日月之高大虛之遠不知其幾千萬里苟無所蔽目能見之而意之所緣其疾俛仰之間并撫四海之外非假賢智凡人能之則六根之用廣大靈通固如是也

四結顯

雖未得天眼

二耳根四

初標德

復次常精進若善男子善女人受持此經若讀若誦若解說若

書寫得千二百耳功德

二叙功二

一惣舉

以是清淨耳聞三千大千世界下至阿鼻地獄上至有頂其中內外種種語言音聲

六湛實相在眼圓照在耳圓通

二別明七

一雜類

象聲馬聲牛聲車聲啼哭聲愁歎聲螺聲鼓聲鐘聲鈴聲笑聲語聲

二六對

男聲女聲童子聲童女聲非法聲苦聲樂聲凡六聲聖人聲喜聲不喜聲

循道合理名法無道無義名非法

三八部

天聲龍聲夜叉聲乾闥婆聲阿脩羅聲迦樓羅聲緊那羅聲摩

睺羅伽聲

四三災

火聲水聲風聲

五三惡

地獄聲畜生聲餓鬼聲

六二衆

比丘聲比丘尼聲

七四聖

聲聞聲辟支佛聲菩薩聲佛聲

三結勝

以要言之三千大千世界中一切內外所有諸聲雖未得天耳以父母所生清淨常耳皆悉聞知如是分別種種音聲而不壞耳根

信謂應耳時如幽谷大小音聲無不足也不壞耳根

者雖分別種種而耳根於中本相如故無壞無雜此耳之實相也

四重頌

父母所生耳 清淨無濁穢

言父母所生明人人本具不假他求清淨無穢即衆塵不隔

無壞無雜者

二叙功

以此常耳聞

三千世界聲

象馬車牛聲

鍾鈴螺鼓聲

琴瑟笙篴聲

簫笛之音聲

清淨好歌聲

聽之而不著

無數種人聲

聞悉能解了

又聞諸天聲

微妙之歌音

及聞男女聲

童子童女聲

山川峻谷中

迦陵頻伽聲

命命等諸鳥

悉聞其音聲

地獄衆苦痛

種種楚毒聲

餓鬼飢渴逼

求索飲食聲

諸阿脩羅等

居在大海邊

自共言語時

出于大音聲

如是說法者

安住於此間

遙聞是衆聲

而不壞耳根

十方世界中

禽獸鳴相呼

共說法之人

於此悉聞之

其諸梵天上

光音及遍淨

乃至有頂天

言語之音聲

法師住於此

悉皆得聞之

一切比丘衆

及諸比丘尼

若讀誦經典

若為他人說

法師住於此

悉皆得聞之

復有諸菩薩

讀誦於經法

若為他人說

撰集解其義

如是諸音聲

悉皆得聞之

諸佛大聖尊

教化衆生者

於諸大衆中

演說微妙法

持此法華者

悉皆得聞之

頌雜類六對至二衆四聖七科也聽而不著為與響等故能

清淨也命命即共命

三結勝

三千大千界

內外諸音聲

下至阿鼻獄

上至有頂天

皆聞其音聲

而不壞耳根

其耳聰利故

悉能分別知

持是法華者

雖未得天耳

但用所生耳

功德已如是

三鼻根三

初標德

復次常精進者善男子善女人受持是經若讀若誦若解說若

書寫成就八百鼻功德

二叙功三

一惣舉

以是清淨鼻根聞於三千大千世界上下內外種種諸香

清淨言衆塵不隔湛圓故大千俱聞

二別明三

一人間香二

初妙

須曼那華香閣提華香木利華香瞻蔔華香波羅羅華香亦蓮華香青蓮華香白蓮華香華樹香菓樹香梅檀香沉水香多摩羅跋香多伽羅香及千萬種和香若抹若丸若塗香持是經者於此間住悉能分別

須曼那此云善稱意蔭蔔此云黃花小而香波羅羅云薰花多摩羅跋云賢無垢香多伽羅木香也

次鹿

又復別知衆生之香象香馬香牛羊香男香女香童子香童女香及草木叢材香若近若遠所有諸香悉皆得聞分別不錯

二天上香二

初外香

持是經者雖住於此亦聞天上諸天之香波利質多羅拘鞞陀羅樹香及曼陀羅華香摩訶曼陀羅華香曼殊沙華香摩訶曼殊沙華香栴檀沉水種種抹香諸雜華香如是等天和合所

出之香無不聞知

波利質多羅即帝釋負生樹拘鞞陀羅云大遊戲地樹

次身香

又聞諸天身香釋提桓因在勝殿上五欲娛樂嬉戲時香若在妙法堂上為忉利諸天說法時香若在諸園遊戲時香及餘天等男女身香皆悉遙聞如是展轉乃至梵世上至有頂諸天身香亦皆聞之并聞諸天所燒之香

三四聖香

及聲聞香辟支佛香菩薩香諸佛身香亦皆遙聞知其所在

三結勝

雖聞此香然於鼻根不壞不錯若欲分別為他人說憶念不誤不壞不錯言無壞無雜也華嚴鬘鬘香長者善能別知天人龍鬼所有諸香治諸病香斷諸惡香乃至一切菩薩差別地位香悉皆了達得調和香法門表於善惡熏習之法一切通達而調治和融以成萬德法身香也今鼻根功德能知天上人

間諸香乃至菩薩諸佛身香亦表持法華者能通達異習和融衆妙而證萬德法身之香歟

爾時世尊欲重宣此義而說偈言 文四
是人鼻清淨 於此世界中 若香若臭物 種種悉聞知

二別明二 一人間香

須曼那闍提 多摩羅栴檀 沉水及桂香 種種華菓香

及知衆生香 男子女人香 說法者遠住 聞香知所在

大勢轉輪王 小轉輪及子 群臣諸宮人 聞香知所在

身所著珍寶 及地中寶藏 轉輪王寶女 聞香知所在

諸人嚴身具 衣服及瓔珞 種種所涂香 聞香知其身

輪王七寶女寶居一 二天上香

諸天若行坐 遊戲及袖變 持是法華者 聞香悉能知

諸樹華菓實 及蘇油香氣 持經者住此 悉知其所在

三廣明三 一廣人間香

諸山深嶮處 栴檀樹華敷 衆生在中者 聞香皆能知

鐵圍山大海 地中諸衆生 持經者聞香 悉知其所在

阿脩羅男女 及其諸眷屬 闍諍遊戲時 聞香皆能知

曠野嶮隘處 師子象虎狼 野牛水牛等 聞香知所在

若有懷妊者 未辯其男女 無根及非人 聞香悉能知

以聞香力故 知其初懷妊 成就不成就 安樂產福子

以聞香力故 知男女所念 染欲癡恚心 亦知脩善者

地中衆伏藏 金銀諸珍寶 銅器之所盛 聞香悉能知

種種諸瓔珞 無能識其價 聞香知貴賤 出處及所在

二廣天上香

天上諸華等 曼陀曼殊沙 波利質多樹 聞香悉能知

天上諸宮殿 上中下差別 衆寶華莊嚴 聞香悉能知

天園林勝殿 諸觀妙法堂 在中而娛樂 聞香悉能知

所觀遠達曰觀如所謂諸臺樓觀也

諸天若聽法 或受五欲時 來往行坐卧 聞香悉能知

天女所著衣 好華香莊嚴 周旋遊戲時 聞香悉能知

如是展轉上 乃至於梵世 入禪出禪者 聞香悉能知

光音遍淨天 乃至於有頂 初生及退後 聞香悉能知

如是展轉上者自六欲天而上也梵世即初禪光音二禪遍

淨三禪有頂即色界頂也 三廣四聖香

諸比丘眾等 於法常精進 若坐若經行 及讀誦經典

或在林樹下 專精而坐禪 持經者聞香 悉知其所在

菩薩志堅固 坐禪若讀誦 或為人說法 聞香悉能知

在在方世尊 一切所恭敬 愍眾而說法 聞香悉能知

眾生在佛前 聞經皆歡喜 如法而修行 聞香悉能知

比丘無聲聞辟支也在在方謂十方所在 四結頌

雖未得菩薩 無漏法生鼻 而是持經者 先得此鼻相

菩薩離分段身則六根皆依無漏法生故鼻身意皆言無漏

四舌根三

一物標

復次常精進若善男子善女人受持是經若讀若誦若解說若

書寫得千二百舌功德 二別明二 一變味

若好若醜若美不美及諸苦澁物在其舌根皆變成上味如天

甘露無不美者 好醜苦澁皆屬妄塵於此無染得清淨舌

則苦澁美惡皆成法味 二說法二 一能說

若以舌根於大眾中有所演說出深妙聲能入其心皆令歡喜

快樂 二惑致四 一諸天

又諸天子天女釋梵諸天聞是深妙音聲有所演說言論次第

皆悉來聽 二八部

及諸龍龍女夜叉夜叉女乾闥婆乾闥婆女阿脩羅阿脩羅女

迦樓羅迦樓羅女緊那羅緊那羅女摩睺羅伽摩睺羅伽女為

聽法故皆來親近恭敬供養 三五眾

及比丘比丘尼優婆塞優婆塞夷國王王子群臣眷屬小轉輪王

大轉輪王七寶千子內外眷屬乘其宮殿俱來聽法以是菩薩善說法故婆羅門居士國內人民盡其形壽隨侍供養

四輪王生時各有金銀銅鐵之輪現於空中自有七寶曰輪寶象寶馬寶珠寶女寶藏寶寶兵寶又有千子端正勇健

四四聖

又諸聲聞辟支佛菩薩諸佛常樂見之是人所在方面諸佛皆向其處說法悉能受持一切佛法又能出於深妙法音

三重頌

爾時世尊欲重宣此義而說偈言 文二 初頌變味

是人舌根淨 終不受惡味 其有所食噉 悉皆成甘露

好醜苦澁皆為法味 二頌說法 一頌能說

以深淨妙聲 於大眾說法 以諸因緣喻 引導眾生心

聞者皆歡喜 設諸上供養 二頌感致 而共來聽法

諸天龍夜叉 及阿脩羅等 皆以恭敬心

是說法之人 若欲以妙音 遍滿三千界 隨意即能至

大小轉輪王 及千子眷屬 合掌恭敬心 常來聽受法

諸天龍夜叉 羅刹毗舍闍 亦以歡喜心 常樂來供養

梵天王魔王 自在大自在 如是諸天眾 常來至其所

諸佛及弟子 聞其說法音 常念而守護 或時為現身

五身根三 一物標

復次常精進若善男子善女人受持是經若讀若誦若解說若

書寫得八百身功德 二別明二 一瑩淨

得清淨身如淨琉璃眾生意見 於是體中能如琉璃不容纖翳則孰不喜見

二應現三 一生死報應

其身淨故三千大千世界眾生生時死時上下好醜生苦屬惡

處悉於中現 淨言不為情塵染蔽也不以情塵自蔽則當體無所不現

淨言不為情塵染蔽也不以情塵自蔽則當體無所不現

二三界形色

及鐵圍山大鐵圍山彌樓山摩訶彌樓山等諸山及其中衆生悉於中現下至阿鼻地獄上至有頂所有及衆生悉於中現

三四聖體用

若聲聞辟支佛菩薩諸佛說法皆於身中現其色像

楞嚴云浮塵幻化虛妄稱相妙覺明體常自瑩然含吐十方循業發現故得是體者無所不現雖然理則明矣孰能證耶昔者阿難大衆蒙佛開示身心蕩然得無罣碍各各自知心偏十方含容萬有反觀父母所生之身如太虛一塵臣海一漚起滅無從了然不得此其證也

爾時世尊欲重宣此義而說偈言

文三

初頌瑩淨

若持法華者

其身甚清淨

如彼淨琉璃

衆生皆喜見

二頌應現四

又如淨明鏡

悉見諸色像

菩薩於淨身

皆見世所有

唯獨自明了

餘人所不見

常自瑩然含吐十方餘人不見為非已智分

二頌生死報應

三千世界中

一切諸群萌

天人阿脩羅

地獄鬼畜生

如是諸色像

皆於身中現

三頌三界形色

諸天等宮殿

乃至於有頂

鐵圍及彌樓

摩訶彌樓山

諸大海水等

皆於身中現

四頌四聖體用

諸佛及聲聞

佛子菩薩等

若獨若在衆

說法悉皆現

三結頌

雖未得無漏

法性之妙身

以清淨常體

一切於中現

無漏性身離於分段而常體不離分段唯清淨故能現一切

嘗觀毗盧十法界圖見其相而不明其義誦法華身根功德

聞其義而不達其相今以二法合明則妙相深義觸處昭然矣

六意根四

一物標

復次常精進若善男子善女人如來滅後受持是經若讀若誦若解說若書寫得千二百意功德

二別明三

一深達

以是清淨意根乃至聞一偈一句通達無量無邊之義

聞一句而達無量義蓋無量之義不出一句

二圓說

解是義已能演說一句一偈至於一月四月乃至一歲諸所說法隨其義趣皆與實相不相違背若說俗間經書治世語言資生業等皆順正法

或一月一際一歲而演一句偈由意根精了達無量義也九

旬談妙蓋得諸此西天歲分三際謂兩際熱際寒際四月即

一際也證意實相則諸所說法無非實相故不相違背雖說

俗事亦順正法

三知機

三千大千世界共趣衆生心之所行心所動作心所戲論皆悉知之由意清淨故他心通也所行即循常心也動作即感

變心也戲論即分別心也

三結顯

雖未得無漏智慧而其意根清淨如此是人有兩思惟等實重言說皆是佛法無不真實亦是先佛經中所說

為得意根清淨實相與佛同體故

四重頌

爾時世尊欲重宣此義而說偈言

文三

一頌惣標

是人意清淨

明利無濁穢

以此妙意根

知上中下法

上中下即三乘法

二頌別明三

一頌深達

乃至聞一偈

通達無量義

二頌圓說

次第如法說

月四月至歲

即一月四月乃至一歲

三頌知機

是世界內外

一切諸衆生

若天龍及人

夜叉鬼神等

其在六趣中

所念若干種

持法華之報

一切皆悉知

三頌結顯

十方無數佛

百福莊嚴相

為衆生說法

悉聞能受持

思惟無量我

說法亦無量

終始不忘錯

以持法華故

悉知諸法相

隨義識次第

達名字語言

如所知演說

此人有兩說

皆是先佛法

以演此法故

於眾無所畏

頌淨意運用真契實相也

持法華經者 意根淨若斯

雖未得無漏

先有如是相

結顯根勝也

是人持此經 安住希有地

為一切眾生

歡喜而愛敬

能以千萬種

善巧之語言

分別而說法

持法華經故

結顯經勝也此經純談諸法實相開佛知見故於六根功德

一一發明儻能脫去情塵以清淨根照清淨境遂見山林周

匝禽獸嗚呼驥鼻沾唇殊形異意無非實相無非妙法即一

身而圓證徧六處而常彰本不欠虧曾無窒碍經文方便駢

旁開示行人應須克擴悟入也

三精持廣利

妙法蓮華經常不輕菩薩品第二十

常不輕者釋迦前身威音王時精持妙法廣施利導之迹也

以佛性義遍記四眾於善則狂逢悲不怒一切見敬故号不

輕不專讀誦以持無相經確以心罵辱以持無我行無相無我

所謂精持也於萬億歲廣說此經化萬億眾令住正道使上

慢者信伏隨從使畢罪者還得正道果所謂廣利也蓋前之持

經其五種功雖圓而未精前之蒙利復六千德雖勝而未廣

以有人法之緣影存焉必並製造於無相無我之妙其於讀

誦不知所專不知所忘其於四眾不知所敬不知所慢使妙

行遍彰億眾自化敬慢之心罪福之迹凡所謂人法緣影者

皆溜然於正遍正等之域然必以為精廣茲實持經之盡道也

故勸持之文終於此品文五 初牒前持毀

爾時佛告得大勢菩薩摩訶薩以今當知若比丘比丘尼優婆

塞優婆夷持法華經者若有惡口罵詈誹謗獲大罪報如前所

說其所得功德如向所說眼耳鼻舌身意清淨

誦毀之罪如喻品末與法師品說聞持之福如法師功德品說將顯精持先舉此者所以敬言眾使知持毀之報不謬而深信精持廣利也得大勢即大劫力至也

二精持遠因六 一阿師之佛

得大勢乃往古昔過無量無邊不可思議阿僧祇劫有佛名威音王如來應供正遍知明行足善逝世間解無上士調御丈夫天人師佛世尊劫名難衰國名上八成

繇歷往古事千億佛無相無心精持廣利非具法力大勢難勝其任故告得大勢菩薩也威音王者以大音聲普遍世界為諸法王說法無畏也故不取姓既得其道即能於眾說法心無所畏劫名離衰謂世道交興國名大成言正化無缺

兵威音王佛於彼世中為天人阿門脩羅說法為求聲聞者說應四諦法度生老病死究竟涅槃名求辟支佛者說應十二因緣法為諸菩薩因阿耨多羅三藐三菩提說應六波羅密法究竟

佛慧

此叙威音亦說三乘也一曰阿耨菩提者曰無上道為說六度使由是而趣證菩提究竟佛慧

得大勢是威音王佛壽四十萬劫那由他恒河沙劫正法住世劫數如一閻浮提微塵像法住世劫數如四天下微塵其佛饒益眾生已然後滅度正法像法滅盡之後於此國土復有佛出亦号威音王如來應供正遍知明行足善逝世間解無上士調御丈夫天人師佛世尊如是次劫有二萬億佛皆同一号

亦如初後燈明二萬皆同一号為道同故所叙多佛明釋迦往回之曠遠也 二發迹之時

最初威音王如來既已滅度正法滅後於像法中增上慢比丘有大勢力爾時有一菩薩比丘名常不輕

三釋名彰行四 一平等行

得大勢以何曰緣名常不輕是比丘凡有所見若比丘比丘尼優婆塞優婆夷皆悉禮拜讚歎而作是言我深敬汝等不敢輕

慢所以者何汝等皆行菩薩道當得作佛

此以佛性義遍記四眾也四眾客行不等而不輕以佛性等之故皆悉禮拜深敬以謂皆行菩薩道皆當作佛蓋眾生佛性本自圓成世間業行皆順正法凡能觀一切行皆菩薩道知一切人皆當作佛夫何輕慢之有

二無相行

而是比丘不專讀誦經典但行禮懺拜乃至遠見四眾亦復故往禮拜讚歎而作是言我不敢輕於汝等汝等皆當作佛

此持無相經行無相行也

三無我行

四眾之中有生瞋恚心不淨者惡口罵詈言是無智比丘從何所來自言我不輕汝而與我等授記當得作佛我等不用如是虛妄授記如此經歷多年常被罵詈不生瞋恚常作是言汝當作佛說是語時眾人或以杖木瓦石而打擲之避走遠住猶高聲唱言我不敢輕於汝等汝等皆當作佛

歷年罵詈不生瞋恚是真無我也眾生癡迷不能自信故以

記為妄授菩薩大悲不捨救度故避走之際猶切示之

四雙結名行

以其常作是語故增上慢比丘比丘尼優婆塞優婆夷号之為

常不輕

四聞持

是比丘臨欲終時於虛空中具聞威音王佛先所說法華經二十千萬億偈悉能受持即得如上一眼根清淨耳鼻舌身意根清淨得是六根清淨已更增壽命二百萬億那由他歲廣為人說是法華經

始則不專讀誦而終能聞持多偈增億萬壽廣

為人說者由其無相無我緣影俱亡故神智真明慧命不天而冥契若此也威音雖滅法音不滅故先所說經可以具聞然於空中聞者示使忘能所絕影像然後能具此法故得二十千萬億偈也以能所忘影像絕故即得六根清淨功德也前舉六根功德方明所證之法今舉不輕乃示能證之人

五利導

於時增上慢四眾比丘比丘尼優婆塞優婆夷輕賤是人為作
不輕名者見其得大神通力樂說辯力大善窅力聞其所說皆
信伏隨從是菩薩復化千萬億眾令住阿耨多羅三藐三菩提
四眾見聞信伏隨從所謂妙行遍彰億眾自化也大神通力
即具聞益壽是也樂說辯力即億歲廣說是也大善窅力即
六根清淨真常功德是也

六積德

命終之後得值二千億佛皆号日月燈明於其法中說是法華
經以是因緣復值二千億佛同号雲首在燈王於此諸佛法中
受持讀誦為諸四眾說此經典故得是常眼清淨耳鼻舌身意
諸根清淨於四眾中說法心無所畏得大勢是常不輕菩薩摩
訶薩供養如是若干諸佛恭敬尊重讚歎種種善根於後復值
千萬億佛亦於諸佛法中說是經典功德成就當得作佛
引威音王日月燈雲自在意明不輕積德致道宣布法華源
流之遠也要使說是經則如威音王得大無畏明是道則如

日月燈相繼無窮亦是利則如雲自在潤覆無極九精持廣
三期造乎此

三顯示今緣二

一不輕

得大勢於意云何爾時常不輕菩薩豈異人乎則我身是若我
於宿世不受持讀誦此經為他人說者不能疾得阿耨多羅三
藐三菩提我於先佛所受持讀誦此經為人說故疾得阿耨多
羅三藐三菩提

此明精持成已之道以致今日其道愈光

得大勢彼時四眾比丘比丘尼優婆塞優婆夷以瞋恚意輕賤
我故二百億劫常不值佛不聞法不見僧于劫於阿鼻地獄受
大苦惱畢是罪已復遇常不輕菩薩教化阿耨多羅三藐三菩
提

二眾會

此明廣利成人之德雖歷惡緣其利不失
得大勢於汝意云何爾時四眾常輕是菩薩者豈異人乎令此
會中跋陀婆羅等五百菩薩師子月等五百比丘比丘尼佛等五
百優婆塞皆於阿耨多羅三藐三菩提不退轉者是

此文漏闕句義不分合依正法華云師子月等五百比丘比丘尼又加優婆夷乃成四眾正法華云五百清信士五百清信女

得大勢當知是法華經大饒益諸菩薩摩訶薩能令至於阿耨多羅三藐三菩提是故諸菩薩摩訶薩於如來滅後常應受持讀誦解說書寫是經

結顯廣利勸令精持也

五重頌

爾時世尊欲重宣此義而說偈言 文三 一頌精持遠因

過去有佛 號威音王 神智無量 將導一切 天人龍神

所共供養 是佛滅後 法歎盡時 有一菩薩 名常不輕

時諸四眾 計著於法 不輕菩薩 往到其所 而語之言

我不輕汝 汝等行道 皆當作佛 諸人聞已 輕毀罵詈

不輕菩薩 能忍受之 其罪畢已 臨命終時 得聞此經

六根清淨 神通力故 增長壽命 復為諸人 廣說是經

諸著法眾 皆蒙菩薩 教化成就 今住佛道 不輕命終 頂無數佛 說是經故 得無量福 漸具功德 疾成佛道

將導者後曰將前曰導言威音以神智妙力前後導達群生

使趨於道也計著於法謂拘墟束教迷佛性義也其罪畢已

等者謂慢眾畢是罪已復遇不輕臨終聞經而教化成就也

不輕命終值無數佛即日月燈雲自在等 二頌顯示今緣

彼時不輕 則我身是 時四部眾 著法之者 聞不輕言

汝當作佛 以是因緣 值無數佛 此會菩薩 五百之眾

并及四部 清信士女 今於我前 聽法者是

三頌結顯勸持

我於前世 勸是諸人 聽受斯經 第一之法 開示教人

令住涅槃 世世受持 如是經典 結顯廣利也令住涅槃謂令得真常道果也

億億萬劫 至不可議 時乃得聞 是法華經 億億萬劫

至不可議 諸佛世尊 時說是經 是故行者 於佛滅後
聞如是經 勿生疑惑 應當一心 廣說此經 世世值佛
疾成佛道

勸令精持也以億劫乃聞億劫乃說故當生難值想而深信
精持以成就佛道也顯妙勸持文終於此 三流通分八品
自神力品發起囑累品付授其餘六品全體前法示現行境
流通此道名以行契智常然大用之門蓋藥王妙音觀音妙
嚴化迹皆現實相行境以契前智境而終於普賢常行故名
常然大用文八 初發起流通

妙法蓮華經如來神力品第二十一

正宗既終意將傳付利澤萬世是以菩薩伸請如來即現神
力嘉讚經德以發起群心使廣流布故名如來神力品而為
發起流通也文四 一菩薩伸請

爾時千世界微塵等菩薩摩訶薩從地涌出者皆於佛前一心

合掌瞻仰尊顏而白佛言世尊我等於佛滅後世尊分身所在
國土滅度之處當廣說此經所以者何我等亦自欲得是真淨
大法受持讀誦解說書寫而供養之

即涌出品佛所化衆於前顯迹勸持於此伸請流通也廣說
即利他受持即自利

二神力嘉讚二 一神力顯勝六 初現舌放光

爾時世尊於文殊師利等無量百千萬億舊住娑婆世界菩薩
摩訶薩及諸比丘比丘尼優婆塞優婆夷天龍夜叉乾闥婆阿
脩羅迦樓羅緊那羅摩睺羅伽人非人等一切衆前現大神力
出廣長舌上至梵世一切毛孔教於無量無數色光皆悉遍照

十方世界

出廣長舌上至梵世者現辯說之神力也故無量光遍照十
方者現智照之神力也將讚經德先現神力始自出舌放光
以至震動諸天通達佛土終乃結云若以如是神力於億萬

劫說此經德猶不能盡者極顯斯經勝妙也如來神力乃法界體中無作妙用華嚴云幻師之幻法能現種種事脩羅變作身齊等須彌山龍王瞬息雨悅澤遍天下彼具貪嗔癡神力尚如是何况法界慧具足自在力然則舌至梵世光遍十方持法界慧中一微用耳舊住菩薩即在此娑婆下方住者梵世即初禪天

衆寶樹下師子座上諸佛亦復如是出廣長舌放無量光

此釋迦分身諸佛亦以同道助發

釋迦牟尼佛及寶樹下諸佛現神力時滿百千歲然後還攝古相

一 時警效俱共彈指是二音聲遍至十方諸佛世界地皆六種

震動

於數寸之舌現至梵世一會之頃現百千歲又一警效彈指而此聲能遍十方震大地皆顯神力勝妙也 三假彼通力

其中衆生天龍夜叉乾闥婆阿脩羅迦樓羅緊那羅摩睺羅伽人非人等以佛神力故皆見此娑婆世界無量無邊百千萬億衆寶樹下師子座上諸佛及見釋迦牟尼佛共多寶如來在寶塔中坐師子座又見無量無邊百千萬億菩薩摩訶薩及諸四衆恭敬圍遶釋迦牟尼佛既見是已皆大歡喜得未曾有

十方異界衆生礙心而能見此娑婆佛事乃因佛神力假彼通力蓋顯勝妙也 四諸天歸依

即時諸天於虛空中高聲唱言過此無量無邊百千萬億阿僧祇世界有國名娑婆是中有佛名釋迦牟尼今為諸菩薩摩訶薩說大乘經名妙法蓮華教菩薩法佛所護念汝等當深心隨喜亦當禮拜供養釋迦牟尼佛彼諸衆生聞虛空中聲已合掌向娑婆世界作如是言南無釋迦牟尼佛南無釋迦牟尼佛以種種華香瓔珞幡蓋及諸嚴身之具珍寶妙物皆共遙散娑婆世界 此皆神力或使 五合異達礙

所散諸物從十方來譬如雲集變成寶帳遍覆此間諸佛之上
于時十方世界通達無礙如一佛土

此又神力變現

六結顯經德

爾時佛告上行等菩薩大眾諸佛神力如是無量無邊不可思議
若我以是神力於無量無邊百千萬億阿僧祇劫為囑累故
說此經功德猶不能盡

上行即涌出眾首也舌相之廣身光之遠一警歎一彈指而
能動六震感諸天以至合異達礙則神力可謂至大而不能
說盡經德者如來一切深妙功德盡萃此經不可勝窮故也

二嘉讚秘妙

以要言之如來一切所有之法如來一切自在神力如來一切
秘要之藏如來一切甚深之事皆於此經宣示顯說

所有之法即道場所得者自在神力即稱性示現者秘要之
藏即法之不可示者甚深之事即心之不可傳者皆於此經

盡之所以功莫盡說也

三正發流通

是故汝等於如來滅後應一心受持讀誦解說書寫如說修行
所在國土若有受持讀誦解說書寫如說修行若經卷所住之
處若於園中若於林中若於樹下若於僧坊若白衣舍若在殿
堂若山谷曠野是中皆應起塔供養所以者何當知是處即是
道場諸佛於此得阿耨多羅三藐三菩提諸佛於此轉于法輪
諸佛於此而般涅槃

當知是處已下明諸佛脩證始終不離此法故所在之處皆

應欽奉

四重頌

爾時世尊欲重宣此義而說偈言 文三 初頌神力顯勝

諸佛救世者 住於大神通 為悅眾生成 現無量神力

舌相至梵天 身放無數光 為求佛道者 現此希有事

諸佛警歎聲 及彈指之聲 周聞十方國 地皆六種動

頌現舌放光現聲震動

以佛滅度後 能持是經故 諸佛皆歡喜 現無量劫力
囑累是經故 讚美受持者 於無量劫中 猶故不能盡
是人之功德 無邊無有窮 如十方虛空 不可得邊際

頌結顯經德

二頌嘉讚祕妙

能持是經者 則為已見我 亦見多寶佛 及諸分身者

又見我今日 教化諸菩薩

成佛之道分身之理教化之法皆不離此

三頌正發流通

能持是經者 令我及分身 滅度多寶佛 一切皆歡喜

十方現在佛 并過去未來 亦見亦供養 亦今得歡喜

道得其傳稱佛心故

諸佛坐道場 所得祕要法 能持是經者 不久亦當得

能持是經者 於諸法之義 名字及言詞 樂說無窮盡

如風於空中 一切無障礙

能持是經則一切徹了左右逢原復何障礙

於如來滅後 知佛所說經 因緣及次第 隨義如寶說
如日月光明 能除諸幽暝 斯人行世間 能滅衆生暗
教無量菩薩 畢竟住一乘

上皆讚發流通之德也下結勸

是故有智者 聞此功德利 於我滅度後 應受持斯經

是人於佛道 決定無有疑 二付授流通

妙法蓮華經囑累品第二十二

以言托之曰囑以法系之曰累欲使傳續妙法利達無窮故
曰囑累而為付授流通也然法會未終遽說囑累者此經以
智立體以行成德前之開佛知見明一大事立體之法既備
故說囑累以明佛佛授手之要止此而已後之以行成德者
唯體前法推而行之更無別法既無別法則於此囑累宜矣
華嚴有三十九品敷列修進至等覺位終如來出現品纔三
十七遂即囑累流通而後說普賢常行及善財南遊二品亦

以前法既備後唯躡前以成行德更無別法故也又前彰智境所以簡情顯解後示行境欲其解終趨行故於此辯焉所謂行境者無復簡顯無復情解唯全體運用之而已觀曰若不洞明前解無以躡成後行又須忘絕前解然後能入行境是故行由解成行起解絕則後之行境非言所及非解所到非囑累所能相授矣學者當進乎此闡那及多後翻此經移囑累置卷末失華嚴之旨矣文六

初世尊囑累

爾時釋迦牟尼佛從法座起現大神力以右手摩無量菩薩摩訶薩頂而作是言我於無量百千萬億阿僧祇劫脩習是難得阿耨多羅三藐三菩提法今以付囑汝等汝等應當一心流布此法廣令增益如是三摩諸菩薩摩訶薩頂而作是言我於無量百千萬億阿僧祇劫脩習是難得阿耨多羅三藐三菩提法今以付囑汝等汝等當受持讀誦廣宣此法令一切衆生普得聞知

拜三摩頂示諄勤也首楞嚴等諸秘密教謂之佛頂

表無上法諸佛授記付囑皆摩其頂表授無上法也無量菩薩即從地涌出者

二示流通行

所以者何如來有大慈悲無諸慳恡亦無所畏能與衆生佛之智慧如來智慧自然智慧如來是一切衆生之大施主汝等亦應隨學如來之法勿生慳恡

所以令其廣宣此法者使學

如來三行與諸衆生施大法利也一大慈悲行平等滋濟二

無慳吝行竭內外財三無所畏行不憚煩難如是乃能與諸

衆生三種智慧佛智離二乘見如來智離菩薩見自然智離

諸證取不由他悟通唯一乘實智也但隨德用異稱耳

於未來世若有善男子善女人信如來智慧者當為演說此法

華經使得聞知為令其人得佛慧故若有衆生不信受者當於

如來餘深妙法中示教利喜

信如來智慧誦能信種智趣

向一乘者當為說是經令得佛慧而不滯二乘也餘深妙法

指權漸教也亦曰深妙者是法皆為一佛乘故

三結勸

汝等若能如是則為已報諸佛之恩

乃所謂將此深心奉塵刹也

四時眾稟命

時諸菩薩摩訶薩聞佛作是說已皆大歡喜遍滿其身益加恭敬曲躬低頭合掌向佛俱發聲言如世尊勅當具奉行唯然世尊願不有慮諸菩薩摩訶薩眾如是三反俱發聲言如世尊勅當具奉行唯然世尊願不有慮

佛三囑以示勤眾三反以示敬

五遣化留塔

爾時釋迦牟尼佛令十方來諸分身佛各還本土而作是言諸佛各隨所安多宝佛塔还可如故

令分身各還者示法得其傳化身遂隱留宝塔如故者以後

說未周尚須圓證

六眾得法喜

說是語時十方無量分身諸佛坐宝樹下師子座上者及多寶佛并上行等無邊阿僧祇菩薩大眾舍利弗等声聞四眾及一切世間天人阿脩羅等聞佛所說皆大歡喜

一喜遣化達隱顯之道二喜留塔得復聞之法三苦行流通

妙法蓮華經藥王菩薩本事品第二十三

藥王言為喜見菩薩精苦為法燒身然臂其於釋迦法中受

持是經一切天人無如之者今示其本因使人致慕共尊此

道故名藥王本事而為苦行流通即宿王請問難行苦行是

也竊觀此經以智立體以行成德前之智境所以遣情顯解

後之行境欲其解終趨行如藥王之燒身妙音之隨應觀音

之普門妙嚴之轉邪普賢之勸發皆示實相行境使人忘情

絕解隨行悟入故說是藥王品時八萬菩薩得解一切語言

則以苦行成圓通之德也說妙音品時華德菩薩得法華三

昧則以妙行成實相之德也說普門品時八萬之眾發無等

等心則以圓行成最上之德也及說陀羅尼品則六萬八千

人得無生法忍說莊嚴王品則八萬四千人得法眼淨此又

以神力正力助成德行乃至說勸發品時妙數菩薩得旋陀

尼

羅尼塵數菩薩具普賢道則以常行成不德之德也夫能底此則法華妙行至矣盡矣故終會焉然始於苦行終於常行者將欲以行成德非精心苦志無以深造故必精苦而後造妙造妙而後能圓能圓而後真契普賢常行亦教之序也文十二
初宿王發問

爾時宿王華菩薩白佛言世尊藥王菩薩云何遊於娑婆世界世尊是藥王菩薩有若干百千萬億那由他難行苦行善哉世尊願少解說諸天龍神夜叉乾闥婆阿脩羅迦樓羅緊那羅摩睺羅伽人非人等又他國土諸來菩薩及此聲聞眾聞皆歡喜此品因宿王華發起者為明宿世弘經自在之因

二佛示往因三

一所師之佛

爾時佛告宿王華菩薩乃往過去無量恒河沙劫有佛号日月淨明德如來應供正遍知明行足善逝世間解無上士調御丈夫天人師佛世尊

智慧真光幽明並燭不為物累故号日月淨明德

其佛有八十億大菩薩摩訶薩七十二恒河沙大聲聞眾

眷屬法侶三乘體具

佛壽四萬二千劫菩薩壽命亦等彼國無有女人地獄餓鬼畜

生阿脩羅等及以諸難

女有五障及四趣皆難報

地平如掌琉璃所成寶樹莊嚴寶帳覆上承寶華幡寶瓶香爐周遍國界七寶為臺一樹一臺其樹去臺盡一箭道此諸寶樹

皆有菩薩聲聞而坐其下諸寶臺上各有百億諸天作天伎樂歌歎於佛以為供養 樹去臺一箭道言其蔭廣也

爾時彼佛為一切眾生喜見菩薩及眾菩薩諸聲聞眾說法甚

經 藥王尊經自此始

二因經得道

是一切眾生喜見菩薩樂習苦行於日月淨明德佛法中精造經行一心求佛滿萬二千歲已得現一切色身三昧
精進一心滿萬二千歲而後得現一切色身者一切色身不

離根塵中現所言滿萬二千歲即依根塵十二處圓融乎照
至於功行滿足之時也圓融乎照得其實相則知根根塵塵
一切色法咸一實相所現由是以一實相融一切根塵於一
根塵現一切色法交徹攝攝重重無盡是名滿萬二千歲得
現一切色身三昧此即深證實相行境也華嚴多舉過量劫
數直明以無限智慧修如是行曾無限量之心此經過量之
數允皆如之 三苦行尊奉三 一神力供養

得此三昧已心大歡喜即作念言我得現一切色身三昧皆是
得聞法華經力我今當供養日月淨明德佛及法華經即時入
是三昧於虛空中兩曼陀羅華摩訶曼陀羅華細末堅黑栴檀
滿虛空中如雲而下又兩海此岸栴檀之香此香六銖價直娑
婆世界以供養佛 此三昧香非人間比所以六銖價直娑
婆也二十四銖為一兩六銖言少分耳 二然身供養
作是供養已從三昧起而自念言我雖以神力供養於佛不知

以身供養即服諸香 檀香 陸地樓婆畢力迦沉水膠香又飲
瞻蔔諸華香油滿千二百歲已香油塗身於日月淨明德佛前
以天寶衣而自纏身灌諸香油以神通力願而自然身光明遍
照八十億恒河沙世界其中諸佛同時讚言善哉善哉善男子
是真精進是名真法供養如來若以華香瓔珞燒香抹香塗香
天繒幡蓋及海此岸栴檀之香如是等種種諸物供養所不能
及假使國城妻子布施亦所不及善男子是名第一之施於諸
施中最尊最上以法供養諸如來故作是語已而各默然
神力所化不過外財財不及法故復然身作法供養薰陸乳
香也兜樓婆草香畢力迦丁香膠香松香也即服諸香又飲
花油滿千二百歲表以妙德妙行淨治根塵也香油外塗表
內外俱淨也寶衣纏身灌諸香油以神力然身光明遍照等
表被忍辱衣資妙行力以智慧火燦滅幻緣顯發真光焰明
法界此皆顯示法力行境所以諸佛讚言是真精進真法供

養也彼華香繒幡之勝特外物耳國城妻子之重特愛緣耳
非法供養故皆不及夫為法不顧其身非特佛氏也至人得
道皆能外形骸忘死生或喪之若遺土或喜之如决疣若揚
雄不羨久生孔聖甘於夕死凡以達本知常恃有不亡者存
而蘄脫乎塵垢患累故也而大聖又能固之以悲願濟之以
神力故燒身然臂曾無憂吝世俗或駭其所為在至人觀之
與遺土决疣一而已亦以妙覺圓照離於身見得蘊空故乃
能如是若識見未亡諸蘊違礙不達法行空慕其迹是徒增
業苦為妄作之凶矣十住斷結經云過去有女名提謂孤寡
多難或告之曰今身之厄由前世之罪欲滅前罪莫若捨身
有道人辯才曰先身罪業隨逐精神不與身合徒自燒身但
於苦惱欲求善報故律制燒身然指悉皆得罪而大乘或聽
許者以大乘之人法行備故非妄作故
身火然千二百歲過是以後其身乃盡
直使六根六

一切洞徹故千一百歲其身乃盡

三後身供養四一生處

一切眾生喜見菩薩作如是法供養已命終之後復生日月淨
明德佛國中於淨德王家結加趺坐忽然化生

三昧功成不為身累生死去來猶如夜旦

即為其父而說偈言

大王今當知

我經行彼處

即時得一切

現諸身三昧

勤行大精進

捨所愛之身

供養於世尊

為求無上慧

叙前緣也

說是偈已而白父言日月淨明德佛今故現在我先供養佛已
得解一切眾生語言陀羅尼復聞是法華經八百千萬億那由

他甄迦羅頻婆羅阿閼婆等偈大王我今當還供養此佛

先供佛已謂然身之後也於然身之後得陀羅尼及聞萬億

偈乃依法性身而得依法性土而聞也由依性土面聞故有

八百萬億等偈蓋亦稱性而說也初聞經之後得現身三昧

者由證得法身故應物現形無非妙體也然身之後得語言
惣持者由離諸相見故圓通衆音無非真說也體無非妙則
森羅萬像皆一切色身說無非真則雀噪鷓鳴皆語言三昧
非深證行境超情離見者何以與此甄迦羅等即俱舍論六
十大數中第十六十八二十之數
二拜觀
白已即坐七寶之臺上昇虛空高七多羅樹往到佛所頭面禮
足合十指爪以偈讚佛
容顏甚奇妙 光明照十方 我適曾供養 今復還親近

叙往昔然身之緣也

爾時一切衆生喜見菩薩說是偈已而白佛言世尊世尊猶故
在世 師資道合知其將化故發此問

爾時日月淨明德佛告一切衆生喜見菩薩善男子我涅槃時
到滅盡時至汝可安施床座我於今夜當般涅槃又勅一切衆
生喜見菩薩善男子我以佛法囑累於汝及諸菩薩大弟子并

阿耨多羅三藐三菩提法亦以三千大千七寶世界諸寶樹寶
臺及給侍諸天悉付於汝 佛法通指三乘菩提法別指大

乘菩薩弟子言法衆三千寶界言化境寶樹給侍言所御

我滅度後所有舍利亦付囑汝當令流布廣設供養應起若干
千塔如是日月淨明德佛勅一切衆生喜見菩薩已於夜後分
入於涅槃 勅以舍利起塔者戒定餘勲欲露無際故也若

干者不定之數意任其緣力耳 三供涅槃

爾時一切衆生喜見菩薩見佛滅度悲感懊惱戀慕於佛即以
海此岸栴檀為積供養佛身而以燒之火滅已後收取舍利作
八萬四千寶瓶以起八萬四千塔高三世界表刹莊嚴垂諸幡
蓋懸衆寶鈴 現滅不滅聖意所知而悲感戀慕者示與衆

生同一悲仰耳須弥四海剎部居南言海此岸即南岸出美
栴檀積之為積以奉闍維示誠敬也佛說火化之法在已則
顯三昧之力播熏練之功故化火自焚舍利迸透在人則掩

臭腐之穢免螻蟻之食使其魄不滯其神清升而此方以臥
淤膿於荒郊埋腐骸於朽壤為是且以火化為不忍方其穴
地負土全體而坑之為可忍耶二皆出於不得已耳達者觀
之一等歸盡則臥淤埋腐不若火化之愈矣自道觀之沉之
可也露之可也衣薪而棄諸溝中袞文而納諸石擲無不可
者奚足為焚瘞之競

四供舍利

爾時一切衆生喜見菩薩復自念言我雖作是供養心猶未足
我今當更供養舍利便語諸菩薩大弟子及天龍夜叉等一切
大衆汝等當一心念我今供養日月淨明德佛舍利作是語已
即於八萬四千塔前燃百福莊嚴臂七萬二千歲而以供養令
無數求聲聞衆無量阿僧祇人發阿耨多羅三藐三菩提心皆
使得住現一切色身三昧

昔之然身為離相見今復然

辭為除法執故令小乘離諸見執發正道心根境圓融故皆
得住現身三昧也昔之求佛滿萬二千歲今之然辭復七倍

其久者言益以無限智悲行菩薩大行如其智悲有限何足
以化無數無量之人

爾時諸菩薩天人阿脩羅等見其無辭憂惱悲哀而作是言此
一切衆生喜見菩薩是我等師教化我者而今燒辭身不具足
愛見未忘故哀其不足此初心菩薩而已

于時一切衆生喜見菩薩於大衆中立此誓言我捨兩辭必當
得佛金色之身若實不虛令我兩辭還復如故作是誓已自然
還復由斯菩薩福德智慧淳厚所致

辭之於手為辭能役衆相而我無所役則兩辭表我執法執
根本也我孰能生煩惱續諸生死法孰能生所知礙心知見
捨一存一則為二乘故捨兩辭必當得佛還復如故者若果
得佛即無所捨矣此非淺薄所能故稱淳厚

當爾之時三千大千世界六種震動天雨寶華一切人天得未
曾有以非常之事感非常之瑞人天因是得大法利也上

皆叙往因

三結指今緣

佛告宿王華菩薩於汝意云何一切衆生喜見菩薩豈異人乎
今藥王菩薩是也其所捨身布施如是無量百千萬億那由他
數 此結答若干難行苦行之問 四勸瞻法行

宿王華若有發心欲得阿耨多羅三藐三菩提者能然手指乃
至足一拍供養佛塔勝以國城妻子及三千大千國土山林河
池諸珍寶物而供養者 手足之拍譬微細執著能障菩提

故欲得菩提者雖未能頓捨且欲微而損之亦勝有為之福
故曰能然一拍勝諸供養夫聖人言行動必有法非徒教末

代然手足以求福也苟不明此殘形焚穢竟何益耶故藥王
將欲然身且以法行淨治根塵使功行滿足然後以神通力
化火自焚其光能照河沙佛界後人欲瞻其迹如斯可矣
五廣令尊奉

若復有人以七寶滿三千大千世界供養於佛及大菩薩辟支

佛阿羅漢是人所得功德不如受持此法華經乃至一四句偈
其福最多 七寶供養其福有限一偈超悟非限量福

六廣顯勝德十

一深大

宿王華譬如一切川流江河諸水之中海為第一此法華經亦
復如是於諸如來所說經中最高深大如來所說已異於小乘

而此為第一

二最上

又如土山黑山小鉄圍山大鉄圍山及十寶山衆山之中須彌
山為第一此法華經亦復如是於諸經中最高其上

環須彌之外有土山黑山而堅大不及鉄圍大海之內有十
寶山而貴高不及須彌土山黑山譬人乘天乘之經鉄山寶
山譬二乘菩薩乘之經須彌則譬一乘之經故曰最上

三照明

又如衆星之中月天子最為第一此法華經亦復如是於千萬

億種諸經法中最高為照明

諸經設法為破昏冥然微茫漸顯如星之照此經頓悟陰翳俱盡圓融廓徹如月之明

四除暗

又如日天子能除諸暗此經亦復如是能破一切不善之暗

五最尊

又如諸小王中轉輪聖王最為第一此經亦復如是於諸經中

最為其尊

前言最上明部分此言最尊明威德

六統攝

又如帝釋於三十三天中王此經亦復如是諸經中王

三乘之教隨機稱尊不能相攝此經會三歸一為諸經之正

統 七作怙

又如大梵天王一切眾生之父此經亦復如是一切賢聖學無

學及發菩薩心者之父

八乘勝

大梵即娑婆界主父言為之依怙

第一此經亦復如是一切如來所說若菩薩所說若聲聞所說

諸經法中最高為第一有能受持是經典者亦復如是於一切眾

生中亦為第一四果未離凡位而支佛為第一以根利故

眾生未離凡夫而因經為第一以乘勝故

九增進

一切聲聞聲支佛中菩薩為第一此經亦復如是於一切諸經

法中最高為第一前於凡夫推第一此於三乘推第一後於

佛位推第一乃增進顯勝也

十圓顯

如佛為諸法王此經亦復如是諸經中王

總而舉之以圓顯勝德也然顯經勝德只此可盡而必引諸

義者明妙法隨機在處皆勝故也

宿王華此經能救一切眾生者此經能令一切眾生離諸苦惱

此經能大饒益一切眾生充滿其願

二喻明

如清涼池能滿一切諸渴乏者如寒者得火如裸者得衣如貧

人得三知子得母如渡得船如病得醫如暗得燈如貧得寶如

民得王如賈客得海如炬除暗

燈能發明未能除暗

三合顯

此法華經亦復如是能令眾生離一切苦一切病痛能解一切生死之縛

一切皆離

八廣顯勝益五

一書持益

若人得聞此法華經若自書若使人書所得功德以佛智慧籌量多少不得其邊

二供養益

若書是經卷華香瓔珞燒香抹香塗香幡蓋衣服種種之燈酥燈油燈諸香油燈燈燭葡萄油燈須曼那油燈波羅羅油燈婆利師迦油燈那婆摩利油燈供養所得功德亦復無量

蔗葡萄已下皆花名以此熏作香油

三聞品益

宿王華若有人聞是藥王菩薩本事品者亦得無量無邊功德若有女人聞是藥王菩薩本事品能受持者盡是女身後不復受為正因故功德無邊女人能持可盡障漏

四勤修益

若如來滅後後五百歲中若有女人聞是經與如說修行於此

命終即往安樂世界阿彌陀佛大菩薩眾圍遶住處生蓮華中

寶座之上

百歲禪定堅固第三多聞堅固第四福德堅固第五闍諍堅

固即後五百歲也闍諍堅固則善根難得故雖女人可致勝

福此就劣顯勝意無男也

不復為貪欲所惱亦復不為嗔恚愚癡所惱亦復不為憍慢嫉

妬諸垢所惱

貪嗔癡為根本煩惱嬌嫉等垢為隨煩惱既

生安養所依者淨業所會者善人故無垢惱也

得菩薩神通無生法忍得是忍已眼根清淨以是清淨眼根見

七百萬二千億那由他恒河沙等諸佛如來

心法俱寂而能照用名菩薩神通無生法忍心寂根淨故能

見多佛華嚴十地菩薩功圓智滿心鏡交徹能見多百佛至多百千億那由他佛其意同此

是時諸佛遙共讚言善哉善哉善男子汝能於釋迦牟尼佛法中受持讀誦思惟是經為他人說所得福德無量無邊火不能焚水不能漂汝之功德千佛共說不能令盡

非有為福故不能焚漂稱實相德故說不能盡

汝今已能破諸魔賊壞生死軍諸餘怨敵皆悉摧滅

讚其所得法忍妙力也諸魔賊即五陰煩惱等生死軍即無

明六識等賊言侵害軍言攻擊餘怨即隨情對境之惑業以

得是忍故皆悉摧滅

善男子百千諸佛以神通力共守護汝於一切世間天人之中

無如汝者唯除如來其諸聲聞辟支佛乃至菩薩智慧禪定無

有與汝等者

宿王華此菩薩成就如是功德智慧之力

結勤修益也

若有人聞是藥王菩薩本事品能隨喜讚善者是人現世口中

上皆諸佛送讚之言

五隨喜益

常出青蓮華香身毛孔中常出牛頭栴檀之香所得功德如上

所說

一稱經名則蓮華出口一能隨喜則法香在身善種

不七功成自著如上者拍隨喜品

九結顯流布

是故宿王華以此藥王菩薩本事品囑累於汝我滅度後後五

百歲中廣宣流布於閻浮提無令斷絕惡魔魔民諸天龍夜叉

鳩槃荼等得其便也宿王華汝當以神通之力守護是經所以

者何此經則為閻浮提人病之良藥若人有病得聞是經病即

消滅不老不死

真知見力卻癡愛病是為良藥也癡愛病

除則生死緣斷頓證真常何復老死如般若智照能空五蘊

度苦厄無老死是也

十令敬持人
宿王華汝若見有受持是經者應以青蓮華盛滿末香供散其

散已作是念言此人不久必當取草坐於道場破諸魔軍當
吹法螺擊大法鼓度脫一切眾生老病死海是故求佛道者見
有受持是經與人應當如是生恭敬心
散花作念等令生心

如佛想也取草者佛成道時取吉祥草為座 十閻品成行

說是藥王菩薩本事品時八萬四千菩薩得解一切衆生語言
陀羅尼 喜見聞經即得現身三昧及然身之後即得語言

物持為證得法身離諸相見而洞契妙圓故也及其然辭則
聲聞得住現身三昧今說本事則菩薩得解語言惣持者蓋
由悟其然身然辭之事亦能離諸見執洞契妙圓此所謂以
苦行成圓通之德也然皆得三昧又得惣持者現身三昧隨
類分形語言惣持隨類說法二者蓋常相需而皆由妙法所
證故說妙音品時諸菩薩衆亦得是三昧及陀羅尼

十二多寶結讚

多寶如來於寶塔中讚宿王華菩薩言善哉善哉宿王華汝成
就不可思議功德乃能問釋迦牟尼佛如此之事利益無量一
切衆生 非宿會成就聞持自在之德不能發起是利

妙法蓮華經卷第六

妙法蓮華經卷第七

溫陵開元蓮寺比丘

戒環解

四妙行流通

妙音菩薩品第二十四

妙音者深體妙法能以妙音隨應演說而流通是道者也名
雖妙音實彰妙行觀其往昔植因於雲雷音王佛所獻樂奉
鉢斬在妙音說法妙行隨應故報生宿智佛國果能有是神
力今使學者體其妙行而隨應說法闡揚斯道故說妙音品
為妙行流通夫體妙音則不滯言詮能隨應則不局心迹不
滯不局所以為妙行也繼此復有圓行常行而次前苦行說
者將欲以行成德必精心苦志然後造妙造妙然後能圓能
圓然後真契普賢常行已如前解文九 初釋尊光召

爾時釋迦牟尼佛放大人相肉髻光明及放眉間白毫相光遍
照東方百八萬億那由他恒河沙等諸佛世界

開會及召分身但放眉間毫相今召妙音乃兼放肉髻光者
肉髻為無見頂相為最上果光蓋將宣示妙圓之行乃極果
行相故以極果之光召現也佛有九十七種大人相肉髻頂
其一

過是數已有世界名淨光莊嚴其國有佛號淨華宿王智如來
應供正遍知明行足善逝世間解無上士調御丈夫天人師佛
世尊為無量無邊菩薩大衆恭敬圍遶而為說法釋迦牟尼佛
白毫光明遍照其國

華嚴舉菩薩所從來國表所行之行本所事佛表所證之果
淨光莊嚴即依智之行也淨華宿智即依行之智也智行乎
嚴因果合體妙音妙行依此示現

二妙音玄應七

一經家叙德

爾時一切淨光莊嚴國中有一菩薩名曰妙音久已植衆德本
供養親近無量百千萬億諸佛而悉成就甚深智慧

植德供佛成就深智言福慧兩足

得妙幢相三昧法華三昧淨德三昧宿王戲三昧無緣三昧智
印三昧解一切衆生語言三昧集一切功德三昧清淨三昧神
通遊戲三昧慧炬三昧莊嚴王三昧淨光明三昧淨藏三昧不
共三昧日旋三昧得如是等百千萬億恒河沙等諸大三昧

三昧此云正定圓覺云三昧正受者謂正定中受用之法簡
異邪受非謂梵語三昧此云正受也故寶積云三昧及正受
妙幢相者摧邪表正而不住相也法華三昧深入一乘證諸
實相淨德三昧衆德真淨物莫能染宿王戲者本智自在無
所滯著無緣則照而常寂智印叅合萬法解一切語言謂了
皆真說集一切功德謂萬德圓備清淨三昧纖塵不立神通
遊戲變現自在慧炬以能破癡暗莊嚴王以惣攝妙行淨光
明者得妙智明淨藏者得法眼藏不共謂二乘不及日旋則
大千圓照得如是等河沙三昧謂交徹融攝重重無盡皆妙

音所具也由具此故能成妙行流通妙法
二妙音發迹二

一白彼佛

釋迦牟尼佛光照其身即白淨華宿王智佛言世尊我當往詣娑婆世界禮拜親近供養釋迦牟尼佛及見文殊師利法王子菩薩藥王菩薩勇施菩薩宿王華菩薩上行意菩薩莊嚴王菩薩藥上菩薩

此皆靈山法眾

爾時淨華宿王智佛告妙音菩薩汝莫輕彼國生下劣想善男子彼娑婆世界高下不平土石諸山穢惡充滿佛身卑小諸菩薩眾其形亦小而汝身四萬二千由旬我身六百八十萬由旬汝身第一端正百千萬福光明殊妙是故汝往莫輕彼國若佛菩薩及國土生下劣想妙音菩薩白其佛言世尊我今詣娑婆世界皆是如來之力如來神通遊戲如來功德智慧莊嚴娑婆佛身乃隱勝現劣比光嚴勝身在分別心遂生劣想如來正見本絕異同故宿王以彼此異迹為告而妙音以如來

三德而答示無劣想也三德皆稱如來者謂今我所往其力用其神變其在嚴皆假如來之德皆出如實之道則於一切法無不如矣同復勝劣之異哉是以現種種形說種種法而於神通智慧無所損減為如故也

二現此瑞

於是妙音菩薩不起于座身不動搖而入三昧以三昧力於耆闍崛山去法座不遠化作八萬四千眾寶蓮華闍浮檀金為莖白銀為葉金剛為鬚甄叔迦寶以為其臺

將與八萬菩薩俱共發來故先現此瑞甄叔迦此云鸚鵡寶赤如其鬚故

三文殊間瑞

爾時文殊師利法王子見是蓮華而白佛言世尊是何因緣先現此瑞有若干千萬蓮華闍浮檀金為莖白銀為葉金剛為鬚甄叔迦寶以為其臺

此皆行境依智示現故假文殊智體而問

四釋尊垂答

爾時釋迦牟尼佛告文殊師利是妙音菩薩摩訶薩欲從淨華

宿王智佛國與八萬四千菩薩圍遶而來至此娑婆世界供養
親近禮拜於我亦欲供養聽法華經

五文殊願見

文殊師利白佛言世尊是菩薩種何善本修何功德而能有是
大神通力行何三昧願為我等說是三昧名字我等亦欲勤修
行之行此三昧乃能見是菩薩色相大小威儀進止唯願世尊
以神通力彼菩薩未令我得見

請問之辭皆為機發

六多寶為現

爾時釋迦牟尼佛告文殊師利此久滅度多寶如來當為汝等
而現其相時多寶佛告彼菩薩善男子來文殊師利法王子欲
見汝身

文殊願世尊以神通力為現妙音而世尊反命多寶者多寶
以神通願力在處證經欲假其神通願力故也

七妙音來觀

于時妙音菩薩於彼國沒與八萬四千菩薩俱共發來

與八萬四千菩薩俱來者示妙行隨應廣化塵勞也

所經諸國六種震動皆悉兩於七寶蓮華百千天樂不鼓自鳴
蓮華遍雨天樂自鳴表妙行隨處示現妙音離於作意

是菩薩目如廣大青蓮華葉正使和合百千萬月其面貌端正
復過於此身真金色無量百千功德莊嚴威德熾盛光明照耀
諸相具足如那羅延堅固之身

此言其四萬二千由旬之相好也和合猶聚集也肇法師云
那羅延天力士名端正殊妙志力雄猛

入七寶臺上昇虛空去地七多羅樹諸菩薩眾恭敬圍遶而來
詣此娑婆世界耆闍崛山到已下七寶臺以價直百千瓔珞持
至釋迦牟尼佛所頭面禮足奉上瓔珞示以法寶莊嚴法身
而白佛言世尊淨華宿王智佛問訊世尊少病少惱起居輕利
安樂行不四大調和不世事可忍不眾生意度不無多貪欲嗔
恚愚癡嫉妬慳慢不無不孝父母不敬沙門邪見不善心不攝

五情不世尊衆生能降伏諸魔怨不

問示居堪忍事

也貪恚癡慢等皆堪忍難度之事五情言五欲諸魔言五陰久滅度多寶如來在七寶塔中來聽法不又問訊多寶如來安隱少惱堪忍久住不

上皆宿王傳問之辭

世尊我今欲見多寶佛身唯願世尊示我令見
寶塔高遠仗佛求見表尊敬耳佛於囑累品從法座起時已出塔故云多寶佛塔還可如故舊謂二佛至此尚同座而妙音能見釋迦不見多寶徒構疑難

爾時釋迦牟尼佛語多寶佛是妙音菩薩欲得相見時多寶佛告妙音言善哉善哉汝能為供養釋迦牟尼佛及聽法華經并見文殊師利等故來至此

三華德問因

爾時華德菩薩白佛言世尊是妙音菩薩種何善根修何功德有是神力

華德即妙莊嚴王後身欲助揚妙因故發此問

四釋尊答示五叙往因

佛告華德菩薩過去有佛名雲雷音王多陀阿伽度阿羅訶

三佛陀國名現一切世間劫名喜見
佛名雲雷音者一音利潤開覺群動也國名現一切世間若根身器界皆能隨應也劫名依上而立由利潤隨應故時衆喜見

妙音菩薩於萬二千歲以十萬種伎樂供養雲雷音王佛并奉上八萬四千七寶鉢以是因緣果報今生淨華宿王智佛國有是神力

樂宣法音鉢為應器樂獻十萬種伎者示欲廣宣妙法也鉢奉八萬四千者示欲應化塵勞也故今果有妙音隨應之神

二顯今迹

華德於汝意云何爾時雲雷音王佛所妙音菩薩伎樂供養奉上寶器者豈異人乎今此妙音菩薩摩訶薩是
華德是妙音菩薩已曾供養親近無量諸佛久植德本又值恒

三明德本

沙等百千萬億那由他佛 四明應化二 初惣舉

華德汝但見妙音菩薩其身在此而是菩薩現種種身處處為 眾生說是經典 二別明

妙音觀音應化皆能現十界身自天人獄鬼畜脩羅名六凡 聲聞辟支菩薩佛名四聖是為十界文二

初應六凡八 一應天眾 或現梵王身或現帝釋身或現自在天身或現大自在天身或

現天大將軍身或現毗沙門天王身 二應王臣士庶 或現轉輪聖王身或現諸小王身或現長者身或現居士身或

現宰官身或現婆羅門身 三應入道四眾 或現比丘比丘尼優婆塞優婆夷身 四應主婦童真

或現長者居士婦女身或現宰官婦女身或現婆羅門婦女身 五應八部 或現童男童女身

或現天龍夜叉乾闥婆阿脩羅迦樓羅緊那羅摩睺羅伽人 六應惡趣

人等身而說是經 諸有地獄餓鬼畜生及眾難處皆能救濟 諸應皆言現身說經獨於惡趣不言者惡趣方沉幽昏無由

聞經但以神力救濟而已 七應宮禁 乃至於王後宮變為女身而說是經 八牒前廣顯

華德是妙音菩薩能救護娑婆世界諸眾生者是妙音菩薩如 是種種變化現身在此娑婆國土為諸眾生說是經與於神通

變化智慧無所損減是菩薩以若干智慧明照娑婆世界令一 切眾生各得所知於十方恒河沙世界中亦復如是

此有三節初牒在此娑婆救濟二牒神變智照之功三牒此 方如是十方亦是謂廣顯也言種種變化而神智無損者

前所謂得如來三德能一切如故也言智慧明照者方便開 導也各得所知者隨類各解也 二應四聖

若應以聲聞形得度者現聲聞形而為說法應以辟支佛形得

度者現辟支佛形而為說法應以菩薩形得度者現菩薩形而為說法應以佛形得度者即現佛形而為說法如是種種隨所應度而為現形乃至應以滅度而得度者示現滅度 五結答華德妙音菩薩摩訶薩成就大神通智慧之力其事如是

五請問三昧

爾時華德菩薩白佛言世尊是妙音菩薩深種善根世尊是菩薩住何三昧而能如是在所變現度脫眾生 六佛各所問佛告華德菩薩善男子其三昧名現一切色身妙音菩薩住是三昧中能如是饒益無量眾生

如淨摩尼隨方現色妙行流通期至於此

七大根同證

說是妙音菩薩品時與妙音菩薩俱來者八萬四千人皆得現一切色身三昧此娑婆世界無量菩薩亦得是三昧及陀羅尼及解一切語言陀羅尼也諸菩薩皆具體而微者故因說品皆得發明

八妙音還歸

爾時妙音菩薩摩訶薩供養釋迦牟尼佛及多寶佛塔已還歸本土所經諸國六種震動雨寶通華作百千萬億種種伎樂

於彼發來所經亦爾示來往經行不離是道

既到本國與八萬四千菩薩圍遶至淨華宿王智佛所白佛言世尊我到娑婆世界饒益眾生見釋迦牟尼佛及見多寶佛塔禮拜供養又見文殊師利法王子菩薩及見藥王菩薩得勤精進力菩薩勇施菩薩等亦令是八萬四千菩薩得現一切色身三昧 菩薩舉措自他兼利 九聞品成行

說是妙音菩薩來往品時四萬二千天子得無生法忍華德菩薩得法華三昧

無生法忍者證妙法之體法華三昧者得實相之用此所謂

以妙行成實相之德

五圓行流通

妙法蓮華經觀世音菩薩普門品第二十五 單發為聲雜比為音於世間眾苦雜聲齊觀並救號觀世音

妙圓之行自一心出應無不遍號曰普門此繼前品說者妙音現形說法救濟衆難與觀音無異但略而未普妙而未圓觀音不離是行而能觀其音聲隨響而答大千圓應無去來相所謂自在之業普門示現則進於妙音其實二聖一道相為始終耳故後頌觀音之德而兼云妙音是知二聖一道也即妙音之行而演為普門是知相為始終也夫欲體前之法須兼二行從妙而普有始有終然後圓備故繼妙音說普門品為圓行流通文殊於華嚴會終現法化已南應人間說普照法界修多羅門所以圓彰前法體用善財歷百城已到普門國成就阿僧祇法門遂能於諸有中普現其身斯皆以行成德使圓而普也觀彼設法次序名義與此宛同文十

初無盡發問

爾時無盡意菩薩即從座起偏袒右肩合掌向佛而作是言世尊觀世音菩薩以何因緣名觀世音

將顯普門而因無盡意發起者表普門圓行應現無盡也若愚讚云世界無邊塵擾擾衆生無數業茫茫愛河無底浪滔滔是故我名無盡意觀音之行亦若是矣

二佛各名緣二

一惣相

從此至受持名字名十四無畏功德

佛告無盡意菩薩善男子若有無量百千萬億衆生受諸苦惱聞是觀世音菩薩一心稱名觀世音菩薩即時觀其音聲皆得解脫

此於衆苦雜聲齊觀並救也於音言觀者以觀智應物之謂觀即真觀淨觀智慧慈悲是也觀觀之體聞聞之性本無苦樂衆生不能返聞循聲流轉故受諸苦惱觀音不隨聲塵妄起知見故一切解脫而令苦衆生持其名蒙其觀者亦得解脫實真淨慈悲觀力加被故也昔琳法師稱名七日而免難於唐孫敬德誦經千遍而全生於魏即脫諸苦惱之驗也

二別相三

一脫外業五

一脫三災

若有持是觀世音菩薩名者設入大火火不能燒由是菩薩威神力故若為大水所漂稱其名號即得淺處若有百千萬億衆生為求金銀琉璃磑瑪瑙珊瑚琥珀真珠等寶入於大海假使黑風吹其船舫漂隨羅刹鬼國其中若有乃至一人稱觀世音菩薩名者是諸人等皆得解脫羅刹之難以是因緣名觀世音

楞嚴明十四無畏功德一者由我不自觀音以觀觀者令苦衆生觀其音聲即得解脫夫不自觀音以觀觀者即離塵復性之真觀也離塵復性則諸妄自脫故能令苦衆生蒙我真觀即得解脫二者知見旋復則火不能燒三者觀聽旋復則水不能溺蓋見覺屬火聞聽屬水知見旋則離火塵聞聽旋則離水塵幻塵既離真性斯復所以無能燒溺也能旋見聽則煩惱之火貪愛之水皆無能燒溺矣四者滅妄斷殺則鬼不能害皆由離塵復性之觀力加被也昔于相國問黑風漂墮之義於紫玉王呼名諷之公愕然變色玉曰便是黑風漂

墮則凡不能離塵循聲流轉一念漂墮皆如是也

二脫刑戮

若復有人臨當被害稱觀世音菩薩名者彼所執刀杖尋段段壞而得解脫此由菩薩以六根消復同於聲聽之力加之以

同聲聽無復形礙故使刀兵猶割水吹光性無損動

三脫鬼害

若三千大千國土滿中夜叉羅刹欲來惱人聞其稱觀世音菩薩名者是諸惡鬼尚不能以惡眼視之况復加害

此段聞熏精明之力爍諸癡暗故鬼不能視斷滅妄想心無殺害故害不能加

四脫囚繫

設復有人若有罪若無罪粗械枷鎖檢繫其身稱觀世音菩薩名者皆悉斷壞即得解脫

此由音性圓消離諸塵妄之力加之塵妄既離則身相不有故枷鎖自脫

五脫怨賊

若三千大千國土滿中怨賊有一商主將諸商人賫持重寶經
過嶮路其中一人作是唱言諸善男子勿得恐怖汝等應當一
心稱觀世音菩薩名号是菩薩能以無畏施於衆生汝等若稱
名者於此怨賊當得解脫衆商人聞俱發聲言南無觀世音菩
薩稱其名故即得解脫

此由減音圓聞遍生慈力加之蓋音聞兩立則物我成敵滅
音圓聞則內外無待故能遍慈而却敵也

無盡意觀世音菩薩摩訶薩威神之力巍巍如是

結外業也

二脫內業三

一媯

若有衆生多於媯慾常念恭敬觀世音菩薩便得離慾

此由熏聞離塵色所不劫之力加之蓋衆生以欲習合塵故
為色劫一家妙力則欲愛乾枯根境不偶雖有妖色不能劫
動故便得離慾

二恚

若多嗔恚常念恭敬觀世音菩薩便得離嗔

此由根境圓融無能所對之力加之蓋嗔由違情而起對境
而生圓融則無違無對則不嗔矣

三癡

若多愚癡常念恭敬觀世音菩薩便得離癡

此由消塵旋明朗徹無礙之力加之以癡由妄塵所蔽無明
所覆消塵則無蔽朗徹則無覆故能旋復真明永離癡暗也
內業有十而壞滅法身唯媯慾癡為甚故舉三以兼餘上皆
依楞嚴漸說自頌言之三毒水泡元無自性知觀觀者豈不
便離

無盡意觀世音菩薩有如是等大神力多所饒益是故衆生
常應心念

結內業也

三示福應

若有女人設欲求男禮拜供養觀世音菩薩便生福德智慧之
男設欲求女便生端正有相之女宿植德本衆人愛敬無盡意
觀世音菩薩有如是力

融形涉世遍事諸佛為法王子之力加之即生男圓通合界

承順如來受領法門之力加之即生女

若有衆生恭敬禮拜觀世音菩薩福不唐捐是故衆生皆應受持觀世音菩薩名号無盡意若有人受持六十二億恒河沙菩薩名字復盡形供養飲食衣服卧具醫藥於汝意云何是善男子善女人功德多不無盡意言甚多世尊佛言若復有人受持觀世音菩薩名号乃至一時禮拜供養是二人福正等無異於百千萬億劫不可窮盡

此第十四無畏功德也楞嚴云此大千界現住世間有六十二億河沙菩薩脩法垂範方便利生持名供養得無量福而持觀音名其福齊等蓋由觀音得真圓通一多平等彼我無二故也

無盡意受持觀世音菩薩名号得如是無量無邊福德之利

惣結十四無畏之福

三問現形說法

無盡意菩薩白佛言世尊觀世音菩薩云何遊此娑婆世界云

何而為衆生說法方便之力其事云何

四佛各所現

即三十二應也觀音於楞嚴會上自說我昔供養觀音如來授我如幻聞熏聞脩金剛三昧與佛如來同慈力故令我身成三十二應入諸國土始自佛身終至人非人等為三十二皆以無作妙力自在成就文四

一現四聖

佛告無盡意菩薩善男子若有國土衆生應以佛身得度者觀世音菩薩即現佛身而為說法應以辟支佛身得度者即現辟支佛身而為說法應以聲聞身得度者即現聲聞身而為說法但舉三聖者妙音品開菩薩位此則合在佛位應讀為膺當其根而應之也

二現六凡三

一天

應以梵王身得度者即現梵王身而為說法應以帝釋身得度者即現帝釋身而為說法應以自在天身得度者即現自在天身而為說法應以天自在天身得度者即現天自在天身而為說法應以天大將軍身得度者即現天大將軍身而為說法應

以毗沙門身得度者即現毗沙門身而為說法

梵王為初禪天主帝釋為切利天主自在天居欲界頂天自在天居色界頂天大將軍統領鬼神四天王統領世界毗沙門居北方為最尊初二從顯舉以梵釋常隨佛故次四從惣舉謂欲界之惣色界之惣鬼神之惣世界之惣也

二人三

一王臣士庶

應以小王身得度者即現小王身而為說法應以長者身得度者即現長者身而為說法應以宰官身得度者即現宰官身而為說法應以婆羅門身得度者即現婆羅門身而為說法

妙音品先言輪王次言小王乃惣別兼舉此從惣舉合依法華言輪王輪王統四天下小王治一邦國長者族姓推尊居士清節養素宰官判斷邦邑婆羅門術數攝衛

二入道四衆

應以比丘比丘尼優婆塞優婆夷身得度者即現比丘比丘尼

優婆塞優婆夷身而為說法

前二出家持大戒後二在家持五戒

三主婦童真

應以長者居士宰官婆羅門婦女身得度者即現婦女身而為說法應以童男童女身得度者即現童男童女身而為說法

三神

應以天龍夜叉乾闥婆阿脩羅迦樓羅緊那羅摩睺羅伽人非人等身得度者即皆現之而為說法應以執金剛神得度者即現執金剛神而為說法

手執金剛護佛法者六凡止舉天人神三類者舉得度者而已若地獄鬼畜方沉幽昏未應得度則漸滅其苦於頌見之四結所現

無盡意是觀世音菩薩成就如是功德以種種形遊諸國土度脫衆生

五勸興供養

是故汝等應當一心供養觀世音菩薩是觀世音菩薩摩訶薩

於怖畏急難之中能施無畏是故此娑婆世界皆号之為施無畏者

六無盡興供

無盡意菩薩白佛言世尊我今當供養觀世音菩薩即解頸眾寶珠瓔珞價直百千兩金而以與之作是言仁者受此法施瓔寶瓔珞
妙音供養釋迦特奉瓔珞無盡供養觀音亦奉瓔珞皆表法寶莊嚴故曰法施

時觀世音菩薩不肯受之無盡意復白觀世音菩薩言仁者愍我等故受此瓔珞爾時佛告觀世音菩薩當愍此無盡意菩薩及四眾天龍夜叉乾闥婆阿脩羅迦樓羅緊那羅摩睺羅伽人非人等故受是瓔珞即時觀世音菩薩愍諸四眾及於天龍人非人等受其瓔珞分作二分一分奉釋迦牟尼佛一分奉多寶佛塔
普門性中本無施受但為物故施愍物故受也分奉二尊者示為四眾莊嚴福聚也

七惣結

無盡意觀世音菩薩有如是自在神力遊於娑婆世界

結答云何遊此之間

八重頌

爾時無盡意菩薩以偈問曰
世尊妙相具 我今重問彼 佛子何因緣 名為觀世音
文二
初無盡重問 名為觀世音

二釋尊偈答二

一惣叙

其足妙相尊 偈答無盡意 汝聽觀音行 善應諸方所
弘誓深如海 歷劫不思議 侍多千億佛 發大清淨願
我為汝略說 聞名及見身 心念不空過 能滅諸有苦
二別頌八
一頌脫外業五
一頌三災

假使興害意 推落大火坑 念彼觀音力 火坑變成池
或漂流巨海 龍魚諸鬼難 念彼觀音力 波浪不能沒
於水言漂浪則兼風災自此至電雹消散皆頌外業在長行
為十四無畏而頌文事相不同又加傍頌者十四無畏特舉
大略實具一切功德故也 次傍頌險難
或在須彌峰 為人所推墮 念彼觀音力 如日虛空住

或被惡人逐 墮落金剛山 念彼觀音力 不能損一毛

言峻利之極尚不能損况其小難 二頌怨賊

或值怨賊遠 各執刀加害 念彼觀音力 咸即起慈心

三頌刑戮 臨刑欲壽終 念彼觀音力 刀尋段段壞

或遭王難苦 四頌囚繫 念彼觀音力 釋然得解脫

或因禁枷鎖 手足被杻械 念彼觀音力 還著於本人

次傍頌詛毒 詛諸毒藥 所欲害身者 念彼觀音力 五頌鬼害

具正念者橫逆莫加出爾反爾自貽伊戚 時悉不敢害

或遇惡羅刹 毒龍諸鬼等 念彼觀音力 疾走無邊方

次傍頌蛇獸 若惡獸圍遶 利牙爪可怖 念彼觀音力 尋聲自回去

或蛇及蝮蝎 氣毒烟火然 念彼觀音力

信謂咒無所投角兵無所投刃也 次傍頌災變 應時得消散

雲雷鼓掣電 降雹澍大雨 念彼觀音力 應時得消散

雷電調適為常鼓掣為變陰包陽則為凝電陰過陽則為大

雨是皆災變故欲其消散也 二頌脫內業 能救世間苦

衆生被困厄 無量苦逼身 觀音妙智力 三頌現形說法

衆生由無妙智力故為欲恚癡之所困逼 無刹不現身

具足神通力 廣脩智方便 十方諸國土 以漸悉令滅

種種諸惡趣 地獄鬼畜生 生老病死苦 以漸悉令滅

智方便即所謂有慧方便也 雖三惡趣方沉幽昏未應得度

亦與漸滅其苦 四結顯觀智 悲觀及慈觀 常願常瞻仰

真觀清淨觀 廣大智慧觀 悲觀及慈觀 常願常瞻仰

其所以觀音脫苦能施無畏現形度生皆五觀之力故此結

顯也真以息妄淨以治染智以破惑悲以授苦慈以與樂以

是不觀加被群迷故妄染惑苦應念息滅所以常願仰而依

之然性本圓澄因迷起妄感染既生故觀智繁設苟無妄染則真淨不立矣蓋以真息妄等事皆聖人不得已也故楞嚴曰言妄顯諸真妄真同二妄

無垢清淨光 慧日破諸暗 能伏災風火 普明照世間

無垢慧日歎觀智之體伏災普照歎觀智之用伏災言脫苦

普照言現形 六物歎說法

悲體戒雷震 慈意妙大雲 澍甘露法雨 滅除煩惱焰

戒教戒也法身無體以悲為體故教戒所行如雷作動聖人無意以慈為意故利澤之興如雲潤覆

諍訟經官處 怖畏軍陣中 念彼觀音力 眾怨悉退散

此亦傍頌施無畏德 七頌名勸念

妙音觀世音 梵音海潮音 勝彼世間音 是故須常念

念念勿生疑 觀音之行不異妙音由能從妙而普故兼二号以說法不滯

為妙音尋聲救苦為觀音音性無著為梵音應不失時為潮音此所以勝世間音也具是眾德故須常念不間不疑則觀

行智力無不相應矣 八頌德勸歸

觀世音淨聖 於苦惱死厄 能為作依怙 具一切功德

慈眼視眾生 福聚海無量 是故應頂禮

觀聽反入離諸塵妄是謂淨聖乘彼正念後之福力是謂依怙具一切德則隨所求而應之不止十四無畏也慈視眾生

則擇可度而度之不止三十二應也其福聚如海利澤不窮

故應歸命 九持地讚顯

爾時持地菩薩即從座起前白佛言世尊若有眾生聞是觀世音菩薩品自在之業普門示現神通力者當知是人功德不少

持地菩薩昔遇毗舍浮佛教之平持心地則一切皆平是能以妙法內平自心使外患自平不能為害者也故聞此品深

讚其功意顯自在之業普門之行實為心地法門聞持之人

讚其功意顯自在之業普門之行實為心地法門聞持之人

讚其功意顯自在之業普門之行實為心地法門聞持之人

讚其功意顯自在之業普門之行實為心地法門聞持之人

讚其功意顯自在之業普門之行實為心地法門聞持之人

讚其功意顯自在之業普門之行實為心地法門聞持之人

讚其功意顯自在之業普門之行實為心地法門聞持之人

苟能以是平持心地則外患自平不能為害可以於諸怖畏
能施無畏由是自在之業普門之行遂為已有故曰若有聞
者當知是人功德不少觀音之號或曰觀世音或曰觀自在
其行或曰普門或曰圓通者依悲觀慈觀應物之德言之故
號觀世音依真觀淨觀照心之功言之故號觀自在自一心
而出應無不遍則謂之普門自萬物而反照無不融則謂之
圓通其實一而已故或以自在為號或以自在名業以自在
為號言心得自在如心經稱觀自在菩薩是也以自在名業
言行得自在如楞嚴稱無作妙力是也然諸法行無非示使
平持心地故此終以持地讚顯

十闡品成行

佛說是普門品時眾中八萬四千眾皆發無等等阿耨多羅
三藐三菩提心

無等等者無等即物無與等等者俱物為等既物無與等而
能與物為等此如來最上德也觀音體此以成普門行隨類

應化與物為等故聞其風者皆能發如是心此所謂以圓行
成最上之德

六弘護流通

妙法蓮華經陀羅尼品第二十六

前品後妙而圓既備成德然無以守衛恐魔事或作妄沮成
功故二聖二天十神說陀羅尼咒誓以斷辟魔障消除畏患
故名陀羅尼品而為弘護流通也然成德之行既妙而圓烏
有魔事耶楞嚴曰本覺妙明昧為頑空一切魔鬼皆依空昧
明能破暗故一人發真彼皆消殞况彼群邪戀此塵勞恐其
隳裂於三昧時愈來惱亂是為奢摩他中微細魔事故須防
衛茲實流通之助也陀羅尼此云物心持即念慧妙力諸佛密
語有一字多字無字之異能以一字惣無量法持無量義摧
邪立正殄惡生善皆能物而持之之謂也其體名陀羅尼其
用名咒咒祝也以是法而祝之使從所祈也咒或諸佛密語
出於心術妙用真加之功不可得而思議或鬼神王名呼其

王則妓魅竄伏以密語神名不應翻譯故或謂之真言文七
初藥王問福

爾時藥王菩薩即從座起偏袒右肩合掌向佛而白佛言世尊
若善男子善女人有能受持法華經者若讀誦通利若書寫經
卷得幾所福佛告藥王若有善男子善女人供養八百萬億那
由他恒河沙等諸佛於汝意云何其得福寧為多不甚多世
尊佛言若善男子善女人能於是經乃至受持一四句偈讀誦
解義如說脩行功德甚多

藥王即喜見後身苦行持經志存弘護故發起此品然持經
功德前品屢明如法師品此功不過供十萬億佛隨喜品比
功不過施諸外物及得小果而已至此比功則勝供八百萬
億河沙佛者明持行益深獲功益勝也將伸弘護先問得福
者使後世知其持行益深獲功益勝而逝為弘護耳
二藥王說呪

爾時藥王菩薩白佛言世尊我今當與說法者陀羅尼呪以守
護之即說呪曰

安爾一曼爾二摩祢三摩摩祢四百隸五遮梨帝六餘咩詳鳴

餘覆^阿多瑋^八羶輸^十帝九日帝十目多覆十一娑履十二阿瑋

娑履十三桑履十四娑履十五又囊十六阿又囊十七阿耆臚十八羶帝十九餘

履二十陀羅尼二十一阿盧伽娑娑嚩^奈嚩^毗又臚二十二祢刺二十三阿

便哆^嚩餓^邏祢履^刺阿曹哆波^隸輸地遲^慣五^濕究^隸六^牟

究隸七阿羅隸八波羅隸九首迦差初^切天阿三磨三履四佛

馱毗吉利麥帝五達磨波利差^瞞離帝六僧伽涅瞿沙祢七娑

舍婆舍輸地^耳曼哆^邏六^牟曼哆^邏又夜多^耳郵樓^哆八^耳郵樓^哆

橋舍略^來加^反惡又邏^四惡又治多治^罕阿婆盧^罕阿摩若^瞿

那多夜^罕

世尊是陀羅尼神呪六十二億恒河沙等諸佛所說若有侵毀
此法師者則為侵毀是諸佛已

由彼諸佛所授故也次釋尊印讚

時釋迦牟尼佛讚藥王菩薩言善哉善哉藥王汝愍念擁護此法師故說是陀羅尼於諸衆生多所饒益

爾時勇施菩薩白佛言世尊我亦為擁護讀誦受持法華經者說陀羅尼若此法師得是陀羅尼若夜叉若羅刹若富單那若吉蘆着鳩槃荼若餓鬼等伺求其短無能得便即於佛前而說咒曰

座摩訶螺一摩訶座二郁三目四阿五阿六羅七婆八第九六十

涅一隸二第三七四涅五隸六多七婆八第九八十伊一緘二羅三履四握五九六韋七緘八握九十十盲一緘二握三十四盲五緘六握七十八盲九緘十握十一

世尊是陀羅尼神呪恒河沙等諸佛所說亦皆隨喜着有侵毀此法師者則為侵毀是諸佛已

妙音欲請娑婆禮觀釋迦及見藥王勇施當知勇施乃此會上首故特說咒諸佛亦皆隨喜着亦隨喜擁護也富單那熱

病鬼吉蔗起屍鬼鳩槃荼可畏鬼伺窺察也

四毘沙天說咒

爾時毘沙門天王護世者白佛言世尊我亦為愍念衆生擁護

此法師故說是陀羅尼即說咒曰

阿梨一那梨二馱那梨三阿那盧四那履五拘那履六

世尊以是神呪擁護法師我亦自當擁護持是經者令百由旬

內無諸衰患五持國天說咒

爾時持國天王在此會中與千萬億那由他乾闥婆衆恭敬圍遶前詣佛所合掌白佛言世尊我亦以陀羅尼神呪擁護持法華經者即說咒曰

阿伽祢一伽祢二瞿利三軋陀利四梅陀利五摩登耆六常求

利七浮樓莎八頰底九

世尊是陀羅尼神呪四十二億諸佛所說若有侵毀此法師者則為侵毀是諸佛已

毗沙北方天王力護佛法持國東方天王為四方首
六十神說咒

爾時有羅刹女等一名藍婆二名毗藍婆三名曲齒四名華齒
五名黑齒六名多髮七名無厭足八名持瓔珞九名臯帝十名
奪一切衆生精氣是十羅刹女與鬼子母并其子及眷屬俱詣
佛所同聲白佛言世尊我等亦欲擁護讀誦受持法華經者除
其衰患若有伺求法師短者令不得便即於佛前而說咒曰
害人之鬼無甚於羅刹女鬼子母亦擔護持則餘神可知
伊提履一伊提泯二伊提履三阿提履四伊提履五泥履六泥
履七泥履八泥履九泥履十樓醯十一樓醯十二樓醯十三樓醯十四
醯十五多醯十六多醯十七地醯十八醯十九醯二十
寧上我頭上莫惱於法師若夜叉若羅刹若餓鬼若富單那若
吉蔑若毗陀羅若捷馱若白摩勒伽若阿跋摩羅若夜叉吉蔑
若人吉蔑若熱病若一日若二日若三日若四日若至七日若

常熱病若男形若女形若童男形若童女形乃至夢中亦復莫惱

此咒皆鬼神之名毗陀羅等即食精氣為殃害鬼若一日等
皆熱病鬼若男形等皆魑魅類

即於佛前而說偈言

若不順我咒 惱亂說法者 頭破作七分 如阿梨樹枝

如弑父母罪 亦如壓油殃 斗秤欺誑人 調達破僧罪

犯此法師者 當獲如是殃

諸羅刹女說此偈已白佛言世尊我等亦當身自擁護受持讀
誦修行是經者令得安隱離諸衰患消衆毒藥

此偈所以勅咒使嚴警也阿梨樹枝墮地自成七片弑父母

破僧為三逆壓油多殺虫命弄斗躡秤或為雷霆震殺皆重

罪也調達曾於佛會將五百比丘散去為破和合僧

次釋尊印讚

佛告諸羅刹女善哉善哉汝等但能擁護受持法華名者福不

可量何況擁護具足受持供養經卷華香瓔珞末香塗香燒香
幡蓋伎樂燃種種燈酥燈油燈諸香油燈蘇摩那華油燈瞻蔔
華油燈婆師迦華油燈優鉢羅華油燈如是等百千種供養者
臯帝汝等及眷屬應當擁護如是法師 七聞品成行
說是陀羅尼品時六萬八千人得無生法忍

因惣持妙力得忍成行也

七轉邪流通

妙法蓮華經妙莊嚴王本事品第二十七

妙圓之行既獲弘護又說轉邪者弘護所以衛外轉邪所以
正內外衛內正乃可安於妙圓而進於普賢常行故也天台
云昔四比丘結契山林精持妙法以餒乏故一人分衛見王
威仗忽生愛著盡終因是俗念感生為王號妙莊嚴其三友
得道欲救其失以其邪著非愛緣無能感動於是一為端麗
婦二作聰明兒托生設化轉其邪心令歸正覺以致法華會
上為華德菩薩今叙其本事欲使行人以道自衛外防見魔

內絕惡覺消息邪緣入佛知見故為轉邪流通此實諸佛究
竟進修最後垂範也楞嚴法會將終說過去佛覺明分析微
細魔事使行人諳識心垢洗除諸魔褊現直至菩提無諸乏
少於大涅槃不生迷悶其意同此文四

一叙本事二十五

初化導之佛

爾時佛告諸大眾乃往古世過無量無邊不可思議阿僧祇劫
有佛名雲雷音宿王華智多陀阿伽度阿羅訶三藐三佛陀國
名光明莊嚴劫名喜見 二父子之名

彼佛法中有王名妙莊嚴其王夫人名曰淨德有二子一名淨
藏二名淨眼

淨德者雖示染身其德本淨淨藏者妙理之所蘊淨眼者妙
智之所顯皆其德所具也以具妙淨理智故能轉邪而為華

德 三二子之德

是二子有大神力福德智慧久脩菩薩所行之道所謂檀波羅

密尸羅波羅密犀提波羅密毗梨耶波羅密禪波羅密般若波羅密方便波羅密慈悲喜捨乃至三十七品助道法皆悉明了通達

方便非六度之數而通濟六度慈悲喜捨名四無量心大乘行法以四心為體六度為用道品為助乃成佛果而二子皆悉明了通達三十七品者身受心法為四念處斷惡生善為四正勤勤心觀為四神足信進念定慧為五根五根伏魔外為五力念擇覺喜輕安定捨為七覺支見思語業命進念定為八正道也念以觀法勤以進修足以趣證根能不拔力能不屈覺能決了正能物攝皆相因而設也心性如大地念處如種子正勤如種植神足如抽芽五根如根五力如莖七覺如花八正如果二子悉具所謂具體者也

又得菩薩淨三昧日星宿三昧淨光三昧淨色三昧淨照三昧長莊嚴三昧大威德藏三昧於此三昧亦悉通達淨三昧者淨藏淨眼之所本也日星宿表本智別智之照用也淨光能現眾像淨色不為形礙淨照照了萬法長上嚴非素法身大威德藏具大神用

四宿王說經
爾時彼佛欲引導妙莊嚴王及愍念眾生故說是法華經
五二子勸母

時淨藏淨眼二子到其母所合十指爪掌白言願母往詣雲雷音宿王華智佛所我等亦當侍從親近供養禮拜所以者何此佛於一切天人眾中說法華經宜應聽受
六母遣化父
母告子言汝父信受外道深著婆羅門法汝等應往白父與其俱去
七二子生悔

淨藏淨眼合十指爪掌白母我等是法王子而生此邪見家
八淨德再勉

母告子言汝等當息念汝父為現神變若得見者心必清淨或聽我等往至佛所
九二子現變

於是二子念其父故踊在虛空高七多羅樹現種種神變於虛

空中行住坐卧身上出水身下出火身下出火或現
大身滿虛空中而復現小小復現大於空中滅忽然在地入地
如水履水如地現如是等種種神變令其父王心淨信解
得果人能現十八變即此類也
十父發淨信

時父見子神力如是心大歡喜得未曾有合掌向子言汝等師
為是誰誰之弟子二子白言大王彼雲雷音宿王華智佛今在
十寶菩提樹下法座上坐於一切世間天人眾中廣說法華經
是我等師我是弟子父語子言我今亦欲見汝等師可共俱往
十一子喜報母

於是二子從空中下到其母所合掌白母父王今已信解堪任
發阿耨多羅三藐三菩提心
十二子請出家
我等為父已作佛事願母見聽於彼佛所出家脩道爾時二子
欲重宣其意以偈白母
願母放我等 出家作沙門 諸佛甚難值 我等隨佛學

如優曇鉢華

值佛復難是

脫諸難亦難

願聽我出家

十三母即聽許

母即告言聽汝出家所以者何佛難值故
十四勸親親佛
於是二子白父母言善哉父母願時往詣雲雷音宿王華智佛
所親近供養所以者何佛難得值如優曇鉢華又如一眼之
龜值浮木孔而我等宿福深厚生值佛法是故父母當聽我等
令得出家所以者何諸佛難值時亦難遇

阿含云妙高山下海中有一眼之龜一孔之水龜得水孔可
濟沉溺然其水流遠須弥三千年乃一相值且以一眼起一
孔為至難喻佛法難值如此蓋眾生偏見自溺而聖人且不
世出故也
十五叙合宮德

彼時妙莊嚴王後宮八萬四千人皆悉堪任受持是法華經淨
眼菩薩於法華三昧久已通達淨藏菩薩已於無量百千萬億
劫通達離諸惡趣三昧欲令一切眾生離諸惡趣故其王夫人

得諸佛集三昧能知諸佛祕密之藏

此叙合宮有德易為勸化也後宮之德根機純利淨眼之德妙達實相淨藏之德善能接濟夫人之德深知法要主及後宮為當機淨藏淨眼為能教機教相契所以易化也集三昧者諸佛會要三乘指歸也故得是三昧則能知祕藏十六合宮從化

二子如是以方便力善化其父令心信解好樂佛法於是妙莊嚴王與羣臣眷屬俱淨德夫人與後宮采女眷屬俱其王二子與四萬二千人俱一時共詣佛所到已頭面禮足遶佛三匝却住一面

十七佛為說法

爾時彼佛為王說法示教利喜王大歡悅

十八捨愛迴心

爾時妙莊嚴王及其夫人解頸真珠瓔珞價直百千以散佛上十九佛力示現

於虛空中化成四柱寶臺臺中有大寶牀敷百千萬天衣其上

有佛結加趺坐放大光明

所施珠瓔化成法空之座柔忍之衣寶覺之體乃佛力示現以發其正念也

二十邪心頓絕

爾時妙莊嚴王作是念佛身希有端嚴殊特成就第一微妙之色

時王一觀勝相頓覺世間幻惑之色無可愛樂故深讚佛身微妙之色此則邪心拼絕正念現前故得受記

二十一佛與授記

時雲雷音宿王華智佛告四眾言汝等見是妙莊嚴王於我前合掌立不此王於我法中作比丘精勤脩習助佛道法當得作佛號娑羅樹王國名大光劫名大高王其娑羅樹王佛有無量菩薩眾及無量聲聞其國平正功德如是

佛號取廣蔭群生國名取破諸邪暗劫名取超諸貴高皆符其因行以一念淨信風化臣妾使皆得法利即廣蔭行破邪行也由是捨王位得佛位即超諸貴高也

二十二捨國得道

其王即時以國付弟與夫人二子并諸眷屬於佛法中出家脩道王出家已於八萬四千歲常勤精進脩行妙法華經過是已後得一切淨功德莊嚴三昧

於八萬四千歲修法華行所以淨治塵勞也過是已後謂塵勞既淨則三昧現前遂轉邪見染莊嚴為功德淨莊嚴也

二十三感善知識

即昇虛空高七多羅樹而白佛言世尊此我二子已作佛事以神通變化轉我邪心令得安住於佛法中得見世尊此二子者是我善知識為欲發起宿世善根饒益我故來生我家

二子神變即現十八變事宿世善根即四人結契事

二十四宿王印證

爾時雲雷音宿王華智佛告妙莊嚴王言如是如是如汝所言若善男子善女人種善根故世世得善知識其善知識能作佛

事示教利喜令入阿耨多羅三藐三菩提大王當知善知識者是大因緣所謂化導令得見佛發阿耨多羅三藐三菩提心印證前言之當也

大王汝見此二子不此二子已曾供養六十五百千萬億那由他恒河沙諸佛親近恭敬於諸佛所受持法華經愍念邪見眾生令住正見

為陳三子轉邪遠曰也言歷事恒沙多佛愍念邪見眾生則不獨今日轉妙嚴之邪耳 二十五妙嚴讚謝

妙莊嚴王即從虛空中下而白佛言世尊如來甚希有以功德智慧故頂上肉髻光明顯照其眼長廣而紺青色眉間毫相白如珂月齒白齊密常有光明唇色赤好如頻婆果

歷讚相好妙德者深悟昔所愛着皆幻惑也功德智慧讚福智二嚴

爾時妙莊嚴王讚歎佛如是等無量百千萬億功德已於如來

前一心合掌復白佛言世尊未曾有也如來之法具足成就不可思議微妙功德教戒所行安隱快善

前讚福報此讚法化也言具足成就等者以已一聞正法遂能轉邪一得三昧遂能神變是如來之法能具足成就不可思議妙功德也言教戒所行安隱快善者喜蒙法化慶所成就也

我從今日不復自隨心行不生邪見憍慢瞋恚諸惡之心說是語已禮佛而去

不隨心不生邪皆法化教戒之力故讚而謝之二示今緣

佛告大眾於意云何妙莊嚴王豈異人乎今華德菩薩是其淨德夫人今佛前光照莊嚴相菩薩是哀愍妙莊嚴王及諸眷屬故於彼中生其二子者今藥王菩薩藥上菩薩是

三讚二子德

是藥王藥上菩薩成就如此諸大功德已於無量百千萬億諸佛所植眾德本成就不可思議諸善功德若有人識是二菩薩名字者一切世間諸天人民亦應禮拜

四聞品成行

佛說是妙莊嚴王本事品時八萬四千人遠塵離垢於諸法中得法眼淨

塵謂邪見垢謂邪染外遠見塵內離垢染則法眼圓明絕諸瑕翳矣此以正力助成德行也

八常行流通

妙法蓮華經普賢菩薩勸發品第二十八

窮妙法之始終然後盡出興大事合諸佛之智行然後見如來全身是經之作始於文殊問答終於普賢勸發二十八品條理一貫乃所以窮始終合智行大事因緣於是乎畢如來法身於是乎全也蓋智能發覺所以作始行能成德所以成終而中間事法無非智行互相資發也華嚴最初因門以文殊發信以開進修之序最後果門以普賢結法以示果後之

行今經意義溘然同矣普賢者德無不遍曰普佑上利下曰
賢即遍具妙德上佑佛化下利羣物之號也勸發者勉進義
也前雖開佛知見明因地心顯佛本跡成果地覺洎明妙圓
之行猶是等覺行相若坐於此而不進則有虧妙覺成德未
極向上之道故復勉而進之庶德無不遍而佑上利下以成
果後常行以盡妙覺之道故名普賢勸發而為常行流通也
華嚴至十一地佛功德海一切滿足然後說普賢常行各善
入世間三昧與萬法相應不二真實法門即此意也所謂常
行者泯覺觀無作任冥物我同染淨一切平常恬然自在此
妙覺向上之事遮那平道之教乃所謂平實者也然須詳斯
經依佛知見海順流而入滿足一切佛功德海然後逆流而
出乃可蹈此哀今之人望涯逐塊以世俗愚陋之見而擬妙
覺平實之行於諸教門專事呵毀縱脫不修確守無時枉受
輪轉楞嚴所謂譬如平人妄稱帝王自取誅滅可不慎哉使

學佛者皆如逐塊之流呵教執俗棄智絕行直謂無修則妙
法始終復何所明大事自緣亦幾乎息矣然則始於佛之知
見終於普賢常行極而示之存乎教備而證之存乎人達者
宜盡心焉文四 一普賢勸發八 初來儀執軌

爾時普賢菩薩以自在神通力威德名聞與大菩薩無量無邊
不可稱數從東方來

普賢統事法界圓具萬行即事而真其應身無乎不在且於
法會之終示從東方來者東方震帝之所出也以法會至此
因地智圓果地覺滿十一地妙圓之行備則進修之功已盡
妙覺之體已成於是依無功用行出震利物故示從東來華
嚴過十一地說佛海功德既終即說如來出現利世間行即
此意也以不離常行無為應物故曰自在神通以德無不遍
名無不聞故曰威德名聞與無邊菩薩俱來者示萬行圓攝
無盡也

所經諸國普皆震動兩寶蓮華作無量百千萬億種種伎樂

妙音來儀亦兩蓮華作伎樂皆所以彰顯妙行宣流法音也

又與無數諸天龍夜叉乾闥婆阿修羅迦樓羅緊那羅摩睺羅

伽人非人等大眾圍遶各現威德神通之力到娑婆世界耆闍

崛山中頭面禮釋迦牟尼佛右遶七匝 二請問顯法

白佛言世尊我於寶威德上王佛國遙聞此娑婆世界說法華

經與無量無邊百千萬億諸菩薩眾共來聽受唯願世尊當為

說之 寶威德上王者利行自在之號也普賢既具自在威

德又言從寶威德上王佛國來者明其示現蓋體諸佛自在

利行普賢心聞能洞十方故曰遙聞

若善男子善女人於如來滅後云何能得是法華經

得者得之以成德行也前之所問唯修持讀說而已獨此問

云何能得是經欲人人自得也 三示普賢行

佛告普賢菩薩若善男子善女人成就四法於如來滅後當得

是法華經一者為諸佛護念二者植眾德本三者入正定眾四

者發救一切眾生之心善男子善女人如是成就四法於如來

滅後必得是經 為佛護念謂道契佛心植眾德本謂福慧兩辨入正定眾即

體佛妙體也發救生心即行佛妙行也四法成就乃能真得

是經以成普賢常行 四發行流通

爾時普賢菩薩白佛言世尊於後五百歲濁惡世中其有受持

是經典者我當守護除其衰患令得安隱使無伺求得其便者

若魔若魔子若魔女若魔民若為魔所著者若夜叉若羅刹若

鳩槃荼若毗舍闍若吉蔗若富單那若韋陀羅等諸惱人者皆

不得便 普賢常行無復已利純是利他故自此皆則流通法化護持

經人無別行相毗舍闍惱害鬼韋陀羅厭禱鬼 是人若行若立讀誦此經我爾時乘六牙白象王與大菩薩眾

俱詣其所而自現身供養守護安慰其心亦為供養法華經故
是人若坐思惟此經爾時我復乘白象王現其人前其人若於
法華經有所忘失一句一偈我當教之與共讀誦還令通利
普賢乘象表行儀序也言若行若立若坐者示於四威儀
中念念常見普賢妙行

爾時受持讀誦法華經者得見我身甚大歡喜轉復精進以見
我故即得三昧及陀羅尼名為旋陀羅尼百千萬億旋陀羅尼
法音方便陀羅尼得如是等陀羅尼

由此經故真見普賢常行之體於一切法返本還源名旋陀
羅尼既能旋末返本即復旋體入用於一塵一法一切時處
方便利生逆順自在名百千萬億旋陀羅尼此即普賢遍一
切處之行也前旋為轉物所謂旋假入空後旋為應物所謂
旋空入假轉物為體應物為用若未能轉物而遽然應物則
為物所轉矣然則二旋異用而相需也法音方便即隨應說

法之行

五說呪護持

世尊若後世後五百歲濁惡世中比丘比丘尼優婆塞優婆夷
求索者受持者讀誦者書寫者欲修習是法華經於三七日中
應一心精進滿三七日已我當乘六牙白象與無量菩薩而自
圍遶以一切衆生所喜見身現其人前而為說法示教利喜亦
復與其陀羅尼呪得是陀羅尼故無有非人能破壞者亦不為
女人之所惑亂我身亦自常護是人唯願世尊聽我說此陀羅
尼呪即於佛前而說呪曰

利智脩觀凡以三七日為期以求感應故滿三七日普賢即
現楞嚴云縱彼障深未得見我我與其人暗中摩頂擁護安
慰古今修觀屢有瑞應亦屢有不應者或不精誠或非利智
故也楞嚴云欲坐道場先持淨戒淨衣清心若本戒師及同
會中一不清淨如是道場終不成就圓覺云鈍根未成者常
當勤心懺諸障若消滅佛境便現前

阿檀地一賣檀陀婆地二檀陀婆帝三檀陀鳩舍四檀陀修
陀五修陀六修陀羅婆底七佛馱波羶祿八薩婆陀羅尼
阿婆多尼九薩婆婆沙阿婆多尼十修阿婆多尼十一僧伽婆履
又尼十二僧伽涅伽陀尼十三阿僧祇十四僧伽波伽地十五帝十六阿隋
僧伽兜略十七阿羅帝波羅帝十八薩婆僧伽三摩地伽蘭地十九
薩婆達磨修波利帝二十薩婆薩埵樓馱憍舍略阿魏伽地二十一
辛阿毗吉利地帝二十二六自述願力
世尊若有菩薩得聞是陀羅尼者當知普賢神通之力若法華
經行闍浮提有受持者應作此念皆是普賢威神之力
後世聞咒持經皆藉普賢流通願力也 七勸正憶念
若有受持讀誦正憶念解其義趣如說脩行當知是人行普賢
行於無量無邊諸佛所深種善根為諸如來手摩其頭
持經要行在正憶念蓋憶不正則雜想變亂念不正則邪習
汨擾欲成深行難矣故普賢於此特明正憶念行而下文再

三言之憶念既正則所行無非普賢妙行故為如來摩頂印證
但書寫是人命終當生忉利天上是時八萬四千天女作衆
伎樂而來迎之其人即著七寶冠於來女中娛樂快樂何況受
持讀誦正憶念解其義趣如說修行

持經五功書寫為下若但書寫即生忉利況具五功又正憶
念其福倍勝如下所明

若有人受持讀誦解其義趣是人命終為千佛授手令不恐怖
不墮惡趣即往兜率天上彌勒菩薩所彌勒菩薩有三十二相
大菩薩衆所共圍遶有百千萬億天女眷屬而於中生

此牒上文明倍勝之福也忉利乃第二天所共唯天人兜率
即第四天所共乃菩薩倍勝可知矣授手提接義也內宮天
女皆以化生無有媼欲

有如是等功德利益是故智者應當一心自書若使人書受持
讀誦正憶念如說脩行 八惣結流通

世尊我今以神通力故守護是經於如來滅後閻浮提內廣令
流布使不斷絕

二釋尊助揚四

一嘉讚普賢

爾時釋迦牟尼佛讚言善哉善哉普賢汝能護助是經令多所
衆生安樂利益汝已成就不可思議功德深大慈悲從久遠來
發阿耨多羅三藐三菩提意而能作是神通之願守護是經我
當以神通力守護能受持普賢菩薩名者

二助揚正福四

一真證妙利

普賢若有受持讀誦正憶念修習書寫是法華經者當知是人
則見釋迦牟尼佛如從佛口聞此經典當知是人供養釋迦牟
尼佛當知是人佛讚善哉當知是人為釋迦牟尼佛手摩其頭
當知是人為釋迦牟尼佛衣之所覆

此助宣正憶念福以成普賢前說也則見釋迦如從口聞等
者謂能正憶念則即是經而見佛不滯於名相即是法而造
妙不異於親聞也是為供佛謂能作佛事為佛所讚謂深契

佛心摩頂言得果有期衣覆言成柔忍行皆由憶念之正故

真證若此

二自具妙樂

如是之人不復貪著世樂不好外道經書手筆亦復不喜親近
其人及諸惡者若屠兒若畜猪羊鷄狗若獵師若街賣女色是
人心意質直有正憶念有福德力是人不為三毒所惱亦不為
嫉妬我慢邪慢增上慢所惱是人少欲知足能修普賢之行

此皆正憶念力也有正憶念自然具足安樂行法而三毒妬
慢所不能惱真能脩普賢行當知正憶念力實妙行真要所
以普賢再三言之釋尊又復助揚意使後世知普賢所以勸
發成行不在多術唯正憶念足矣行人識之

三當成妙果
普賢若如來滅後後五百歲若有人見受持讀誦法華經者應
作是念此人不久當詣道場破諸魔衆得阿耨多羅三藐三菩提
轉法輪擊法鼓吹法螺兩法兩當坐天人大衆中師子法座上
已得正因故

四得清淨生

普賢若於後世受持讀誦是經典者是人不得貪著衣服卧具飲食資生之物所願不虛亦於現世得其福報

憶念既正趣操自高所願自遂

三明讚毀業

若有人輕毀之言汝狂人耳空作是行終無所獲如是罪報當世世無眼若有供養讚歎之者當於今世得現果報若復見受持是經者出其過惡若實若不實此人現世得白癩病若輕笑之者當世世牙齒疎缺醜唇平鼻手脚繚戾眼目角疎身體臭穢惡瘡膿血水腹短氣諸惡重病

報應之理出乎性命之微蓋由性生心由命制業心以內感業以外召各從其類毫末不忒意報應之於心業猶萬形之於模範焉吉凶美惡類自為範莫不相肖是以毀持經之正見則世世無眼供養讚歎則得現果報出其過惡則得惡疾輕笑之者則獲醜狀若手脚之繚曲垂戾眼目之角疎倒視皆醜狀也又加之臭惡瘡膿鼓喘重病凡皆心之模範以類

自召故也世之艱窮醜陋瘡殘百疾者不無宿因昧者雖觀其然莫知其所以然故或不覺愆失而行將自及為可悲者此佛所以助揚普賢利行而因言報應之端使人以類推之知自防閑庶無愆失之患蓋亦利行之緒餘也易道彰往察來明得失之報因貳以濟民行其意同此 四結勸崇尚是故普賢若見受持是經典者當起遠迎當如敬佛

毋召毀業也

三聞品成行

說是普賢勸發品時恒河沙等無量無邊菩薩得百千萬億旋陀羅尼三千大千世界微塵等諸菩薩具普賢道

萬億旋陀羅尼即遍一切處之行也普賢道即遍一切處之體也說普賢品無量菩薩皆得是行利應菩薩皆具是體者妙法終談智行體用一切圓備故聞品成行若此其至即所謂以常行成不德之德是乃法華實相之極證也自藥王品進至於此為以行契智常然大用之明華嚴去終善財復見

文殊普賢為以行契智果法大用常然之門其意同此彼經云善財遊百城已到普門國見文殊文殊告言若於一善生住著於少功德以為足不能善巧發行願不能究了諸法門善財因是成就阿僧祇法門即見普賢普賢告言我於塵劫行菩薩道求一切智得究竟平等法身復得無上色身入一切利遍一切處隨機應現善財因是具足普賢諸願行海與普賢等與諸佛等此皆最後勸發使得萬億旋陀羅尼及具普賢道也

四物結法會

佛說是經時普賢等諸菩薩舍利弗等諸聲聞及諸天龍人非人等一切大會皆大歡喜受持佛語作禮而去

妙法蓮華經卷第七

蘇州府知事蘇鑑

信士范輿室毛氏

信人曹道昌

信人朱寧

信人李氏

信人陳道情

信人蔣道能

信人趙衡

信人尤普漢妻袁氏妙圓

妙法蓮華經要解溫陵環師所註深得經中妙旨誦之者心領神會不待講說而自明矣吳為大郡惜未獲見玄墓佳山昂公墓緣鏤板以流布四方勸人講誦同歸大善之域其用心於宗門勤矣是可嘉也

弘治十三年歲在庚申四月望日

賜進士出身文林郎河南道監察御史崑山夏璣拜手謹志

蘇州衛指揮

何坤 張欽

阮瑄 謝表

鎮撫

陳昇 徐昇

同助

義士朱宗遠
信官朱鑑黃維
毛璇
沙清
何政
沈鏗
王昇錢智清

蘇州府都綱道澤

萬壽住山宗泰方淨

勝法住山道銘

虎丘住山宗泐

澄照住山淨戒

卧佛住山法津

定惠住山智廣

北禪住山惠津

開元住山智嚴

瑞光住山覺琮

興教住山文德

東隱住山圓文

靈岩住山大基

積慶住山文昭

半塘住山圓智

寒山住山文習

天平住山文鑑

金山住山正德

何山住持惠璇

利濟住山以仁

玄墓住山德昌

陽山住持定鄂

尊相住山文端

靈巖住山德洽

馬禪住山覺海

南禪住山廣欽

普賢住山福廣

西湖住山世容

玄妙觀道士郭淵靜

鳳林住山德振

高峯住山永淨

普福住山永潭

靈岩住山善霖

定惠住山永深

蓮花住山惠曇

澄照住山德廣

本山比丘德杲

圓海

文隆

善裔

善繼

如訓

祖衍

永祥

正觀

大魯

正懋

惠傑

善人

善人

善人

鈕顯

鈕顯

鈕顯

此經法中寂妙居塵不染故名妙法蓮華
迺諸佛顯實之本一乘圓教之談暢佛本
懷觀機逗教莫過是矣良由衆生迷妄我
慢自高不明萬法之宗全是一心之理故
我世尊入無量義處定嘿而不說於是弥
勒起問文殊決疑唱過去燈明之放光明
今佛釋尊之現瑞欲說妙法敷演大乘且
夫世尊從三昧起受鷲子請知退席之五

千憫貞實於一會妙演三周謾陳七喻令
窮子識自家之寶藏譬高原欲鑿井之逢
源不從他得本來成現當知此法華經藏
深固幽遠無人能到歷代宗師歎如來無
上妙法衆生日用不知或為之註或為之
科或為之句解或為之合論皆明至理互
有得失今觀溫陵環師要解科釋明白詞
理簡當發全題之間盡一經之旨可謂詳

且明矣斯解行于世久亡其舊本近回朝
鮮僧航海而來出示斯經要解輒有菩薩
戒弟子 德儀 觀斯妙法如獲至寶載
欣載喜三歎三思既不忘於付囑將鏤板
以流通廣行法施續佛慧命俾大地咸聞
妙法願真經流布於無窮乃知環師解
經之心則與諸善人刊板之心功無異也
一日過余徵序于後遂嘉其弘法之心大

江之心普乃為之書然覽斯解者了明
妙法不離文字不即文字如此則靈山一
會儼然未散矣是為序

永樂十七年歲在巳亥秋九月望後三日
京都僧錄司左善世兼天界住山 道成



重刊妙法蓮華經要解

佛說大乘經即正法華亦名妙法蓮華

三朝翻譯故曰三經重沓今惟七卷行

世誠釋氏第一要典人能持誦功德莫

比然其義無量甚深難辨溫陵環禪師

為之要解明白開暢俾人一覽稍具知

見亦可聞識無量義處矧天資穎悟機

鋒敏捷者哉吳大郡而梵刹叢列若緇

若白俱罕見之玄墓聖恩禪寺住山獨

峯

昂公借滇南釋慧堅

得未曾有如獲重寶烏敢自私

謹募緣刊印用廣流傳冀大眾徧閱令

離諸着福慧倍增克一圓覺同登竄上

乘者

弘治庚申夏五望

賜進士出身奉議大夫廣東按察司僉事

勅命提督學校致仕前尚書儀部員外郎

郡人張習敬跋



